


〔重刊訂正本〕

中國醫學大成

錢若利題



【三十一】

84078

〔重刊訂正本〕

中國醫學大成

三

上海科學技術出版社

中國醫學大成（全套共五十冊）

上海科學技術出版社出版

（上海瑞金二路四五〇號）

新華書店上海發行所發行

上海市印刷十廠印刷

開本七八七×一〇九二

三十二開

精裝

總字數二二,七九〇,〇〇〇

總印張八六二

一九九〇年六月第一版 一九九〇年六月第一次印刷

慈幼新書

〔明〕程鳳雛 輯

原瘡要論

〔清〕袁（佚名）編輯

麻疹備要方論

〔清〕吳硯丞 編輯

原 編 曹炳章

總審定 裘沛然

總審閱 蕭敏材 朱邦賢 沈麗君

重刊訂正《中國醫學大成》序

《中國醫學大成》一書，我鄉先輩四明曹炳章先生所輯集，爲發揚中醫學，保存古醫籍，以饗同道並惠後學作也。曹氏纂集是書時，正值西學東漸，國內淺見倖進之徒，競尙浮華，大肆鞭撻我國文化固有之精英，如民族醫學，悉在消滅之列，中醫學不絕如縷。而先生乃在此時從事中醫叢書巨著之編輯，姑不論其學術價值，獨其保存民族文化精粹之苦心孤詣令人可敬，其卓識遠見，又何其可欽也。

楊志一在原書序中有說：『大凡學術之成立，歷久而不敗者，必有其真實之價值在。』善哉言乎！中華民族立國數千年而得以生存繁衍，如無優秀之文化及可貴之醫學，則亦何逃於優勝劣敗之例。尤

其在科學迅猛發展之今日，百技更新，而古老之中醫藥學日益引起國內外有識之士之重視。各類中醫藥研究所之建立，亦爲保護人民健康之需要，順應世界醫學發展之潮流而設。凡此種種，夫豈偶然。

惟中醫學歷史悠久，濫觴於炎黃，昌盛於漢唐，歷代醫家多有創見，其學術經驗載於文獻者浩如煙海，遺佚者可弗論，僅就先生纂集之時，存書尙達萬種，學者既不能盡讀，又無力購置，且諸書精粗雜糅，版本文字舛誤殊多，使學習中醫者常興望洋之嘆。先生乃爲之博採精選，上自先秦，下迄近代，凡理論、方藥、臨床各科咸備，別爲十三類，書計三百六十五種，分醫經、藥物、診斷、方劑、通治、外感病、內科、外科、婦科、兒科、針灸、醫案及外集雜著各類。其中傷科、眼科及五官病歸入外科，推拿、手術歸入針灸，醫論、醫話、醫史歸入雜著。所收各書，皆中醫要籍，大都內

容精粹，切合實用，版本亦從精選，並加句斷。各書之首，皆列著作校刊略歷及內容提要，以便讀者入門粗知梗之助。

中醫學歷來叢書頗少，是書搜羅廣而選擇精，洵爲前所未有之巨著。惜全書印刊未半而抗戰軍興，烽煙迷漫，醫籍出版被迫中輟。而已印行之一百三十六種，今亦散佚不全。上海科學技術出版社爲應學者需求，重爲付梓，並影印以存原貌。書中明顯錯訛者，由我院及中醫文獻研究所等有關單位專業人員校勘改正，使之益臻完善。

夫文以載道，中醫學爲我國醫學之重要財富，文獻則是寶庫中之重要內容。故有志斯道者，務求先通中醫之理論法則、方藥效用和臨床處置，使對中醫學有全面之理解，更須驗之臨床，以汲取其理論精華與豐富經驗。學問之事，原恃艱苦以求而非獵取可得。昔張仲景勤求古訓，博採衆方；孫思邈青衿之歲，高尚是典，白首之

慈幼新書提要

明程鳳雛撰。鳳雛字雲鵬。湖北江夏人。張希良序云。鳳雛受知蔣慎齋先生。稱吾楚文章巨子。醫事其一端而已。先之以慈幼書者。憫赤子之呼號而莫告也。昔寧都魏文冰叔謂鳳雛之醫。神明變化。大似武侯用兵。鳳雛聞之曰。武侯吾豈敢。吾師鄧禹耳。鄧禹有言。吾將百萬兵。攻城陷陣。未嘗妄殺一人。皆能達造化之機者。其卷首列保產。先明未產保養。以植基礎。其卷一列稟賦。臟能脈候。胎症變蒸。其卷二列雜症。其卷三四五列痘瘡。其卷六列痘瘡備用方。其卷七列麻疹。丹毒。風毒。驚丹。急驚。慢驚。風癇。發熱。卷八列傷寒。卷九列感冒。咳嗽。痰喘。瘧疾。痢疾。吐瀉。卷十列食積。疳積。腹痛。小便諸血。卷十一列瘡疽雜症。卷十二列痘家應用藥性等類。綜觀慈幼一書。大而胎產痘疹驚癇寒熱。細而耳目喉齒。以及瘡癰疥癬。廣博精微。無一不備。誠保嬰之慈航也。考先生又著慈幼筏一書。署名程雲鵬。鳳雛輯。後附醫案。炳章亦在徵求中。謀刊於續集。是書書賈爲謀推廣銷路計。因僞托介賓名。其一二卷上。雖添加張介賓著。以眩惑讀者。其次行仍有程雲鵬鳳雛輯。

嗣閱張希良原序。云與雲鵬友善。詳述其著書緣起。並未涉及介賓一字。且查介賓著書事略。亦無是書之輯。其立方用藥。更與景岳派不同。又陸定圃冷廬醫話。亦稱程鳳雛作慈幼筏。可知實非介賓之著。今書名雖是慈幼新書。而著作人遵原文改正爲程雲鵬鳳雛輯。所以昭翔實也。

張序

士君子立身。爲天下之望。雖窮而在下。凡百有作。無一不與天下相維繫。故能爲天地立心者。斯能爲生人立命。如吾友程子鳳雛是已。鳳雛受知蔣慎齋先生。稱吾楚文章巨子。自余司鐸江夏時。固心識之矣。後稍稍接見。乃知鳳雛非特能文章。其胸中浩蕩之氣。實將空當世一切之所有。醫事其一端已。醫亦不一家。而先之以慈幼書者。憫赤子之呼號而莫告也。今天下醫學之弊。非庸則妄。庸者卑陋自窒。守一師說而不能變通。妄者私心穿鑿。攻補一偏而不能察于微妙。其術不同。而殺人則一也。昔寧都魏文冰叔。謂鳳雛之醫。神動變化。大似武侯用兵。鳳雛聞之曰。武侯吾豈敢。吾師鄧禹耳。鄧禹有言。吾將百萬兵。攻城陷陣。未嘗妄殺一人。夫鄧禹、武侯。皆能達造化之機者。余觀慈幼一書。大而胎產痘疹驚癇寒熱。細而耳目喉齒。以及瘡癰疥癬。廣博精微。無一不具。蓋隆中之抱膝。車上之指揮。非異事也。冰叔之言。豈欺我哉。余又聞鳳雛從趙照庵吏部。與延陵二五山人。華山半輪道士。講論大丹。駕鵲橋而交水火。固又嘗飲天姥之醍醐矣。今此肘後所傳。

豈更猶夫人之醫籍也哉。鳳雛以有爲之才。不得有爲之地。將以此書鞠育天下之人。其用心良苦。以視一命之士。惠愛不過一隅。則爲功倍多。嗟乎。余曩以木天清冷之官。視學全浙。雖夙夜殫心於端士習厚風俗。而環視車下創痍之顛蹶。而曾無可挽。不若鳳雛心力所及。遂可登斯民於仁壽之域。余滋愧矣。黃安張希良撰

慈幼新書目錄

卷首

保產……………一一二二

卷一

稟賦……………一

臟能……………三

脈候……………四

胎病……………五

胎熱……………五

胎寒……………七

胎肥……………八

慈幼新書目錄

卷二

胎怯……………八

胎黃……………八

胎驚……………九

鎖肚……………〇

不啼……………一

不乳……………一

臍風……………一

撮口……………二

噤口……………二

變蒸……………三

雜症	一
咽喉	一
齒	五
舌	七
口	九
耳	〇
目	二
鼻	九
顙	一
頤	二
臍	三
語遲	四
夜啼	四
龜胸	五

龜背	二五
鶴節	二六
行遲	二六
五軟	二七
五硬	二八

卷二

痘瘡	一
----	---

總訣 <small>孕婦痘瘡附見</small>	一六
--------------------------	----

卷四

痘瘡	一
發熱三日訣	一
見點三日訣	八

卷五

痘瘡

起脹三日訣

灌膿三日訣

結靨三日訣

落痂餘毒訣

一

一

五

〇

二

卷六

痘瘡

備用方

清地散花飲

玉液春膏飲

三豆湯

一

一

一

三

六

辟穢香

九味神功散

參麥清補湯

木香散

異功散

內托散

參歸鹿茸湯

清毒活血湯

快癰越婢湯

回漿散

象牙散

人參清神湯

荆防敗毒散

白芷升麻湯

六

六

七

七

八

九

九

九

〇

〇

〇

一

一

一

大連翹飲	一二
起頂散	一二
清肺湯	一二
菊花飲	一三
犀角地黄湯	一三
甘露飲	一三
地黃湯	一四
罩胎散	一四
救苦丹	一四
賽春雷	一五
滿天秋	一五
熱見愁	一六
千里馬	一六
一丸春	一六

蟾酥丸	一七
紅爐雪	一七
銀鎖匙	一七
豆蔻丸	一八
流氣飲	一八
風捲雲	一八
碧雲散	一九
四聖丹	一九
立馬回疔丹	一九
加減鼠粘子湯	二〇
玉紅膏	二〇
清肌湯	二一
胭脂塗方	二一
生肌散	二二

綿繭散	二二
百花膏	二二
金華散	二二
拔毒膏	二三
人牙散	二三
獨聖散	二三
吹口丹	二四
三仙散	二四
麝鑾散	二四
麥湯散	二四
稀痘方	二五
玄兔散	二五
仙砂散	二六
龍鳳膏	二六

卷七

麻疹 孕婦附見

丹毒

風毒

驚丹

驚

痢

發熱

卷八

傷寒 大人方

麻黃湯

桂枝湯

小青龍湯	六
大青龍湯	六
惺惺散	七
葛根湯	七
升麻葛根湯	七
小柴胡湯	七
大柴胡湯	八
白虎湯	八
調胃承氣湯	九
大承氣湯	九
小承氣湯	九
桃仁承氣湯	九
小建中湯	一〇
黃耆建中湯	一〇

理中湯	一〇
真武湯	一〇
白通湯	一一
麻黃附子細辛湯	一一
四逆湯	一二
四逆散	一二
甘草瀉心湯	一二
玄參升麻湯	一三
陽毒升麻湯	一三
桃仁湯	一三
黃連犀角湯	一四
雄黃銳散	一四
牛蒡根湯	一四
牡蠣澤瀉湯	一四

黃龍湯……………一五

卷九

感冒……………一

咳嗽……………三

痰……………五

瘧疾論附見大人方……………七

痢疾論附見大人方……………一二

吐瀉……………一七

卷十

食積……………一

疳積……………八

腹痛……………一二

小便……………一三

血……………一六

汗……………一八

痘……………一九

卷十一

瘡痘雜症……………一

五福化毒丹……………一

加味解毒散……………二

九味解毒散……………二

復元活血湯……………二

惡瘡毒腫神方……………三

大黃活命丹……………三

神效散……………四

三七化毒丹	四
洪寶丹	五
沒藥散	五
白蒺藜散	五
接骨散	六
勝金丹	七
本事內消散	七
乳香定痛散	七
班蝥奪命丹	八
玉珍散	八
絳袍散	九
冰黃散	九
豆豉餅	一〇
神效當歸膏	一〇

鐵箍散	一〇
猪蹄湯	一〇
敷腫毒方	一
內消散	一
犀角丸	一
軟癰方	二
蟾酥丸	二
生肌散	三
玉蟾生肌散	三
漏蘆湯	四
偷刀散	四
太乙膏	四
神效千槌膏	六
療癰丸方	七

金瘡膏藥	一九
天蛇頭方	二〇
血風瘡方	二〇
肺風瘡方	二一
疔瘡方	二一
疳瘡方	二二
龍膽瀉肝湯	二三
湯泡瘡方	二三
臙瘡方	二四
疥瘡一掃光方	二五
膿窠瘡方	二六
肥瘡黃水瘡方	二七
坐板瘡方	二七
癬瘡方	二七

卷十一

耳凍瘡方	二八
凍瘡方	二八
頭上肥瘡方	二九
室女陰戶外瘡方	三〇
陰戶內蟲方	三〇
足指內瘡方	三一
濕瘡方	三一
足縫爛濕方	三一
通利濕氣丸方	三二
濕氣神應膏	三二
大癰瘋方	三三
鶴膝風方	三六
綉球風方	三六

慈幼新書 目錄

痘家應用藥性附見……一——二五

慈幼新書

明 江夏 程雲鵬鳳雛輯

鄞縣 曹赤電炳章校

卷首

保產

生產一道。天地自然妙理。不假修爲。然詩人以不坼不副。無災無害。美后稷。則自后稷以外。固實有坼副災害其母者。保產之術。可不講乎。世風不古。胎教久廢。爲母者既不能保于平時。身安逸。則氣血凝滯。奉養厚。則脂膜肥滿。嗜慾多。則胎衣厚而難破。不幸值此。急以回生丹治之。

鄭蘭皋曰。嗜慾一端。爲害最重。三月前犯。能動胎小產。三月後犯。使子不壽。慎之慎之。

又曰。出胎時。身多白點。或兩足粉白如枯骨。或痘標乾涸焦紫。皆此之故。

又曰。飲食最忌炙煇椒辣。及驢馬犬兔。蟹鼈鯨魚。河豚菌子。野雀薏苡茨菰之類。昔人有食兔缺唇。食鼈短項。食蟹橫生。食魚生瘡等論。驗之良然。史摺臣曰。俗信師巫邪說。轉女爲男。妄用鍼灸。或吞符水。或以麝香膏藥貼臍。爲害匪淺。

少婦初產。神氣怯弱。子戶未舒。中年婦人。生育既多。血氣虧損。二者須大金丹。至寶丸。常服調理。

懷孕六七月。或八九月。偶略曲身。胎忽亂動。三兩日間。或痛或止。或有水下。惟腰不甚痛。胎未離經。名曰弄產。又有臨產一月前。忽然腰痛。却又不產。此是轉胎。名曰試月。胎本有無俱不妨。但直身坐臥行立。即無事。又有伸手高處取物。忽子鳴腹中。但令鞠躬片時。即愈。

臨產陣痛。有二三日者。有五七日者。氣候未至。須聽其坐臥如意。不得便令扶坐努力。憂疑氣餒。或丸或散。諒虛實消息之。大金丹同生丹達生散便產神方

臨產有七候。臍腹急痛。腰間重墮。眼中火出。糞門迸急。產戶腫滿。手中指筋脈跳動。胞水或血俱下。方是子出胎時。產母始可用力。如數症未備。即一日二日。切不可

可強使掙努。又有胞水已下。兒頭已到產門。三四日仍不出者。亦唯有調其飲食待之。服大金丹壯之。

臨產時飲食減少。即須常服獨參湯調理。不可使精力衰乏。若交骨不開。是氣血不能運達。須補中益氣。加味芎歸湯服之。

臨產時驚覺太早。血先下而胎元乾涸。殭死腹中。唯看產母面舌。面青母傷。舌青子傷。面舌俱青。子母難保。下死胎。亦不必倉皇用力。服回生丹至三丸立下。若一時未備。以平胃散一兩。投朴硝五錢。煎三五沸溫服。其胎即化水而出。切忌用力。駭傷產母。

產時子有出戶之勢。轉側差緩。母力一逼。或手或足。橫生倒生。又有生路未正。兒頭偏拄左右腿畔。名曰偏產。又有偏拄穀道。名曰棖後。凡此宜急扶產婦上床。正身仰臥。厚被覆之。服便產湯。臨產預煎須臾提上。重新轉身。兒頭正對產門矣。急扶即生。

程克庵曰。俗謂手先出爲覓鹽。以手得鹽而螫縮也。吳子通云。不論手足先出。急以針尖微刺手足心內。大約深半米許。用鹽醋泥三味。調勻塗之。輕輕送入。

產時門戶俱正。兒已露頂而不下。此轉身時。臍帶絆其肩也。扶母仰臥。輕輕推兒向上。以手指輕按兒肩。去其臍帶。然後用力送下。

胎衣來遲。氣虛弱也。大金丹服之。若血流入衣。脹悶疼痛。宜速服回生丹二三丸。或牛膝湯下之。捷法用滾水磨好陳墨。沖服卽下。或令能事穩婆。以手循臍帶而上。輕覆衣血。從容俟之。亦下。有用草麻子貼足心。及令產婦含頭髮作嘔者。甚非良法。切須戒之。

產時用力太早。水衣先破。以魚膠燒過存性。搗細沖酒服之。又有水衣破時。被風所吹。產戶腫脹。乾澁狹小者。亦從容俟之。又有穩婆蓄意害人。私以指搯破水衣。須要防護。

產時腸先盤出。用淨盆盛溫水。少入香油養潤。待兒并胞衣下時。母略仰臥。自己吸氣上升。穩婆香油塗手。徐徐送入。或以陰陽家用過磁石煎湯服之。亦能收上。或濃煎黃耆湯浸之。補中益氣湯服之。尤爲妙法。又有兒并胞衣下後。膀胱墜出。產戶者。同前法送入。若穩婆不謹。膀胱扯破者。八珍湯加猪胞三錢。服之可復。

汪寧齋曰。盤腸爲中氣不足。若初胎見此。下次孕時五六月上。多服補中升提。

之劑。分娩自無此患。

產畢。產門不閉。氣血虛也。加味芎歸湯。十全大補湯。俱可服。若因胎大。而擦傷產門者。蘄艾。益母草煎湯洗之。

產後血暈。不省人事。用韭菜細切。裝入有嘴瓶內。煎滾醋沃之。封紮瓶口。刺二小竅。扶產婦坐定。以瓶竅對鼻孔熏之。令醋氣透入。須臾自甦。或進大金丹。清魂散。亦無不效。曩有燒舊漆器法。不宜用之。蓋血氣未回。穢觸必生他病。豈可妄施。乃爾。

方公度曰。敗血逆上攻心。滿急垂絕者。用生薑二十片。鹽半斤。炒熱布包熨之。血下而愈。或韭菜同炒亦妙。又有敗血入肺作喘者。人參。蘇木等分。煎服自瘥。產後百脈空虛。洗拭太早。令中風口噤。手足搐搦。角弓反張。或因怒氣發熱迷悶。用荊芥穗微焙。當歸酒洗各二錢。水鍾半。童便。黃酒各半鍾。煎七分灌之。牙關緊。以簪挾開。或口對口灌。仍捻其鼻。以手摩其喉。使得下咽。卽甦。產後有舌出不能收者。亦妄力所致。以硃砂末傅之。仍令作產子狀。片刻自愈。舊法。窗戶外潛堆盆盎。擲地使驚而舌入。此與燒漆器咬頭髮之意。皆未盡善也。

孕時觸損臟氣。胞繫裂斷。忽然胎墮。名曰小產。虧敗子宮。較大產為甚。宜倍加調攝。大金丹至寶丸服之。或芎歸補中湯亦可。

大金丹

當

歸肥白大枝者酒洗

白茯苓乳拌

白

朮黃土裏飯上蒸七次去土切片烘

延胡索酒煮透

斬艾去梗淘淨

川

芎川藁本去土洗

丹皮水洗

赤石脂煨

苗

陳童便

鼈甲醋炙

黃芩酒炒

白芷各二兩

人

參切片飯上蒸

大地黃酒煮

益母草取上半截熬膏

香

附醋乳酒童便鹽水

桂心

大粉草酒洗

沒

藥透明者去油

北五味子去梗淨

阿

膠蛤粉炒成

紫河車一具。盛竹籃內。放長流水中。浸半日。去其穢惡。用黃柏四兩。入煨罐內。將河車放黃柏上。酒浸沒。炭火煮熟。取起。合各藥同搗晒乾。磨極細。如飛麵。復合益母草膏。爛地黃。阿膠和勻。搗二千杵。如乾。漸加煉蜜。丸如彈子大。每重三

錢五分。日色中略晒片時收起。

阿膠難得佳者。用龜膠神妙。吳子通傳此方。以硃砂爲衣。合時勿經婦人手。

臨產米湯服一丸。助精神。壯氣血。分娩順利。

產下童便好酒服一丸。神清體健。無崩暈之患。每日服一丸。五日後氣血完固。

不生他病。

產後血崩。童便好酒服一丸即止。

產後血暈。當歸川芎湯服一丸即醒。

產後風痙。防風湯服一丸即解。

產後兒枕作痛。山查砂糖湯服即止。

產後胞衣不下。黑薑煎湯服即下。

婦人經水不調。艱於子者。每行經後。川芎當歸湯日服一丸。過百日即能受孕。

婦人氣血不調。情志鬱結。受胎後偶有所觸。胎動欲落。白湯服一丸。睡半日。其

胎即安。每日服一丸。保全足月。分娩無患。

凡婦人諸虛百損。用川芎當歸湯。每日服一丸。亦多可復。產後不論何症。俱用

童便好酒服之。能保命護身。回生起死。其功不能盡述。

至寶丸

真金華香附一觔四兩擇無毛大而淨者童便浸三日搗碎晒乾為末用馬

十二兩

熟地黃三兩

當歸

杜仲鹽水炒各二兩

川芎

人參

白茯苓

牡丹皮

延胡索

滴乳香

沒藥二味瓦上焙去油研

赤石脂細膩粘腎者火煨醋淬各一兩

白朮

白芍各一兩五錢

鹿角膠牡蠣粉炒成珠去粉四兩

方內餘藥俱照大金丹製法。蜜丸彈子大。每早空心白湯服一丸。能調經止帶。

安胎補虛。凡治胎前一切症。從無神妙過此者。

回生丹

錦紋大黃為末一觔 蘇木三兩打碎河水煎汁三碗

大黑豆三升水浸去殼用絹袋盛乾好同

紅花三兩炒黃色入好酒四碗煎五七度去渣

米醋陳者九觔

右件先將大黃末。入淨鍋。下米醋三觔。文火熬之。以長木筯。不住手攪之。成膏。再加醋三觔。熬之。如前攪透。又加醋三觔。熬之。如前攪透。徐下黑豆汁。再熬。次下蘇木汁。次下紅花汁。如前攪熬成膏。取起盛瓦盆內。將鍋粃鏟下。同後藥磨。

人參二兩可減

當歸

川芎俱酒洗

香附

延胡素俱醋炒

蒼朮米泔炒

蒲黃隔紙炒

茯苓

桃仁去皮尖

酒蒸熟地黃各一兩

牛膝

地榆

白芍俱酒洗

甘草炙

三稜醋浸透紙裏煨

川羌活

廣橘紅

馬鞭草

五靈脂醋煮化焙乾研細

山萸肉

酒浸蒸搗爛入藥晒各五錢

木瓜

青皮炒

白朮米泔炒

秋葵子各二錢

烏藥去皮二錢

良薑

木香各四錢

乳香

沒藥各二錢瓦上焙去油研

益母草二兩

右三十味。并前黑豆殼為末。入石臼內。下大黃膏拌勻。再下熟蜜一觔。共搗千杵為丸。每重二錢七八分。靜室陰乾。須二十餘日。不可日晒。不可火烘。不可塵。

染。乾後止重二錢有零。鎔蠟護之待用。

臨產。淡鹽湯下一丸。無橫生逆產之苦。氣血怯弱者。獨參湯下之。

產母素患熱病。子死腹中。用車前子一錢煎湯服。未下再服二三丸。若因血下

太早。致子死者。人參、車前子各一錢煎服。如無參。以陳酒少許煎車前子湯。

胎衣不下。用炒鹽少許。泡湯服一丸至二丸三丸。

產畢血暈。用薄荷湯服。

產後三日。血氣未定。還走五藏。奔衝於肝。血暈。起止不得。眼見黑花。用滾水服。

產後七日。因食物與血結聚胸中。心悶煩渴。用滾水服。

產後虛羸。血入於心肺。熱入於脾胃。寒熱往來。似瘧非瘧。用滾水服。

產後敗血走注五臟。轉滿四肢停留。化爲浮腫。渴而四肢覺寒。乃血腫非水腫

也。用滾水服。

產後敗血爲熱。中心煩躁。言語顛狂。非風邪也。用滾水服。

產後敗血流入心孔。閉塞失音。用甘菊花三分。桔梗二分。煎湯服。

產未滿月。誤食酸寒堅硬之物。與血相搏。流入大腸。不得剋化。泄痢膿血。用山

查煎湯服。

產後百節開張。血入經絡。停留日久。虛脹酸疼。非濕症也。用蘇梗三分煎湯服。產後月中。飲食不得應時。兼致怒氣。餘血流入小腸。閉塞水道。溺血似鷄肝。用木通四分煎湯服。又或流入大腸。閉塞肛門。有瘀血成塊如鷄肝者。用廣陳皮三分煎湯服。

產後瘀露未淨。飲食寒熱不得調和。以致崩漏。形如肝色。潮熱煩悶。背膊拘急。用白朮三分。廣皮二分煎湯服。

產後血停於脾胃。脹滿嘔吐。非翻胃也。用陳皮煎湯服。

產後敗血入五臟六腑。并走肌膚四肢。面黃口乾。鼻中流血。遍身癍點。危症也。陳酒服。

產後小便澀。大便秘。乍寒乍熱。如醉如癡。滾水服。

產後敗血爲害。一切異症。人所未經。醫亦難識。但服此丹一九至二三九。無不奇應。胎前以獨參湯常服一九。壯氣養胎。滋陰順產。調和五臟。平理陰陽。最爲神妙。

室女經閉。月水不調。白湯服妙。

此丹疏利臟氣。較大金丹為速。然尋常服餌。必以至寶為先。此丹殿後。大金間進。又以濟二藥之奇。自有產科以來。未見如此十全法寶也。吾願天下有力人。速為誠敬修合。廣濟羣生。皇天決不相負。

兔腦丸

十二月兔腦髓一具去皮膜研如泥

母丁香二錢五分

乳香

麝香各另研五分

三香碾細拌勻。兔腦為丸。如芡實大。陰乾。油紙裹好。每用時溫水下一丸。凡生理不順。或橫或逆皆效。產時男左女右手中握出。趙照庵曰。鼠腎用銀針挑破。滴乳香一錢。為末和丸。如桐子大。硃砂為衣。俟惡露至。好酒送下二丸。同此治效。

備用煎方 丸藥一時未備者。按候用之。

安胎飲

白朮

當歸

紫蘇

條芩各一錢

川芎八分

白芍七分

砂仁炒

香附各炒六分

人參

陳皮各五分

炙甘草三分

苧根二錢

翁曙公曰。婦人經水三月不來。疑似之際。用川芎二錢為細末。空心煎艾湯調下方寸七。覺腹中動。則有胎也。臍之下動。則血瘀也。不動者。瘀血凝滯也。程未能曰。女子胞繫於腎。腎氣虛。胎不能固。用杜仲一斤。鹽水炒斷絲為末。黑棗一斤。去皮核搗肉。共為丸。每服三錢。其胎自固。

人參橘皮湯 妊時嘔酸惡阻。脾胃虛也。

人參

白朮

茯苓

陳皮

厚朴

麥冬

炙甘草

煨薑

麥門冬湯 妊時心常驚悸。是子煩也。

麥冬

黃芩

茯苓

淡竹葉

天仙籐散 妊時面目四肢浮腫。是子氣也。

香附

陳皮

烏藥

甘草

天仙籐

羚羊角散 妊時喉中喘急。搐掣露睛。是子癇也。

羚羊角

五加皮

川獨活

川芎

苡仁

當歸身

酸棗仁

炙甘草

茯神

木香

防風

杏仁

達生散

大腹皮炒

白芍酒炒

紫蘇

人參各一錢

甘草炙

陳皮各五分

當歸身二分錢

慈五葉

胎肥加黃楊樹梢七個。

春加川芎。夏加黃芩。秋冬加砂仁、枳殼。

程坡士曰。達者。暢茂條達之意。或曰。達音闕。小羊也。詩。誕彌厥月。先生如闕。美

后稷之易生。夫馬牛羊豕。未有分娩而致厄者。豈天之於人獨薄乎。不知皆平

時調攝無道。臨產着意驚惶。遂致人不如物耳。為丈夫者。幸體此而講明之。

便產神方

當歸五分錢

川芎

白芍各一錢二分

貝母一錢

兔絲子酒洗二錢

荆芥八分

厚朴薑汁炒

黃耆蜜炙各七分

枳殼炒六分

艾葉

甘草炙

川芎活各五分

胎至九個月一服。產時再服。易於分娩。并可杜血暈、陰脫、無乳、血塊痛等症。又方。產時有橫逆、脹、柱諸症。服此神良。

當歸

枳殼

赤芍

貝母

益母草錢各一

車前子八分

好酒、童便同煎。如遇遍身拘攣。加

麻黃八分

升麻五分

吳綺園曰。產母平素血少者。臨時以當歸三錢。川芎二錢。日服一次。名佛手散。甚效。若鄉村不能備藥。忽遇橫生逆產。速以柘樹葉煎汁連飲二鍾。少頃不動。更進一鍾。至四五鍾。必能提上轉身矣。

催生如神散

百草霜取釜底心者

白芷不見火各為末

每服三錢。以童便、米醋調和如膏。加沸湯下。或童便、酒煎進二服。薛立齋云。此

藥大能固血。可免血乾。治逆產橫生。其功甚大。

黑神散

官桂

當歸

芍藥

甘草

炮薑

生地各一兩

黑豆炒焦去

為末。每服三錢。溫酒下。治熱疾胎死腹中自出。朱丹溪云。胎得煖則下。故用薑桂。冬月更宜。

催生滑胎湯

當歸一錢

川芎

枳殼

紫蘇

滑石各六分

甘草三分

木通五分

白茯苓七分

大腹皮八分

益母草三錢

無參不能服達生散者。此方亦妙。

平胃散加朴硝方

厚朴

蒼朮

陳皮各二錢

甘草五分

朴硝五錢

俱用生者。下死胎神妙。

朱紫含曰。有雙胎。一死一生者。取蟹爪煎湯服。能令生者安而死者出。

牛膝湯 治胎衣不下。

牛膝

木

通錢各三

當歸二錢

滑石四錢

瞿麥一錢

黃葵子五分錢

張心齋曰。五六個月墮胎。亦有胞衣不下者。牛膝、官桂、川芎、當歸、蒲黃、朴硝、生薑服之。

加味芎歸湯 治交骨不開。產門不閉。

川芎一錢

當歸五分錢

自死龜板酥炙過亦可一錢

婦人頭髮燒存性一錢

補中益氣湯 治交骨不開。盤腸不收。膀胱墜出。

黃耆五分錢

人參

白朮各一錢

當歸八分

陳皮

炙甘草各五分

升麻

柴胡各三分

十全大補湯 治產門不閉。

人參

白朮

茯苓

甘草

川芎

當歸

熟地

白芍

黃耆

肉桂

除耆桂爲八珍湯。治膀胱破損。

玉龍湯 治產後陰挺下墜。產戶腫痛。

當歸

芎藭

地黃

芍藥

龍骨

當歸川芎湯 治產後瘀血心疼。

當歸

川芎

香附

青皮

生地

赤芍

延胡

桃仁

紅花

丹皮

澤瀉

煎好。用童便半杯。酒半杯。沖服。

江子眉曰。益母草一兩。入童便一碗。水一碗煎服。能去污穢。不致留滯作疼。

王介庭曰。近人於產後多服紅糖。爲逐瘀煖腸之用。不知產後脾胃虛弱。甘甜

作嘔。血隨上泛。豈不誤人。且紅糖間有摻入石膏者。誤服立見危殆。產後忌食生冷。惟梨尤甚。雖食少許。即桂附亦不能救。平素喜食生冷者。只藕不妨。

清魂散 治產後血暈。

當歸二錢

川芎一錢

荊芥七分

澤蘭八分

甘草三分

益母草三錢

身熱。加麥冬七分。

脈細。加人參一錢。童便一鍾。

小調經湯 治產後敗血流入四肢浮腫。名曰產後流注。

沒藥

琥珀

桂心

赤芍

當歸

細辛

麝香

爲末。每服二錢。薑汁溫酒調下。

車前子湯 治產後尿血。

蒲黃

芍藥

黃芩

生地

當歸

牡蠣

車前子

黃絹湯 治產傷膀胱。不能小便。滲濕苦楚。

生絲黃絹一尺

白丹皮

白芨各一錢

同煎至絹爛如錫。空心頓服。不得作聲。神效。

玉露飲 治產後無乳。

人參

茯苓

甘草

芍藥

川芎

當歸

枳殼

桔梗

又方

當歸

川芎

瞿麥

王不留行

穿山甲

麥冬

陳皮

煎熟。沖酒一杯飲之。徐以木梳梳乳數下。乳路自通。

又酒方 治乳少。

生地

熟地

當歸

木通

牡蠣各一錢

川芎

白芍各五錢

酒升五

芎歸補中湯 治小產血崩。腹痛暈厥。

人參

黃耆

白朮

川芎

當歸

白芍

艾絨

阿膠

杜仲

炙甘草

五味子

人參黃耆湯 治氣虛小產。血下不止。

阿膠

艾絨

白芍

當歸

人參

白朮

黃耆

煨薑

大棗

調經種子奇效方附見 大金丹。至寶丸。調經妙藥也。然修合不易。此方煎劑。竟

有奇功。雖未能十有九效。乃余所見。則效者比比矣。敬為述之。

當歸身肥白者一錢二分

熟地黃二錢

香附童便浸三

白芍酒炒各一錢

艾絨去梗淨

真廣陳皮各七分

甘草炙

乾薑炮黑各三錢

白茯苓

丹皮酒洗

延胡索炒

川芎酒洗各八分

官桂四分

山萸肉二錢

右十四味。依法炮製。加煨薑二片。大棗一枚。水二碗。煎八分。空心服。渣再煎。臨臥時服。

每月經至淨後。即服此方。一日一劑。服四五劑後。不必再服。旬日內即能成孕。如經期不調者。每月服五劑。三月後必調經受孕也。

慈幼新書

明 江夏 程雲鵬鳳雛輯

鄞縣 曹赤電炳章校

卷一

稟賦

兒在母腹中。感受精氣。一月胚。二月胎。三月血脈見。四月形體成。五月能動。六月筋骨成。七月毛髮生。八月臟腑具。九月谷神入胃。十月百骸備而生。生後六十日。瞳子成。能笑語。始識人。百日任脈生。能反覆。一百八十日。尻骨生。能獨立。二百一十日。掌骨成。能匍匐。三百日。髕骨成。能獨倚。三百六十日。爲一週。膝骨成。乃能移步。落地時。身破裂者死。陰囊白者死。陰不起者死。無糞門者死。股間無生肉者死。開口如鵝聲者死。

凡週歲之間。顙顙開解。齒髮不生。手足攣縮。膝如鶴脰。身羸無肉。或四五歲不能行立。皆胎氣不足致之。若夫筋實則多力。骨實則早行。血實則形瘦多髮。肉實則少病。精實則伶利多笑語。不畏寒暑。氣實則少髮而體肥。此皆受胎氣之充足。得稟賦之隆厚者也。

呂晚邨曰。凡小兒齒遲。語遲。行遲。顙門開大。腎疳等症。皆先天不足。自啐周時。卽有虛病。腎病。從幼填補。亦多可復。

初生芽兒。藉乳爲命。善爲乳母者。夏不欲熱。熱則致吐逆。冬不欲寒。寒則致咳嗽。乳時不欲怒。怒則上氣顙狂。不欲醉。醉則身熱腹痛。母方吐下而乳。則致虛羸。母方積熱而乳。則變黃不能食。新房而乳。則瘦瘠交脛不能行。新浴而乳。則發吐傷神。冷熱不調。停積胸膈。結爲痰飲。遂成壯熱。壯熱不已。乃作驚癇。兒啼未定。遽以乳哺。氣逆不消。因成乳癖。懷孕而乳。致令黃瘦。腹大脚弱。名曰魃病。大抵芽兒或瘡或熱。或困倦。或口生白糜。或夜啼。或糞色變常。必非無因。病之初來。其弱必甚少。便須根究緣由。隨症調治。庶無後患。

胎症列後。

人每於初生時。多向頭額前髮際穴灸之。取其可以截風路也。此但可行之北方地寒之處。東南脆薄。似乎不宜。

臟能

心所伏者腎。所敵者肺。所喜者苦。所傷者鹹。應三變八蒸之臟。和則性情悅樂。疾主驚癇恐悸。譫語狂煩。涎流口角。痘主紅癍。肝所伏者肺。所敵者脾。所喜者酸。所傷者辛。辣。應初變六蒸之臟。和則魂魄壯。意智生。疾主風攣搐搦。眼目赤腫疼痛。痘主水疱。肺所伏者心。所敵者肝。所喜者辣。所傷者苦。應二變七蒸之臟。和則氣爽神清。魂強。疾主喘滿咳嗽。虛痰壅盛。痘主膿疱。脾所伏者肝。所敵者腎。所喜者甜。所傷者酸。醢。應四變九蒸之臟。和則消穀食。美滋味。疾主嘔噦疳積。瀉痢潮熱。不思乳食。痘主結痂。腎所伏者脾。所敵者心。所喜者鹹。所傷者甘。甜。應五變十蒸之臟。和則嬉戲笑語精神。疾主黑齒崩沙。聾耳膿汁。痘主黑陷。

脈候

左頰者肝之部。應左手關位風木之分。額爲心之部。應左手寸口君火之分。鼻爲脾之部。應右手關位濕土之分。右頰爲肺之部。應右手寸口燥金之分。頤爲腎之部。應左手尺部寒水之分。向有初氣二氣之說。頗不應。詳見余別著脈覆中。

小兒五歲以下。未可診寸關尺。惟看男左女右虎口。食指一節寅位爲風關。脈見易治。第二節卯位爲氣關。脈見爲病深。第三節辰位爲命關。脈見爲病危。

色紫爲熱。色紅傷寒。色青驚風。色白疳疾。惟黃色隱隱爲常候也。色黑者多危。脈紋入掌爲內釣。紋彎裏爲風寒。彎外爲食積。病重時紋勢彎入。猶可挽回。彎外者萬不救一。

五歲以上。以一指取寸關尺三部。六至爲和平。七八至爲熱。四五至爲寒。浮弦爲風癰。沉緩爲傷食。促爲驚。細爲冷。單細爲疳勞。洪爲蟲積。浮而遲。潮熱者爲胃寒。半歲以下。於眉端髮際之間。以名中食三指候之。兒頭在左。舉右手候。兒頭在右。

舉左手候。食指近髮爲上。名指近眉爲下。中指爲中。三指俱熱。外感於風。鼻塞咳嗽。三指俱冷。外感於寒。內傷飲食。發熱吐瀉。食中二指熱。主上熱下冷。名中二指熱。主夾驚。食指熱。主食滯。

胎病

小兒胎病凡二端。在胎時母失愛護。或勞動氣血相干。或坐臥飢飽相役。飲酒食肉。冷熱相制。恐怖驚悸。血脈相亂。蘊毒於內。損傷胎氣。此胎熱胎寒。胎肥胎怯。胎驚胎黃諸症。所由作也。又有落地時。浴體拭口。斷臍炙顙之不得法。綳絕驚恐。寒溫乳哺之乖其宜。此撮口。臍風。鎖肚。不乳等症。所由生也。黃帝云。吾不能察其幼小。亦唯小兒臟腑嬌嫩。血氣懦弱。肌體不密。精神未充。而用藥消息之難耳。

胎熱

胎熱者。生後氣急喘滿。眼閉或目赤。眼胞浮腫。神困呵欠。呢呢作聲。遍體壯熱。小便赤。大便濇。時復驚煩。宜至寶丹研服之。木通散與乳母服之。目不開。以二妙散

溫洗之。不治則生鵝口、木舌、重舌、紫赤丹瘤。
至寶丹

滑石六兩

甘草

木香

陳皮

莪朮

三稜各一兩

茯神

白朮

山藥

遠志

青皮各一兩五錢

甘松五錢

益智仁五錢

麝香五錢

一方加人參一兩。

蜜丸芡實大珠砂爲衣。燈心湯調化服。

此卽時下所常用祕方也。不論內傷外感。變蒸寒熱。一切治之。予謂此藥唯蒸症相宜。次則鬱熱伏暑神劑。小兒夏月宜多服之。補而不滯。瀉而不偏。殊有妙用。

木通散 兼治小兒臍熱。小府閉。諸瘡丹毒。母子同飲。

木通

篇蓄

大黃

甘草

瞿麥

赤茯苓

滑石

黃芩

薄荷

炒梔子

車前子

補中益氣用升、柴、天、道之方也。此方車、茯、瞿、篇、地、道之方也。小兒稚陽氣純。天道完全。故唯此法出入調理。

二妙散 大人翳膜血絲俱治。

文蛤一兩

黃柏二錢

煎水熏洗。

胎寒

胎寒者。百日內口冷腹痛瀉白。時發戰慄。曲足攣拳。晝夜啼哭不已。或口噤不開。昏昏沉睡。治以指迷七氣湯。失治則成慢驚。指迷七氣湯 一切腹痛寒熱。多啼不乳等症。皆為陰陽不升降。氣道壅塞而作。並宜服之。

陳皮

青皮

藿香

桔梗

莪朮

香附

半夏

甘草

肉桂

益智仁

生薑

大棗

凡人身內之氣。呼吸出入。無刻不與天道陰陽之氣相通。故六淫外襲。則感而致病。翕受之理也。內氣閉塞。天道不通。升者不升。降者不降。寒熱之原也。是方疏利臟氣。神應無方。最宜領會。

學者能識陰陽消息。即不用方內藥味。吾知其必有合也。愚昧者未可與語。

胎肥

胎肥者。生下肌肉厚者。遍體血紅。滿月後漸漸羸瘦。目白。五心煩熱。大便難。時時涎溢。浴體法治之。

胎怯

胎怯者。生下目無精光。肌肉薄。大便白水。身無血色。亦浴體法治之。

天麻五分錢

蠍梢

硃砂各五分

麝香少許

白礬

青黛各二錢

烏蛇肉酒浸焙三錢

爲末。每用三錢。連葉桃枝一握同煎十沸。溫熱浴之。勿浴背。

胎黃

胎黃者。生下遍體面目皆黃如金色。或面赤眼閉。身上壯熱。大便不通。小便如梔汁。皮膚生瘡。不思乳食。啼哭不止。母子同服地黃湯。

生地	赤芍	川芎	當歸
花粉	甘草	赤茯苓	猪苓
茵陳	澤瀉		

胎驚

胎驚者。月內溫壯。翻眼握拳。噤口咬牙。身腰強直。涎潮嘔吐。搐掣驚啼。腮縮頰開。或頰赤。或面青眼合。凡胎風眼合。不可誤作慢驚。而用溫藥。只宜解散風邪。利驚化痰。調氣貼顙。甚則以朱銀丸治之。如初生不能服藥。以猪乳汁調牛黃麝香少許。入嚙即愈。如眉角引搐不已。用大蝦蟆一隻。活取膽。將人乳調服之。立效。

朱銀丸 此方能取胎中蘊受之毒。亦治驚積。須量與之。

水銀	一錢	蒸棗	南星	全蠍	硃砂	亦各
白附子	五分	天漿子	蘆薈	各五錢	鉛霜	和水

牛黃各五分

白殭蠶七枚炒

片腦一字

麝香少許

蜜丸桐子大。薄荷湯食前下。

古方有當用者。不必妄為加減。認症既真。投之立效。不敢用者。不明之罪。用而不明於症。雖用奚為。

鎖肚

鎖肚者。胎中熱毒壅盛。結於肛門。急令婦人以溫水漱口。吸吮兒前後心臍下手足心共七處。凡四五次。外以輕粉五分。蜜少許。溫水化服。以通為度。如更不通。以物透而通之。金簪為上。玉簪次之。須刺入二寸許。納入蘇合香丸。糞出為快。若至一七不通者死。不能通而又不乳者死。

蘇合香丸

白朮

青木香

烏犀屑

香附

訶梨勒皮煨去

硃砂

白檀香

安息香別為末無灰酒一升熬膏

沉香

麝香

丁香

蘇合香撥各二

龍腦

薰陸香

蘇合香油內入安息香膏各一兩

古方有三。各不同。

煉蜜和劑。旋丸桐子大。

不啼

落草不啼。有因難產。項被母夾。有因絞臍。項被臍纏。有因天寒。癘氣所逼。有因糞門生膜。閉住兒氣。病項者。溫手摩之。口吸咂之。寒氣者。溫水浴之。以潔淨婦人舌。吸咂其舌而通之。生膜者。手拍之使破。不破以銀簪挑之。

不乳

出胎三日。不知吮乳。此惡穢入腹。腹滿氣短。亦由胎中受寒。兒腹疼痛嘔吐故也。指迷。七氣見胎調之。

臍風

臍風者。斷臍後。為水濕風冷所乘。入於臍而流於心脾。令肚腹脹滿。臍腫多啼。不能吮乳。甚則風搐。指迷湯見胎消息之。臍邊青黑。撮口不開。為內搐。不治。爪甲黑不治。若因熱在胸堂。伸縮努勢。亦令臍腫。木通散見胎消息之。日消息者。未可全用本方也。落地貧富不同治。氣稟厚薄不同體。天時寒熱不

同功。醫不諳此。豈堪司命。

撮口

撮口者。氣息喘急。啼聲不出。或肚上青筋。弔疝內氣引痛。此胎氣兼風邪入臍。治宜疏利鬱結。指迷湯見胎去桂。加大黃、鈎藤、僵蠶。或參以荊芥穗湯。

荊芥穗湯

川黃連

荊芥穗

生地黃

生甘草

大便秘。加大黃。

小便少。加木通。

噤口

噤口者。眼閉口噤。啼聲漸小。舌上聚肉。如粟米狀。吮乳不得。口吐白沫。大小便不通。遇此先看其上齦有點子。即以指甲輕輕刮破。次服四順清涼飲。加木香、白蔻仁。利動臟腑。徐以指迷湯見胎加減調之。如口噤不能開。用生南星去皮臍爲末。加龍腦少許。合和。將指蘸生薑汁調之。擦大牙根上立開。大人中風口噤俱效

四順清涼飲

當歸

白芍

甘草

大黃

三症雖異。其源則一。大抵裏氣鬱結。閉塞不通。並宜淡豆豉汁與食。取下胎毒。甚者朱銀丸見胎亦可。用之。初生時。用淡豆豉汁與三五口。不特能下胎毒。復可助養脾氣。臍風撮口。不語不乳。灸男左女右湧泉穴。立愈。又法。炙蜈蚣末。入麝少許。猪乳和之。飲口噤立開。或蜘蛛去足及口。炙焦研細。和猪乳飲。亦效。更入麝少許。能治牙疳。窮鄉僻壤。藥餌難得。故備經驗治法。為襁褓中乞命。幸毋忽之。後卷倣此。

變文蒸

變蒸者。小兒生三十二日為一變。再變為一蒸。總五百七十六日。變蒸方足。凡變蒸身熱而脈亂。汗不出。不欲食。甚則煩啼躁渴。輕者五日解。重者八日解。其候與傷寒相似。但變蒸則耳冷。上唇發泡。狀如濁珠。若寒邪則腹中痛。啼叫不絕。為異。大都此乃長養氣血。滋榮五臟。不可妄加施治。唯宜秘方至寶丹見胎常服。若不乳多啼。或寒熱間作。陰陽不升降。指迷湯見胎消息調之。

錢氏云。一變腎。二變膀胱。三變心。四變小腸。五變肝。六變膽。七變肺。八變大腸。九變脾。十變胃。寶鑑云。初變肝。二變肺。三變心。四變脾。五變腎。二說不同。其膠滯則一。夫人當長養氣血之時。陰陽變換。五行顛倒。斯理至微。一用後天推測分配。不足見造化之神妙矣。

慈幼新書

明 江夏 程雲鵬鳳雛輯

鄞縣 曹赤電炳章校

卷二

雜症

咽喉

咽喉與肺胃相接。爲出入樞要。種種之症。與大人不同。大抵由熱毒蘊積。致生風痰。壅滯不散。爲瘡爲腫。甚至吐嚔不通。治宜桔梗湯。或牛蒡子湯。先去風痰。然後解其熱毒。次則以上清丸。時時噙化服之。亦佳。

肉鵝者。太陽少陰之火。爲風寒壅遏。關隘不通。留連發腫。痰涎稠濁。疼痛難堪。用大烏梅一個去核。納入蝸牛一條。灰火煨透碾末。刺破鵝腫點之。或服清道湯。山

豆根湯。先天虛弱火泛者。巴戟湯俱效。

喉癰者。風火鬱滯喉間。蒸溼生蟲。或疼或癢。乾燥枯涸。甚至面紅耳熱而不可忍。百部湯治之。苡仁湯調之。

牛蒡子湯。治風熱上壅。咽喉腫痛。或生乳蛾。

元參

升麻

黃芩

桔梗

木通

甘草

犀角

大力子

桔梗湯。咽喉微覺腫痛。聲破難語。神效。

桔梗

甘草

黃芩

當歸

麻黃

桂枝

白殭蠶

馬勃

上清丸。咽喉腫痛。痰涎壅塞。妙方。

薄荷

川芎

防風

桔梗

砂仁

甘草

蜜丸。彈子大。不拘時噙服。臥時更佳。

清道湯

花粉

元參

柴胡

芍藥

甘草

麻黃

桔梗

山豆根

陳達公破隘湯卽此。

山豆根湯

射干

麥冬

花粉

甘草

元參

山豆根

巴戟湯

熟地

茯苓

巴戟

麥冬

五味子

程漢章曰。少陰之火。直如奔馬。非借降泄。何以引而歸元。此方加入牛膝。澤瀉。

山萸尤妙。

百部湯

白微

紫苑

百部

元參

麥冬

甘草

五味子

大力子

白芥子

苡仁湯

熟地

麥冬

苡仁

山黃

桑皮

貝母

生地

甘草

遠公曰。服百部湯蟲死。服苡仁湯火息。更入肉桂數分。服二劑。不再發。

玉露湯 治初生喉腫。

陳茶葉

川黃連

荊芥穗

薄荷

甘草

吹藥方

膽礬

牛黃

冰片

皂角灰各一分

麝五釐

玉鎖匙 治風熱喉閉。并纏喉風。

硼砂

僵蠶各一錢

焰硝五錢

冰片三釐

碾細盛固。臨用取出。吹喉中甚效。

京師中一醫。持祕方丸藥治喉閉。獲利其廣。惟用拭面肥皂。金箔爲衣。偶爲翁
曙公識破。遇江湖無藥處。以此灌之。稠痰盡吐。危症立甦。
咽喉以下十六門。名曰襟症。指孩抱中言也。然余治法。則自初生至少壯。廣爲
設立焉。若夫虛勞相火熾甚。致喉齒耳目等症者。載余醫貫別裁中。姑不及。

齒

齒者骨之餘。骨者腎之絡。初生兒有重齬重齧者。骨不斂髓。故頰裏生物。與蘆薹
相似。用綿裹針微刺之。令瀉血汁。先以淡鹽湯洗。次以細辛散頻擦之。
齒斷。上屬足陽明胃。下屬手陽明大腸。而其爲病也。責胃居多。但所傷有胃血胃
氣之異。胃血傷者。喜寒而惡熱。清胃湯。胃氣傷者。喜熱而惡寒。益胃湯。

葉錫侯曰。胃病者。口極臭。腎病則否。

小兒臥時。開口當風。吸入風邪。留連不解。令齒縫酸痛。治以胡桐淚湯。胃虛濕熱
壅盛。不得下行。牙斷腫痛。清胃合五苓。見治之。又有牙疳出血。口臭肉爛。蘆薹丸
治之。

小兒稟賦虛怯。數歲後牙齒時疼。蟲疳風吼。九味地黃丸主之。腎氣不足。髓脈不充。七八月齒仍不出。或難出而無力嚼物。芎藭散治之。

細辛

荊芥穗各一兩

砂仁

藜蘆

鶴虱

皂角各五錢

白芷

細椒

草烏各二錢

為末。擦患處。有涎吐之。仍用水灌漱。

清胃湯

當歸

生地

丹皮

升麻

甘草

連翹

黃連

益胃湯

當歸

茯苓

白朮

陳皮

黃耆

甘草

防風

升麻

九味地黃丸

生地 茯苓

山萸 當歸

山藥 川芎

丹皮 史君子

川練肉

高鼓峰曰。此方直瀉厥陰風木。乃腎肝同治之法。緣蟲疳爲風木之化。有可伐之理。然伐其子則傷其母。故用五者補之。去澤瀉者。腎不宜再洩也。

胡桐淚湯

白芷

麥冬

當歸

生地

花粉

石膏

細辛

升麻

乾葛

胡桐淚

芎藭散

川芎

生地

山藥

芍藥

當歸

甘草

爲末。每服二錢。白湯下。

舌

舌者心之竅。脾之脈絡所繫。心脾壅熱上衝。故令舌腫。漸漸脹大。塞滿口中。名曰木舌。宜木通散見胎服之。烏魚散塗之。又有重舌者。亦心脾蘊熱所致。由血氣俱盛。附舌根而重生一物。形如舌而略短小。以真蒲黃和黃柏末傅之。或牙硝亦可。脾臟有熱。令舌絡微緊。時時舒出。名曰弄舌。切勿用寒藥及下之。唯宜瀉黃散。甚有飲水者。脾胃虛。津液少也。生時舌下有膜。如石榴子。或口上腭有疱。不能出聲。速用指甲搯破。或葦草割之。血出即活。若血出不止。猪脂調髮灰傅之。

烏魚散

烏魚骨 五錢

蜣螂

蒲黃 各二分

白礬 五分

雞子黃調塗舌上。嚥津無妨。

青液散 治重舌并口瘡。

青黛

朴硝 各一錢

龍腦 一字

蜜調鵝羽蘸傅。

瀉黃散 治弄舌兼治木舌。

藿香葉

炒山梔

石膏

甘草

防風

口

小兒生後。宜勤看口。有口糜者。膀胱移熱於小腸。腸膈不便。上爲口糜。導赤合五苓治之。

鵝口者。初生白屑滿舌。如鵝之口。乃胎熱所致。用髮纏指上。蘸薄荷自然汁拭之。如不已。更以粟米煎濃汁拭之。外用煨過黃丹滲患處。

初生一復時。滿口上下牙斷。忽變白色。恍如齒牙。名曰馬牙驚。不治。若因將養過溫。積熱熏蒸於上。發爲口瘡。宜炒焦乾薑。同黃連爲末。傅之。以木通散見胎與乳母服。如不愈。更以礬湯浸脚。上半日。以蜜炙黃柏。炒殭蠶末。傅之。立效。如只口角爛瘡。髮灰以猪脂調。傅即愈。

導赤散

生地

木通

赤茯苓

麥冬

甘草

燈心

五苓散

猪苓

赤茯苓

赤芍

白朮

肉桂

口糜散

口瘡糜爛神效。

黃柏

黃連各一兩

雄黃

沒藥各二錢

片腦五分

爲末乾溲瘡上。

耳

小兒腎氣實。其熱上衝於耳。使津液壅滯。化爲稠膿。或爲清汁。亦有沐浴水入耳中。血氣凝滯。漸生疳臭。久乃成聾。湯氏有五耳之名。其本則一。宜龍骨散吹之。外服化毒退熱之劑。膽氣不舒。風邪乘襲。少火被鬱。兩耳腫痛。內流清水。久則變爲膿血。身發寒熱。耳

內如沸湯之響。此風火燥乾膽汁之候。治宜舒膽湯。耳中乾聒。無膿無水。痛如針刺。久則焚槁成聾矣。速宜平火湯重劑服之。或以柴胡聰耳湯消息調之。

龍骨散

龍骨研

明礬煨各三錢

黃丹煨二錢

胭脂一錢

麝香少許同末

先撚去膿汁。次用鵝管吹入。

吳遇齋曰。瘡在耳外。用雄黃一錢。紅棗一枚去核。包黃在內。火煨存性。取黃研細。搽上即愈。瘡在耳內。用魚首石煉存性。碾細。加硃。麝各少許同碾。吹入自愈。方鹿村曰。耳後膿瘡。用柿餅蒂七八個。燒灰。將熄時。以碗覆之。冷定為末。入輕粉一錢。香油調塗即愈。

舒膽湯

當歸

白芍

元參

花粉

炒梔

柴胡

石菖蒲

平火湯

熟地

生地

麥冬

玄參

菖蒲

柴胡聰耳湯

柴胡三錢

連翹四錢

當歸

甘草

人參各一錢

蟲三個去翅足

水蛭五分

麝香少許另研

生薑一片

各藥煎好。去渣入三末。再煎一二沸。食少遠。熱服。

程慶其曰。有蟲入耳中。痛不可忍。極似乾聾症。用生薑擦猫鼻。取尿滴耳中即出。

仇芭軒曰。有聾燥暴聾者。用全蠍去毒為末。酒調滴耳中。聞水聲即愈。

目

目黑睛屬肝。白睛屬肺。瞳人屬腎。上下胞屬脾。大小角屬三焦。心者。往來機發之

輪。故目內赤者。心家積熱上攻。導赤散見主之。青者肝熱。瀉青丸主之。黃者脾熱。瀉黃散見主之。有視物不明。不腫。不痛。不赤。無翳膜。或見黑花。無眼光者。是肝腎陰虛。不可服涼藥。宜滋陰腎氣丸主之。有初生眼閉者。由產母食熱物毒物所成。以熊膽少許。蒸水洗之。日七次。如三日不開。與地黃湯服之。乳母與木通散熱見胎服之。乳母食熱物毒物。令兒眼赤者。消風散加減調之。時氣風熱。眼昏紅腫者。開明湯。沖和湯主之。鬪睛。牛黃膏主之。疳眼流膿生眵。龍膽飲子治之。痘毒及無辜疳入眼。羊肝散治之。初生洗拭不淨。穢汁浸漬眼眥中。兩角赤爛。至長不瘥。又有難產。轉側差遲。血壓兒首。灌注入眼。生下不見瞳人。外胞赤腫。上下弦爛。亦宜生地湯服之。四神散洗之。不可服重劑寒涼。致傷臟腑。若因肝氣上衝。腦汁大墜。翳膜捲簾。非服補腦還睛丸不可。

諸不治症。白珠如多。腦髓。翳如梅花。莖。瞳人散亂。青光瞎。白珠膿出。內翳裏睛。血脈脹出。瞳人打破。白翳貫心。烏珠突起。

瀉青丸

龍膽草

梔子仁

大黃

羌活

防風錢各一 當歸

川芎錢各五分

蜜丸。竹葉薄荷湯下。

滋陰腎氣丸

熟地三兩

山藥

歸尾

丹皮

北味

柴胡錢各五

茯苓

澤瀉錢各二分

生地酒炒四兩

蜜丸。辰砂為衣。每十丸。空心白湯下。

張迂庵曰。人至中年。腎水衰耗。兩目昏花。極宜六味地黃丸。加枸杞、甘菊、沙苑、蒺藜常服。平素火盛者。入酒炒黃柏一兩。火虧者。入肉桂一兩。眼昏兼虛熱。紅腫澁痛者。此丸減少作湯。加枸杞、甘菊。數服自愈。不得妄用風藥。致損真元。

生地黃湯

生地

赤芍

歸尾

川芎

甘草

花粉

燈心

消風湯

防風

茯苓

蟬蛻

陳皮

厚朴

川芎

羌活

荊芥穗

白殭蠶

藿香葉

甘草

開明湯

羌活

白芷

荊芥

防風

菊花

川芎

生地

黃芩

當歸尾

蔓荊子

草決明

薄荷

燈心

生薑

仲和湯 治四時感冒。赤火之眼。極效。

羌活

蒼朮

防風

白芷

生地

黃芩

川芎

細辛

甘草

生薑

葱白

四神散

銅青

明礬

海螵蛸 煎過用 各一錢

礪砂 二錢

燈籠果漿爲丸。芡實大。每用時水浸化。蒸熟取清水洗拭。

將軍冲翳散 洗一切翳障。

文蛤

苦參

升麻

薄荷

防風

荊芥

白芷

川芎

羌活

草決明

十二將軍二聖湯

黑面將軍個十二

綠聖

白聖各五分煎洗

程自閑曰。卽五倍子白礬銅綠耳。以其功能得邀品號。

龍膽飲子

青蛤粉五錢

炒黃芩二錢

羌活

龍膽草各二錢

麻黃三錢五分

蛇蛻

穀精草各五分

爲末。每服二錢。茶調下。

羊肝散

蜜蒙花三錢

青箱子

決明子

車前子各一錢

羊肝一葉薄批。滲上濕紙裏煨。空心食之。

牛黃膏

牛黃

麝

香

各五

白附子

炮

肉

桂

全蠍

川芎

石膏

各一

白

芷

辰砂飛

藿香葉

各二

蜜丸。芡實大。薄荷湯研化服。

賽寶萬槌膏

治老障紅絲努肉。風火爛弦重翳。如神。

盧甘石

煨一兩。取出研極細。飛過復內。將火硝拌勻。用火

蕤

仁一兩。去

琥珀

珍珠

瑪瑙

珊

瑚

石蟹各五

雌黃

雄黃各二錢

以上用布包裹。槌碎研細。水飛過。加金銀箔各二百片。同研細。再入人乳。研十萬下。如塵欲飛。然後用荊芥穗、草決明、防風、羌活、木賊、菊花、蕤仁、千里光各五錢。細剉。煎水二碗。澄清熬膏。加乳汁。復熬透。調前藥槌之萬下。如乾以膏濕之。做成片子藏固。臨用取少許潤軟點之。

立靈散

盧甘石一錢同

冰片

麝香各一分

熊膽二分

麝仁三分去

研細點翳膜上。

粉丹散

輕粉

黃丹

等分爲末。盛小竹筒吹耳內。左翳吹右。右翳吹左。奇效。

辟塵膏 治塵埃入目。搯成腫痛。發熱啼哭。

頂煙陳墨新級水濃磨入元明粉和成膏新

吳樸公曰。飛絲入眼。亦蘸墨點之。略閉刻許。墨染絲黑。用筆挑去。

補腦還睛丸

雌黃火煨入醋 千里光酒拌

兔絲子酒浸

川木賊去節童便

杏仁去皮

荒蔚子

荊芥穗

甘菊花

羌活

防風

蛇蛻酒浸

石決明煨各

川芎

白蒺藜

蟬蛻

蒼朮

酒蒸地黃各一兩

各自爲末和勻。煉蜜丸。如彈子大。每服一丸。日三次。薄荷湯或好茶送下。

大腹皮

當歸尾

何首烏

麻黃

川芎

北細辛

鼻

鼻爲肺竅。一有風寒停滯。則氣道壅塞。津液不收。流爲濁涕。若冷結不散。久乃不聞香臭。辛夷散治之。有風寒挾熱者。則鼻乾不眠。又有乳母臥時。鼻中出息。吹著兒顙。亦令鼻塞。不能飲乳。開關散治之。

鼻淵有二症。風入膽中。移熱於腦。腦尋竅於鼻而出涕。濃而臭。爲實熱症。當歸湯治之。鼻流不臭清涕。經年不瘥。爲肺氣虛寒之候。治宜石首魚腦湯。又有鬱火不宣。門戶閉塞。稠粘濁涕。或硬或黃。不嚏則脹悶難忍。嚏則鼻梁疼痛。須加味逍遙

散治之。

辛夷散

白芷

辛夷

甘草

開關散

香附

白殭蠶

為末。用生葱白同搗成膏。紅絹包固。臥時貼顙門上。

當歸湯

當歸五錢

貝母五分

石首魚腦湯

訶子

川芎

細辛

藁本

木通

升麻

防風

川芎

荊芥穗

細辛葉

皂角燒存性
各等分

元參三錢

辛夷一錢

炒梔八分

柴胡三分

甘草各一錢

荊芥

細辛

人參各五

桔梗二錢

石首魚腦骨五錢煨存性

爲末。將上件煎好。去渣入末。再煎一二沸服。

加味逍遙散

當歸

白芍

白朮

茯苓

甘草

陳皮

柴胡

桔梗

黃芩

白芷

半夏

顛

顛陷者。血氣虛弱。不能上衝腦髓。或因泄利下陷。不得平滿。總以狗頭骨炙黃爲末。入雞子清調傅之。

顛填者。乳哺不調。致傷寒熱。逆氣衝填。突然高起。毛髮短黃。顛惕自汗。寒氣則牢鞭不已。熱氣則柔軟不支。寒者溫之。熱者涼之。兼調其氣。而折其逆。自無不愈。顛解者。小兒年大。頭縫開解不合。由腎氣不足。腦髓空虛。如樹無根。豈堪培養。斯時也。惟以六味地黃。加龜板爲丸。空心溫水服之。外用防風。柏子仁去油爲末。乳

汁調塗。或以華陰細辛、肉桂、乾薑為末。乳汁調傅。亦多有效。
六味丸

地黃八兩

山萸肉

山藥各四兩

茯苓

澤瀉

丹皮各三兩

程格思曰。張仲景原方有桂。附各一兩。名八味丸。錢氏謂小兒稚陽。無補陽之理。故去桂。附治之。近世俗醫。并六味亦不敢與小兒服矣。

頤

滯頤者。脾胃虛冷。涎流出而漬於頤間。不能收約。大宜溫脾。薑朮散主之。或八仙糕。加木香、白蔻仁亦妙。

薑朮散

半夏

木香各五錢

川白薑

白朮

青皮

陳皮各二錢五分

糕餅丸。麻子大。一歲十丸。米飲下。

八仙糕

人參五錢

苡仁

芡實

山藥

茯苓

蓮肉各四

白米粉五升

白洋糖任用

臍

臍爲有生之蒂。內通臟腑。偶或汁出。或赤腫。或生瘡。俱爲風濕相乘。當用白石脂末焙。出火氣。傅之。日三度。或油髮灰傅。或當歸末傅。或蝦蟆灰傅。亦可。
安臍散

瓜蒂

南星

白斂

赤小豆

斷臍時。以四藥等分爲末。每三錢。用芭蕉自然汁。調塗四傍。能去濕固氣。
王介庭曰。斷臍時。以蘄艾爲撚子。香油浸濕。燒臍帶至焦方斷。斷後用軟帛厚棉裹束。每日看之。勿令兒尿浸潤。可以豫防臍風。
楊涵一曰。臍帶落下。放新瓦上。煨存性。碾細。每一分。用飛過硃砂五釐和勻。外以黃連、當歸、生地煎汁。調成稀餬。搽乳上。與兒吮吃。一日令盡。次日搥下黑糞。

可免痘密。且無瘡痕。

語遲

言心聲也。母有驚邪。兒感其氣。心神不守。舌本不通。菖蒲丸主之。

菖蒲丸

人參

麥冬

川芎

當歸

遠志

菖蒲

乳香

硃砂

錢各一

蜜丸麻子大。每服十丸。粳米湯下。

夜啼

陰盛於夜。小兒臟冷。遇夜則陰極發躁。寒盛作疼。故夜啼而日歇。鈎藤散主之。

鈎藤散

木香

甘草

鈎藤

生薑

茯神

茯苓

川芎

當歸

大棗

如或心熱煩疼而夜啼者。必面赤舌白。小便赤澀。即去當歸。木香另爲末。加辰砂一錢同研。少以木香煎湯調服。有觸犯禁忌及驚駭者。服新安金藥。見程書焉。曰。夜啼一症。有用燈花末塗乳頭者。有用燈心湯研化燈花四五粒而飲之者。有用井邊草。或雞窠中草安臥蓆下。不令母知者。俱有意焉。

龜胸

胸高臍滿。其狀如龜。此肺家熱邪。由乳母多用五辛酒麵無度。或夏月熱乳所致。宜服杏仁煎。

杏仁煎

川大黃

天冬

杏仁

百合

木通

各一錢二分

桑皮

葶藶

各五分

石膏

八分

臨臥時服。

龜背

小兒生下。不能保護。客風入於骨髓。或坐蚤勞傷氣血。多成痼疾。間有灼艾收功者。肺俞穴第三椎骨下兩傍各一寸五分。膈俞穴第七椎骨下各一寸五分。以小兒中指中節爲一寸。艾炷如小麥大。灸但三五壯爲止。內服松蘿丹。

花 松

枳 殼

防 風

獨 活各一兩

川 大 黃

麻 黃

前 胡

桂 心各五錢

蜜丸黍米大。粥飲服。

鶴節

小兒肌肉瘦薄。骨節呈露。如鶴之膝。此先天稟受精髓不充。亟以六味地黃丸。見加鹿茸、牛膝治之。緩則必成廢疾。

行遲

小兒髓不滿骨。血不榮筋。故軟弱不行。虎骨飲治之。或六味丸。加牛膝、五加皮、酒

炙鹿茸亦可。若稟受肝氣怯弱。致兩足攣縮。兩手伸展無力。須薏苡仁丸治之。
虎骨飲

虎脛骨

乾地黄

當歸身

棗仁

茯苓

川芎

防風

牛膝

肉桂

爲末。每服一錢。粥飲調入酒少許。日二次。

苡仁丸

秦艽

當歸

苡仁

棗仁

防風

羌活

等分蜜丸。芡實大。每一丸。荊芥湯研化。入麝一釐服。

五軟

小兒生後。頭項手足肉口皆軟。乃先天諸陽之氣不足也。頭項症。地黃丸見服之。甚者星附膏貼之。手足肉口症。補中益氣湯主之。產見保有因吐瀉之久。顙目頓陷。

天柱骨倒。補中加附子治之。地黃丸料兼服之。

余子敬曰。肉軟者。肉少皮寬。口軟者。食少舌舒。皆脾胃之症。又有初生。遍身赤肉。全無皮殼。或有皮如魚胞。如水晶。亦產母脾氣不足所致。無皮者。以粳米粉拌黃土傅之。魚胞水晶者。蜜陀僧碾細末傅之。更有焮赤發熱者。石膏碾細傅之。

星附膏

南星

附子

等分爲末。用生薑自然汁調傅。

五硬

薛氏曰。五硬者。仰頭取氣。難以動搖。氣壅作痛。連於胸膈。脚手心冷而硬。此陽氣不營於四末也。又曰。手足冷而硬者。獨陽無陰也。難治。若肚筋青急。爲木乘土位。速宜六君子湯加炮薑、肉桂、升麻、柴胡。以復其真氣。如係風邪客於四末。而令硬冷者。須從驚風症中求之。

六君子湯

人參
半夏

白朮
炙甘草

茯苓

陳皮

慈幼新書卷二 雜症 五硬

慈幼新書

明 江夏 程雲鵬鳳雛輯

鄞縣 曹赤電炳章校

卷三

痘瘡

總訣

痘曰胎毒。由男女交媾時。先有火會而後精聚。此火蘊釀於胚胎之中。爲血液之賊。外有感觸。忽然而生。莫可止遏。間有輕重不等者。或父母稟受所致。或天行運氣使然。善治者因其勢而利導之。何難皆中理解也。兒在胞中。如雛在卵。形體未全。口無透竅。賴其母血液灌漑於臍帶中。渾渾然太初之氣也。產時母血橫流。滲入兒口。容或有之。俗謂口含血餅嚥下。寄於命門。蘊

蓄成毒誤矣。其有臍矢者。猶瓜果中漿汁。豈食血餅而成。若云腹中賴此滋生。則此乃血液之寶。焉得成毒哉。

沈旬仲曰。此益都翟氏之旨也。鳳雛淵源翟氏。一番推出一番新。翟氏得未曾有。鳳雛又發明其所以然。開聲噴而濟天枉。二先生寧止爲斯道之功臣。

痘毒稟自胚胎。或數年而後發。或十數年而後發。或數十年而後發。其未發也。深藏潛伏。聲臭俱泯。正如閭閻無事時。未可執人而誅之曰。爾將爲寇也。奈何世有預解痘毒之說者。

預解痘毒方法。有偶中者。小兒胎毒本輕也。一或不中。當奈之何。嘗見富貴之家。珍愛太過。徧覓方士金丹。及出痘時。反極重不可救藥。良由所服損虛臟氣。不得使痘毒宣暢故爾。

痘毒在人身中。無處不有。然其發也有次第。自骨髓而達於筋。腎主骨。血氣壯盛。毒盡送出於筋。則腎經毒解。自筋達於肌肉。肝主筋。氣血充足。毒盡送出於肌肉。則肝經毒解。自肌肉達於血脈。脾主肌肉。血氣充足。毒盡送出於血脈。則脾經毒解。自血脈達於皮毛。心主血。氣血充足。毒盡送出於皮毛。則心經毒解。自皮毛達

於瘡窠。肺主皮毛。氣血充足。毒盡送出於瘡窠。則肺經毒解。五臟毒解。血化爲膿。毒從膿化。痂結靨落而功成矣。若出於筋而少留於骨髓。則壯熱口乾悶亂。出於肌肉而少留於筋。則搖擗牽掣。紫黑潮熱。出於血脈而少留於肌肉。則得癰腫於四肢。出於皮毛而少留於血脈。則痘不圓肥。出於瘡窠而少留於皮毛。則痂落遲而多癰癰。

痘毒與諸瘡毒不同。諸瘡毒未成形。可解散內消而愈。既成形而未成膿。猶可逐散不成膿而愈。痘毒發自先天。應期開落。不可內消。不能逐散。全仗氣血送毒歸痘。翟氏秘奧在此四字。以灌膿結痂。生理沛然。一用寒涼冰伏。變症叢生矣。况有不必解者。又有不可解者。小兒稟賦強壯。素無疾病。飲食如常。其氣血足以運送。變化成功。順症也。焉用解。若先天稟賦素虛。後天脾胃復弱。出痘時飲食減少。或瀉利腹脹。或手足冷。或氣短促失聲。或出不快。或根窠不紅活。或色白頂陷。或當膿而不膿。當靨而不靨。此氣血不能運送變化。宜速用溫補。若參耆歸朮力不及者。卽丁香桂附佐之。亦不爲害。焉可解爲。

痘毒蘊結於臟腑骨肉之間。與血氣渾成一塊。未曾破解。有感之後。漸漸分離。如

胎之將產。此解字乃分形解體也。故痘出一分。毒解一分。痘出二分。毒解二分。痘盡出。則毒盡解。特在肌肉之間而未化耳。出不齊。脹不起。膿不化。痂不結。氣血弱也。速宜助之。助之者。恐膠結難解也。若曰未出可解之。不出多出可解之。少出將使胎之在腹者。可使之不產。將產亦可使之有不產乎。

痘之發與雜症不同。雜症只在一經。痘則五臟之症俱見。古云似傷寒者。亦大概言也。孟春沂曰。寒出外入。故惡寒痘由內出。故惡熱故惡寒無汗。頭痛脊強。左額青紋。面色慘而不舒。此傷寒之所有。痘症之所無也。兩目含淚珠如水精。鼻氣出粗。睡中微驚。耳紋現。發紅者凶惡熱不惡寒。此痘症之所有。傷寒之所無也。有云中指獨冷。耳尻冷等說。理亦信焉。

痘者豆也。肖其形則生。不肖其形則死。形之不肖。元神竭矣。尖圓而突。周淨而鬆。形之有神者也。如鉄。色如佛。殼如疥。無根。如蠶種。小如蛇皮。片如蚊跡。散如瘰癧。散如湯泡。先皮肉如火刺。乾血形之無神者也。形而無神。可冀生乎。至於色也。欲如春花之在露。紅活不欲如秋草之經霜。黑黯紅白兩分明潤光活。色之有彩者也。如膩粉。如枯骨。如紅米飯。如猪肝色。色之無彩者也。形不有神。色不現彩。生意可知。

矣。嗚呼。神彩其生死之門戶也。

凡痘之看。先看元氣。痘兒元氣。非有非無。唯心領意會而已。如形色初善而終變惡者。元氣內竭也。形色初惡而終歸善者。元氣內強也。元氣本也。形色末也。故善治者必求本。

程書焉曰。昔人用人參、黃耆、甘草爲保元湯。始終不易。正欲使元氣內強耳。

桂巖子曰。人知痘藉氣血。不知痘之所藉。尤有超於氣血者。蓋元氣盛則氣血流通而領逐。而負載並行祛毒。痘必應期而開落。元氣一虧。則在外者內不續。在內者外不固。毒肆妄行。或出或入。而爲外剝內攻矣。調養真元。補益氣血。誠治痘完策。不得已而欲攻他症。中病即止。經曰。常毒治病。十去其八。無毒治病。十去其九。夫包血成圓者。氣也。氣能拘血制毒。則痘暈必光明而紅活。頂陷者。氣之虛。塌陷者。氣之離。暈枯者。血之虛。根散者。血之離。圓也暈也。氣血之所爲也。而所以成圓成暈者。氣血不得專也。

吳東園曰。根顆者。血之運。膿者。血之腐。六日前專看根顆。無根顆者。必不灌膿。毒在內也。六日後專看膿色。無膿色者。必難收靨。元氣不足。此理也。勢也。

無形者依有形。有形者附無形。互相依附。天地之道。亦氣血之道也。氣之離。不由血之散乎。故自氣血交後。常觀根暈為憑準。粗緊紅活。生意沛然。若微細而不現。不斂。且黯淡。則氣將飛去。而必不克制毒矣。是故內攻根散者死。內攻而根血猶附。非毒作楚。必三因致之。因體虛因穢觸因誤藥

氣血有常。但不能盈於常。而能自虧於常。然亦有盈者何也。毒壅於氣。火搏於血耳。癰者。血有餘也。庖者。氣獨盛也。經曰。邪氣盛則實。真邪奪則虛。

氣居親上之尊。則痘頂尖圓白潤。血安親下之分。則四圍色暈紅活。若通頂紅色。必不能漿。八九日痒塌而死。此非血之過。由氣虧而失其尊。故血得妄行而僭居其位也。大補其氣。猶或可救。誤認血熱。以涼治之。斃矣。真血熱則枯焦紫黑甚至無痘處亦紫

凡形色大惡。氣不交。漿不成。似為死矣。若精神爽朗。便食如故。而天庭有一二悅目者。猶可發毒。作臭痘而愈。何也。毒在外。不在內也。故如此云。

陳氏云。痘以太陰脾肺二經為主。肺宜溫而脾宜燥。萬氏云。痘始終以脾胃為主。胃當養而脾當補。馬氏云。痘以少陰心經為主。火不可太清。而血不可太寒。夫脾為孤臟。主肌肉。化水穀而生津液。灌溉諸經。而熏蒸發育。肺主氣。心主血。氣血充

盈。响濡流貫。而痘有不得其天者乎。

心主血而屬火。痘藉之以運用一身。溫則流行。寒則凝滯。世以犀角涼之。此不知陰陽之屬也。惡能使之運化痘毒而成功乎。故予只於痂後餘毒用之。若天行癘氣。與氣血爭盛者。脈洪數。痘初出即帶紫色。既出而稠密紅紫。內症煩悶躁渴。小便赤澀。大便秘結。量入清涼之味解之。或酒炒大黃微利之。甚有口鼻出血者。犀角暫用之。若毒盛而氣血不盛者。雖曰解毒。必兼活血補氣。參耆歸芍。安可缺耶。黃連、犀角皆瀉心之品。時下恃為治痘神良。不論虛實寒熱。一切用之。更益以石膏、明粉、生地汁、羚羊角之屬。冰伏其生生之氣。噫異哉。

痘始終藉熱成功。先三日熱而後出。出齊則退。漿將行又熱。漿足則退。回漿前又熱。漿回則退。結痂收靨落痂又熱。名曰燒癰。凡此皆不宜涼解。涼解則氣血凝滯不行。痘毒留中而禍作矣。初熱未退痘即出日火苗宜辛涼抑表

痘不為害。惟毒為害。毒盡附於痘中。不為害。惟不盡附於痘中。則為害。法門奧故無論隨所因而用何劑。必少加穿山甲末。透其竅而逐之。使毒歸於顆粒而後已。又必加白芍。斂其血而收其毒。使無一分滲漏傍溢。治痘之法。其庶幾乎。

痘未出前。升發微汗。使毒氣宣通。毒出外而內自安也。既出後。調氣助血。使漿路充盈。漿始化而毒無不盡也。

毒停肌肉則發腫。毒滯皮膚則作臭。肌肉陽明主之。屬土。皮膚太陰主之。屬金。癰腫土象。腥臭金象。亦各從其類也。

書謂紅癰者生。紫癰者死。黑癰藍癰。百不救一。雖然。亦有紅癰死。而紫癰藍癰得生者。夫癰血熱也。失於解利。則發癰。惡痘癰出。勢所必然。無論顏色。癰與不癰皆死。但天庭疎朗。形色善而癰出。又當別論。昔一癰症。諸醫莫治。召予視之。已七日矣。癰分上中下。上癰紅。中癰紫。下癰青。視其痘。則綻突疎朗。內含清水。色黑黯而精神爽健。視唇舌。則多苔燥。予曰。失解故也。進以清涼自愈。後果然。由是書不可拘也。察形色。驗唇舌。是準。

痘前後有衄血者。毒氣外洩。衝於肺也。此非惡候。只宜髮灰散。清肺湯調之。不可用犀角等峻劑。

疔之結也。亦熱毒壅盛。失於解和。內不能入。而結隧道空隙之處。惡痘疔結。逆轉爲順矣。但結前後心必死。結耳門喉下者死。辨疔有法。慎無以黑痘作疔。黑痘猶

痘也。疔則陷入肉中。形如螺蓋。捏之則有核。割之不知痛。其根白或長寸許。醫多誤認。靨後疔爛。七日前後者。四聖丹主之。

痘起脹。或收結時。驟然泄瀉不止。危在旦夕。有用異攻散仍不效者。豆蔻丸、白朮散止之。熱毒作瀉用起脹灌膿時。有六七日不大便而煩悶作痛者。毒盛而秘也。清毒活血湯。去參。耆加牛膝。倍紫草。當歸。服時入生蜜半杯。甚者加酒炒大黃三錢利之。若仍不通。用猪膽汁滴入穀道中。即通。切不可用硝黃大下。使生變症。禁絕葷腥是矣。然亦有富貴之子。其脾胃賴此以養成者。一旦使之不食。則生生之氣將何賴以熏蒸長育乎。是又不可以常法論者。

痘之所恃者。血爲養而氣爲充也。故眼鼻必欲封塞。眼封則神不外馳。鼻塞則氣不外逐。神氣內榮。而毒不爲之制伏者鮮矣。然又有鼻塞而有涕。美之徵也。鼻塞而竅外乾黑者死。眼封而有淚。生之兆也。封而沿眶塗煤者死。封眼五六日間未腫。過封後必眼疾。痘少者不封。或封而纔靨即退。

氣血之分。猶清濁之本於上下也。氣血之交。猶陰陽之互爲依附也。當分不分。毒結之。當交不交。毒隔之。知陰陽散鬱。何不分之有。知清熱解毒。何不交之憂。

痘之形症有四。曰毒壅。曰血熱。曰氣虛。曰血虛。又虛實有四。表裏虛實是也。見點稠密。形不尖鬆。色慘黯而皮膚間欲出不出。此毒壅也。見點深紅而漸變紫黑。夾疔夾癰。此血熱也。頂陷皮薄。平塌不振者。此氣虛也。色淡根散。或痘色與肉色無異者。此血虛也。身微熱而有汗。曰表虛。壯熱無汗。喘促。脈浮。皮毛焦。肌肉痛。表實也。精神疲倦。唇舌淡白。曰裏虛。狂亂氣盛。渴飲善食。唇燥而舌見黃白苔者。裏實也。毒壅血熱。同表裏之實。氣虛血虛。同表裏之虛。此一而二。二而一者也。壅者疏之。熱者涼之。虛者補之。實者瀉之。不虛不實。平劑以調之。明此數者。思過半矣。雖然。辨寒熱虛實。尤須用舌作綱維。

三等。順險逆順者。血氣充和。痘毒宣暢。不必施治。險者。氣血不舒。痘毒壅遏。或雜症攪擾。當急施治。逆者。痘毒凝結。氣血乾枯。治之無功。五要。一出欲盡。二起發透。三膿稠滿。四收靨齊。五結痂厚。五善。一飲食如常。二大小便調。三瘡紅活堅實。四脈靜身涼。手足溫煖。五聲音清亮。動止安和。五者不能全得。一二亦不能全得。七惡。一煩躁悶亂。譫妄恍惚。二嘔哕洩利。飲食不能。三黑陷焦枯。癢塌破爛。四頭面預腫。鼻煽肩抬。目張唇裂。五喉舌潰爛。食入即嘔。水入即噎。六寒戰咬牙。聲啞色黯。七腹脹喘促。

四肢逆冷。七者不必皆有。一二亦自難爲。又有渾身血疱。心腹刺痛。陷伏不出。便溺皆血。尋衣撮空。是又卒死而不可救者。

葉天士曰。逆症亦有得生者。未可捨之不治也。險症必無死理。死者醫之過。非痘之過也。今且有揀順症治之。以混俗沽名。而捨棄其險者。吾是以惡金鏡錄等書分症之言。爲不仁也。

痘有至佳者。隨出隨長。隨長隨灌。頂尖圓而色紅潤。稍見漿而卽靨。又有至奇者。隨出隨長。隨長卽靨。通不見膿汁。名爲旱痘。二者俱不宜施治。庸妄者每至殺人。先出疹。疹靨而痘始出。曰墊疹。疹與痘並出。疹靨而痘始長。曰夾疹。痘出卽有小顆粒堆於痘之上。曰罩痘痧。痘出時。皮肉間隱隱有癰點。大小不一。曰夾癰。皮肉間艷色紅赤如雲頭。而突起成片。曰丹毒。靨後痂落而疹出。曰蓋疹。種種不同。要皆痘毒之浮遊散漫於皮膚間者。只當於痘中用治法。不可與正經癰疹癰毒同科。

大都症候相似。運氣使然也。彼與此一。症狀無殊。非氣運而何。乾涸者火鬱勝。吐瀉而肉腫者土鬱勝。咽燥喘促者金鬱勝。彼此凝伏者水鬱勝。鬱而不出者木鬱

勝。火則清之。土則平之。木則發之。金則潤之。水則溫之。不泥於法。求之於經。自可
斡旋造化。

諒形體用藥上工也。小兒臟腑易虛易實。體實過劑。尤爲之損。况弱乎。凡痘極光
潤。極榮灌。至回謝日而忽變逆。誰之咎歟。形體本虛。理宜補益。不察而行攻劫。使
人元氣一驅而出。外雖榮灌。內實耗蠹。欲不死得乎。諒形體者。非泥於形體之形。
而審形體之神也。

痘症之陷有四。有白有紅。有灰有黑。魏桂巖皆責氣虛。而後人以四者俱用補。誤
矣。彼之論陷。有深究其源。唇舌滋潤。身不壯熱。惟色變遷而陷。故責以氣虛。若唇
燥舌苔。壯熱燎人。焦紫其色。而凹陷不起。果虛耶。抑毒耶。補益妄投。按圖索驥。予
治不然。有外實則解之。有內實則清之下之。內外無症。則平劑調之。不獨治陷。痘
終始皆然。藥隨舌轉。症用舌痊。嗚呼。舌之功大矣。

舌通乎五內。人知之而莫之用。不由指示。臨局必迷。不知此乃用藥樞紐也。藥有
寒者涼者。溫者熱者。一唯樞紐在手。則縱橫顛倒。皆自我出。而是非而利害。姑置
勿論。夫易虛易實。小兒也。使無定見。而謂不枉人命。吾未之信。

此吳氏祕法。旬仲得自孫其猶而語予者。因思凡一切藥。欲通乎臟氣者。皆曰放舌底嚙化。非舌能通百脈之竅乎。況痘假心火成功。運用造化。全在此靈臺方寸。至論不刊。

治痘之藥不可過。過於熱則涸。過於寒則凝。過於燥則耗血。過於潤則滑腸。過於攻則損真。過於補則助邪。古有云。藥須病更機。非在我。我者不通變之謂也。

邪熱壅盛。隧道阻塞。而卒無死者有之。禁絕寒涼過也。若根顆不散尙活。宜置涼處以徹其熱。亦能復甦。毋因其氣絕而遂捨去。

治痘有四節次。務要不紊。紊則氣血顛倒。火毒肆瘧。而諸症蜂作矣。故驚者狂者。吐者瀉者。癰者疹者。腰痛腹痛者。肉腫痘不腫者。水滄錯喉者。皆當發不發。毒壅三焦。停氣道也。焦紫者。枯黑者。渴者。躁者。發疔毒者。胃爛口臭者。皆當清不清。陽明內熱所致也。當補不補。則爲白陷。爲泄瀉。爲癢塌。爲倒靨。外剝內攻。中氣虛也。當滲泄不滲泄。則反壯熱。或少食。或吐瀉不止。或肌肉作疰癰而疤爛。何者脾濕內淫也。標離而異。本合而同。藥當其節。變症息矣。不應四法。必三因乘之。六氣外襲爲外因。驚恐內動爲內因。調理失宜爲不內外因。四法正也。三因奇也。奇正互

用而得之矣。

治痘症不治雜症。萬古秘論也。雜症有日。痘症只兩七日而已。且痘中之症。緣失治而作。今猶治症不治痘。將症愈甚。而痘愈憊矣。

程旣莘曰。雜症非痘中所有。醫實誤之。願世人着眼。治雜症一寸。則痘症落後一丈。昔人固嘗言之。今人欲故犯之何也。

痘有當吐者。吐之。吐中有發意存焉。滴水不入者。毒壅氣道也。宜吐之。食飲痰停。形色生變。陽氣鬱遏也。宜吐之。惟氣虛多汗者忌之。吐法用升麻施子豆豉煎服探吐之

痘有當汗者。汗之。當汗不汗。後必變症。壯熱皮燥。喘促面浮。可汗也。痘隱隱不出。肉腫瘡不腫。毒停不成漿。或因寒倒靨。皆可汗也。但兼解補有殊耳。可清也可下也。舌之黃白盡之矣。可溫也。可補也。舌之淡紅盡之矣。其詳審諸。

出痘之童。嗜慾開而血氣耗。虛火炎蒸。或煩或渴。或咽喉痛。或鼻時出血。腫盛不任溫補。當是時。參麥清補湯。頻服於五六日前。猶或可救。若七八日不成膿。非參歸鹿茸湯不可。

女人月事時至必行。將行經。忽然暴至。險之險也。痘之成功。全藉氣血。氣虛可爲。

血虛難爲。如痘不倒陷。根暈不散。猶可冀生。若倒陷根散者必死。治療之法。在重養其陽以生陰。症屬血熱。又有得行經而反吉者。然在見點起脹時。非灌膿時宜也。

凡治孕婦。務要無失時。胎之墮也。非血熱必氣虛。藥投其時。皆有安胎之妙。四五日唇燥舌苔。雖硝黃亦可下。經曰。有故無殞。亦無殞也。謂胎亦有實症不下。胎可保乎。故傳曰。變而通之存乎人。

痘症墮胎。務審在何時。在初出。則補而升之。在起脹。則補而清之。在行漿。則峻補之。又當以根暈散不散爲生死證驗。

痘之失治。必至於死。然死之日。死之狀何如。沈虛明曰。鬱而不出者三日死。出而不齊者六日死。不起脹者九日死。不灌漿者十二日死。凡內攻之痘。皆死於十二日之前。不成痂者十五日死。又毒陷於脾者。泄瀉而死。毒壅於胃者。乾枯焦黑而死。鬱毒未解。喘促而死。火毒未解。外剝而死。此勢之所必有也。節齋曰。重症屬虛寒者。九日後變症而死。或延至十數日變症而死。屬實熱者。毒蒸內傷五臟。也不過六日而已。余又不然。不斷以日。唯斷以死。若曰某日變。某日死。爲神奇。吾不羨。

也。

世有神痘家。其術在能定嬰兒稟賦。出痘不死。然後種之。百無一失。間有壞事者。偏屬富貴之子。蓋非不能灼見。未免貪利心切。卽不可種而意圖徼倖。遂至失手。此醫之過。抑富貴者自取。果能聽造化主持。出痘雖重。高明猶可着手。乃必勉強矯揉其正氣。使之根本脫離而不可救。不亦可哀也夫。

慈幼新書

明 江夏 程雲鵬鳳雛輯

鄞縣 曹赤電炳章校

卷四

痘瘡

發熱三日訣

痘不熱不發。猶五穀不熟不結。但熱有輕重。毒輕則熱輕。毒重則熱重。有熱五六日出者。有熱一二日出者。太過則正不能勝邪。愆期則氣血凝滯。惟三四日而身涼。痘出者爲正。此吉兆也。凡發熱。肌膚溫平潮潤。唇舌滋潔無苔。聲音清亮。睡中微驚。便食如故。或少食貪睡。皆吉兆也。重則反是一發熱而唇裂舌炕。煩躁悶亂。口渴惡寒。兩耳灼熱。目睛

紅。二便秘。蘇枳湯加明粉。或千里馬下之。惡熱者單下。以苔爲增減。不可拘在初當發之說。此百中一二。又無執以爲常。如唇舌滋潤。雖見惡症。切不可妄下以損人也。

發熱時。腹痛腰痛。四肢酸痛。皆重症也。若表過痛止者吉。痛加甚者凶。

發熱時吐瀉。切不可用止法。惟吐瀉酸臭。可加消導藥佐之。是必傷食者。

驚發痘前者吉。何也。驚屬陽。痘屬陰。陽破陰衝。則無壅遏之患。故吉。若誤服驚藥而冰伏其毒。釀害非淺。亦有驚中惡者。必因中惡。

發熱時。譫語顛狂。見神見鬼。躁亂不寧。是熱甚失表。外邪內毒。兩相激搏也。重發之則愈。舌見黃苔。非下不可。

凡臟腑鬱熱。非微汗則不解。故一發熱。必用汗藥也。身熱四五日不退者。知毒猶在內也。務要使熱退爲佳。

身熱四五日不退。痘影焦紫。鬱鬱不出。此必寒氣外薄。閉塞鬼門也。出臭汗則熱自退。痘亦自出。

一發熱。頭面中有大痘數點。餘痘不出。復不除熱。名曰報痘。急用銀針挑破。胭脂

塗之。不則領敗正氣。爲留連之禍也。

初熱時。卽頭溫足冷。不渴。大便溏。面眇白。或瀉利清穀。嘔食不化。虛症也。須從虛症方中考。

唐芳友曰。凡痘未有不。由毒來者。小兒稟賦有虛實。各從治之。易易耳。乃世謂虛中夾毒。爲不治逆症。其言不仁之甚。試思天下小兒。何能人人皆實。何能有痘無毒哉。吾願爲父母者。捧誦鳳雛先生此書。不使庸妄者得啓其口。爾子孫其厚幸矣。

發熱時。燈照肉內。隱隱有紅紫成片者。重。面紅唇白亦重。再加形色不善。死必矣。九竅流血者。死。目閉無魂。舌黑聲啞。胸高而突。掌紋出血。皆死症。不治。起發白漿。不論何處。主七日死。

蘇桔湯。此湯無論痘與不痘。但見小兒身熱。呵欠煩悶。睡中微驚。嚏噴眼澁。鼻氣出粗。手足酸軟。卽宜與服。

紫蘇

桔梗

前胡

甘草

升麻

葛根

連翹

赤芍

當歸

葱白

生薑

身熱壯盛。肚腹膨脹而喘滿。加麻黃。

煩滿。加花粉、麥冬、調滿。天秋。備用方

搖驚時發。加木通、生地。

喉痛。加大力子、元參、荊芥。

咳嗽。加杏仁、桑皮。

嘔吐甚。加陳皮、黃連、猪苓、澤瀉。

泄瀉。加猪苓、澤瀉。

失血乾嘔。加犀角、芩、連。

便血。加桃仁、黃連。

溺血。加犀角、梔子。

溺短瀉。加木通、車前、腹皮。

便秘結。加枳殼、當歸。

喘滿秘結。壯熱煩躁。面目浮腫。唇燥舌苔。甚則身惡寒。四肢逆冷。加千里馬。備用方

方

譫語狂亂。加石膏、知母。調滿天秋。

傷食腹痛嘔酸。加山查、厚朴、神麴、麥芽。

腰痛。加羌活、防風。

婦人行經。加生地、川芎。

不期而行。加熟地、熱見愁。備用方

經行暴啞。加人參、麥冬、生地。

經行適斷。有譫妄等症。加羌活、柴胡。下熱見愁。

便秘。加千里馬。

益元湯 此為元氣虛弱者立也。辨症果真。則前後皆不可易。中間雜症。雖或不

同。要皆氣虛致之。治者只於本方消息加減。

人參

黃耆

甘草

白朮

陳皮

當歸

川芎

升麻

桔梗

生薑

熱甚。易沙參。

晄白減川芎。

停滯腹痛。或瀉酸臭。加山查、麴芽。不因停滯者。加乾薑、芍藥。

腹痛甚。加異攻散。備用方

泄瀉不已。去當歸。加肉果。或調中丸。

便秘結。倍用當歸。

不思飲食。倍白朮。加神麴。

溺瀉赤。加腹皮、木通、茯苓。

嘔吐。去桔梗。加乾薑、丁香、陳皮。

嘔甚。加丁香再一倍。

虛煩作渴。加麥冬、五味子。

咳嗽。加麥冬、五味子、杏仁。

有痰。加貝母。

感寒咳嗽。加蘇、防、杏仁。

四肢冷。加乾薑、肉桂。

有汗。去桔梗、升麻。加桂。

驚悸。加天麻、鉤藤。磨安神丸。

三四日痘出不快。肌膚慘慘然。毛屑起舉。去升麻。加桂、白芷。

五六日候當長大。如起不快。或皮薄易破。色不紅活。倍參耆。加芷、桂、乳、酒。

水疱。倍白朮。加防己、白芍。

癢亦然。

癢甚。用猪鬃小箒輕撚之。或行熏法亦妙。

四肢不起。加桂枝、防風。

七八日乃貫漿時也。如停漿不貫。氣血淡白。或灌清水。加芷、桂、木香常服。不可

缺糯米乳酒亦宜常服。

凡痘至此而寒戰而泄瀉而反白癢塌。皆不能免。一見此症。急以木香異攻散。

出入用之。如膿色一足。唇舌轉紅。又須叱去。惟照本方加苓、芍。以助收斂耳。拘

滯之醫。徒執溫補。一偏之制也。

虛症而反見腹脹喘促。便秘而渴。麥冬湯主之。咽喉煩燥。滋陰潤燥湯主之。蓋此乃虛症變實。非真實也。倘疏利之劑。不察而姿意妄行。則方升之氣。又將轉而虛脫矣。九日十日。亦惟本方加苓芍耳。有雜症加減之。至醫後癰毒等症。亦惟照後參之。

痘有純虛純實者。有先實後虛者。有從虛轉實者。如此方治症。純虛也。故始終不移。雖有增減。要皆補益氣血為主。凡遇此症。必以此法行之。若蘇桔十神等劑。切不宜用。

或曰。加減益氣。乃虛症所必需。然首尾不易。得無固乎。且參耆皆峻補之味。何可妄行。若此。予曰。不然。用藥有訣。唇舌用藥之訣也。能識唇舌紅白而進退之。多用可也。常用可也。即不用可也。何妄之有。

見點二三日訣

見點三日。死生判矣。斷於此時。方稱高列開竅。唯面部要緊。面者諸會之真。天庭印堂。尤面部最要緊者。師曰。天庭爲看痘把柄。何者。元神所歸也。元神者。元氣也。

小兒出痘。不過氣、血、毒三字。氣、血、又元氣所統也。元氣勝毒。開落應期。毒勝元氣。內攻外剝。毒既勝矣。又安望元氣之復勝哉。天庭先見先起。先灌先靨。密而癢。毒盛氣不足慘而黯。毒盛血不足皆死症也。毒從虛發。信矣哉。

凡見點磊落。摸過礙手。顏色潤澤。眼部以下先見。身熱漸退。吉症也。蓋此等磊落礙手。稀而有神者也。色潤澤。謂有彩也。天庭後見。元氣內固也。反是者逆。

葉錫侯曰。毒盛從上部先見。毒微從下部先見。如火之盛。而必先有焰於上也。不由血領氣拘。而先上頭額者。則毒固可知。而生死亦從可知矣。

痘初出時。三五相連者。後必密。單見者稀。毒之淺深。於此可以預決。形屬氣。色屬血。兩者俱可驗吉凶。定生死。人何專言血而不及氣。氣無形難知。血有形易見。故見點三日。色如猪肝者死。如紅米飯者死。毒散漫於皮膚。如洗過大紅綢者重。雖然。面部上有數十顆神彩奕奕者。尙可救活。師曰。不慮形惡。慮無神。不慮色惡。慮無彩。形綻而凸。彩潤而明。惡症緊要處。見有一二紅活可愛。雖凶亦吉。何者。元氣猶存也。

程占五曰。有一二紅活可愛。雖凶亦吉。何庸妄者。必諉之不治。病家又有眼不識高明。甘視其孩抱之呼號而莫之救。哀哉。

大都自眉以上見點。有神彩悅目可愛。仍不瑣屑。又不歪邪。雖遍身稠密。雜症百出。總不至於死。悅目二字。卽予筆舌。亦難盡述。在學者心領意會而已。

見點頭焦神躁。舌苔而色或紫者。是血分毒熾。而未必不由內熱也。

見點白如水珠者重。若稀疎不密。人素色黃而痘頗起發。氣至而血不至也。當散火。倘神不內寧。痘日增多。頂尖作痞子形。毒大盛也。恐非藥所愈。

見兩日而大便尙秘。舌上無苔。知是血熱。非毒壅也。急行清解。本方加枳殼、明粉治之。否則恐灌漿時。嘔痛作瀉而不起。本方內芎歸宜倍用。

見點色白不紅。不可便作虛治。白而無神。唇舌淡白。或吐或瀉。虛症也。若白而起眇色。唇舌赤紅。非虛也。三日後漸變深紫。其誤人不淺。見點脚冰冷者。不必慮之。

氣未下行也。

初見時。大小不一。有色點如沸者。曰夾疹。本方加救苦丹治之。又有一等瑣屑紅點。隱隱肉間。曰夾痧。治亦同之。丹毒亦然。但有此症。必正痘悅目可愛。方爲痧疹。

之夾。不然。是痘也。最當別之。又有痘出數顆。而夾疹遍身。圓淨疎朗。形色紅活。現兩日而盡沒。見者莫不驚愕。然此疹也。非痘也。痘沒必悶亂煩躁。此則寧靜。且正痘顯然。故知其爲疹也。治以平劑自愈。然未沒時。亦難識認。

點見身熱。毒未盡也。但所感不同。有寒氣外鬱者。有熱氣內鬱者。均散之。見點自汗。有生者。有死者。丹溪謂自汗無妨。指形色善者言也。若汗出而顏色日變必死。不可不極辨之。

凡痘出不快。須審時藥之。冬則寒鬱。夏則熱鬱。然亦有虛實之別。唇舌滋潤無苔。當從虛治。

見點色白。不甚起發。唇舌淡瑩。或吐或瀉。或腹脹。或自汗肢冷。神氣怯弱。須從虛例。

見點在於肚臍。或在肛門。而四圍成堆者。皆重症也。

初見數顆於山根上者。重。纔出而聲遂變。亦重。

痘出數點。而面目即光亮如瓜。口中氣臭。勃勃衝人。必至發癰吐血而死。見點先於眉上。或兩太陽出數粒。突起光亮。少頃即沒。此賊痘也。必死。

有初出愛人。皮薄光亮。一兩日即長大。是未至而至。癘氣使然也。後必癢塌而死。凡患諸瘡毒未愈。或瘡毒新愈。而見點於此者重。此陽毒也。若瘡不乾紅。雖重不死。

謂爲於可爲之時則從。爲於不可爲之時則凶。指險症也。至見點如蛇皮。如蠶種。如蚊跡。如瘙癢。如湯泡。如火刺。如青黑藍斑。或身如被杖。發癰而唇腫口臭。或鎖項。或蒙頭。或斷腰。或無根。或色粉白如枯骨。或胸高氣喘。七孔流血。或面紋如橘皮。形色不正而驚狂。並腰痛腹疼不止。可爲乎。不可爲乎。

書謂見點吐紫黑血者不治。向有潘姓女六歲。見點兩日。夜間吐紫數升。舉家驚恐。即老醫亦因吐血而去。余詳之。非毒也。大補脾胃而痊。何者。唇舌滋潤。內無毒也。形色兩善。外無毒也。血去而神寧。血有餘也。女父素患血症。此之吐血。是子乘父餘。乃熱激動。故一湧而出。非毒也。倘用犀角解毒。得無殞乎。古云。盡信書不如無書。

凡謂斷腰無根。必諸痘形色不善方是。苟形色圓澤。即腰脚無。又何妨哉。

十神解毒湯 治身熱毛焦。皮燥腮紅。額紅點紅。煩渴引飲。睡臥不寧。小便赤澀。

等症

當歸

川芎

生地

丹皮

紅花

連翹

甘草

桔梗

燈心

赤芍
木通
葱白

大腹皮

淡竹葉

身熱壯盛。皮急肉緊。加乾葛、前胡、地骨皮。

出不快。加山查、大力子、蟬退。

作癢。加桂枝。

作痛。加防風、黃芩。

唇燥舌苔。加熱見愁。備用方

夾疹。下救苦丹。備用方

發紅癰。加元參、犀角。下熱見愁。

眼眶紅腫流淚。加柴胡、膽草。熱見愁。外用護法。

咳嗽。加杏仁、桑皮。

咽痛。加元參、射干。外行吹法。

黑陷疔毒。加賽春雷。外點四聖丹。備用方

失血乾嘔。加犀角、熱見愁。

嘔吐。加陳皮、黃連、豬苓、澤瀉。

瀉血。加犀角、生地。

瀉短瀼。加車前、地膚子。

便秘。加枳殼、杏仁、蘇梗、倍當歸。

便黑。加犀角、桃仁、黃連。

腹脹喘滿。目怒而浮。毛直皮焦。加麻黃。下救苦丹。

秘而喘者。加千里馬。備用方

煩滿身熱。加花粉、麥冬。調滿天秋。備用方

泄瀉。加豬苓、澤瀉。

譫言狂亂。加石膏、知母。調滿天秋。

腰痛。加羌活、獨活。

傷食膨脹。加查、朴、麴、芽。

腹痛有三。傷食和中丸。毒攻衝。救苦丹。氣滯。加青皮、木香。

凡腹痛俱宜千里馬下之一通。即已。不可過。過則毒氣內作。反成他症。

四日五日毒氣盛者。加查、芷、笋尖。痘至四日。理該易方。若毒盛未除。何可輕易。

唯加人參四五分足矣。此名喚漿法。

凡遇熱苔。熱見愁。不可缺。有下症。千里馬不可缺。有壅遏症。救苦丹不可缺。痘

欲出不出。乾紫焦枯。黑陷疔毒。賽春雷不可缺。若唇舌紅赤。小便短少。身熱煩

渴。痘色乾紅者。滿天秋不可缺。大都凡見熱症。滿天秋乃第一要藥。

或曰。熱見愁。千里馬。皆苦寒藥也。予以舌苔。用熱見愁固矣。乃所謂下症者何

也。曰。謂舌苔過甚耳。曰。有舌苔而作瀉可乎。曰。可。通因通用。此之謂也。

曰。壅熱者。謂何。曰。謂毒盛鬱遏耳。何以驗之。曰。腹脹喘滿。目怒面浮。毛直皮枯。

欲出不出。蒸蒸然煩。翕翕然熱是也。

慈幼新書卷四 見點三日訣

慈幼新書

明 江夏 程雲鵬鳳雛輯

鄞縣 曹赤電炳章校

卷五

痘瘡

起脹三日訣

曰起脹。是點已定。毒氣盡出時也。本乎上者上之。本乎下者下之。血氣定位。毒被制服成膿矣。若白不從頂。紅不斂顙。氣血毒混而爲一元氣弱也。苟能察形色。驗唇舌。如轉舵迴流。一持而正。後斷如破竹勢矣。凡痘三日後。先見者先起脹。後見者後起脹。頂白根紅。如一顆明珠。坐於胭脂之上。面與目漸浮腫。鼻流涕。口角涎出。眼矇欲開不開。順症也。卽不然。兩腮間有一

二悅目起腫者。頂白根紅。亦順症也。不可妄治。

凡起脹時。色焦紫者。毒盛也。形大皮薄而起皺紋者。毒盛氣虛也。頂紅滿者。血滯也。滯者活之。焦者清之。氣虛毒盛。補而兼解之。但面部有一二悅目可愛。用藥當節。則枯者潤。薄者厚。而生意勃然矣。

方鹿村曰。明此則虛中夾毒。非逆症可知。

痘至五日。而內外症平。宜該起發退紅。不爾正氣虛也。方中倍加參。耆。古人以此爲喚漿法也。

起脹時。諸痘未起。而有一二似膿非膿。色如黃金者。名曰賊脹痘。又四日起。大駭亦非吉兆。何者。表虛毒盛也。七日後腫退倒靨。皆此之變。遇此須分虛實預防之。起脹時。有一等光活可愛。嬌嫩豔觀。手揉之則破。燈照之如琉璃。此假脹也。名曰空歡喜。急救表。或可幸活。否則癢塌而死。

又有至五日。卽帶黃色。假漿也不信。請以神彩辨之。有神有彩者爲真漿。此則無也。或補或瀉。唯舌是準。

起脹時。痘上有小孔。不黑不白。曰癰痘。此元氣不足而受寒。用保元湯。加丁、桂服。

之。其孔一密而痘自起。

有四圍高起。中間略低凹者。曰茱萸痘。此中氣不足。發未透徹。能食者。至養漿時。盡充滿而起。不能食者。宜扶中氣。排膿湯。加苓朮主之。

有四圍沸起。中間落陷無水。猶是死肉。其形如錢。名曰鬼痘。急宜攻之。

痘正起發時。口唇先熟。內帶黃漿。名爲鵝口。最惡之候。待諸痘成漿。此痘已靨。唇皮揭脫。漸變嘔噎。不可救矣。亦宜急攻。

起發時。痘漸變黑。延蔓一身。此天行疫癘之氣所致。正謂火發而熏昧者也。加味保元湯主之。

水疱者。形大皮薄。內含一包清水。是毒氣壅遏。留伏於內。熱氣沖突。毛孔開張。驅透津液而先行也。速以銀針刺其根窠。令出紫血。以胡荽酒調官粉塗之。

痘出五六日。眼不封。鼻不塞。而大孔時失氣者。元氣下陷也。難治。輕痘無妨。

大都痘出五六日。而氣血不分。顏色焦紫。而紅腫如瓜。而痘伏。或猶煙雲罩定。或舌白至唇。唇白者。內潰。或通身發紫疱。或悶亂不寧。叫哭不已。腰腹猶痛。皆死症。

也。雖然。亦有神色本善。調理失宜而然者。又有誤餌湯藥而然者。在醫者活看。

加減排膿湯。治血熱痘症。服藥後熱症悉退。內外和平。唯不易長者用之。保元氣。活血行滯。助痘成功。如前症未除。仍當服十神解毒。不可執程法而抱泥也。

當歸

川芎

白芍

人參

甘草

陳皮

白芷

山查

桔梗

木通

黃豆十二粒

笋尖五錢

五六日後。易用糯米引。

色尚乾紅焦紫。加紫草、紅花。調滿天秋。備用方

不甚起發。加大力子、蟬退。

皮薄塌陷。加黃耆。

起發不勻。加防風。

咳嗽。加麥冬、五味。

渴如之。

泄瀉。加升麻、澤瀉。

水疱。加白朮、茯苓。

作痒加殭蠶白芷。

毒停肌肉。或風寒阻塞。不易起發者。俱加賽春雷。

方備用

停痰經絡。板硬不灌者。加一丸托之。此行漿聖藥也。五日後有停痰症者宜用。不可缺。

或問毒滯痰停。與風寒阻塞。何以別之。曰。渾身壯熱。形色焦紫。或乾枯。或塌陷。或腫脹其肉而痘不起者。毒滯肌肉也。內外無症。唯痘板硬不起者。痰滯經絡也。板硬不起而復喘滿身熱者。風寒阻塞也。

灌膿二日訣

痘出七日。陰中之陽。盡達於外。內則空虛。如釜中甑內之氣。妙不可言。陽起一分。陰亦長一分。故其漿也。則宜漸而黃。根下血暈。則宜漸而緊。如線圍定。不鋪散。不灰黯。晝夜不痛楚。飲食倍常。大便少。身熱微微。吉兆也。反是者逆。至是決死生。惟視血暈緊散。膿色真偽耳。真者寶色燁燁。手捏粘絲。偽則土黃色。緊者氣能拘血。化毒也。散則氣虛散而華氣將絕矣。血暈全無者死。膿者毒所化也。訣曰。六日以

後專看膿色。故有膿則生。無膿則死。使或有或無而根脚不紅。或連肉灰紅作癢。煩躁目封欲開。作瀉乾嘔不食。少睡氣虛。不能拘血化毒也。急峻補之。倘此時尙見舌黑有刺。生意絕矣。不唯不容補。卽補之何益。

痘出七日。忽大瀉者。氣陷也。急宜澀之。若漿色正而根線緊繞定。雖瀉無妨。漿色不正。根盤不化。血散不斂。毒在內也。七日毒仍在內。如命何。

漿行七日。腫要過項。漿要過胸。腫者毒外出也。言過胸者。從上下也。至陽物亦要灌。乃宗筋之會也。兩脚不灌不妨。又兩臂亦宜滿。不然臨收時必不食而生他變。手臂脾所主也。

凡痘當瀉時。但看根窠紅活。飲食如故。精神清爽。此陽瀉也。無妨。但看舌。用兼止之藥而愈。

八九日漿行似足。忽眼開而陷。毒內攻也。內攻者必悶亂煩躁。根暈飛散。若無是而唇舌潔淨。托裏湯加桂附治之。唇燥舌赤。托裏如芩連治之。

有一等至第八日。充實飽滿。挨摸不破。而別破無膿。毒陷伏也。不可作順症誤人。托裏加賽春雷同服。是正法也。若數服而板硬無膿。根窠不活。生意可知矣。然必

神不內寧。若神寧痘少。自可不必藥治。

灌膿時作癢。十常六七。並當以唇舌驗之。但爬破成坑。或乾而無水。皆不治。行漿作痛。大熱也。亦吉兆也。毒滯作痛。血熱作痛。皆實症也。

八九日寒顫咬牙。虛極也。惟峻補而已。不止重補之。此外無法。若頭搖手顫。目閉無魂。爲痘後驚癇。陽氣絕於內也。不治。

旬仲曰。亦有火極似水。寒顫咬牙者。當清之。

八九日。有一等土黃色而硬者。往往作正漿目之。不知此爲陰陽失政。漿注於中。板膩死塞而黃硬也。名曰板黃痘。急須辨舌治之。

珠不在大。在乎體之明。漿不在足。在乎色之正。土黃者。黃而無彩者也。

又有灌漿充足。至九日大便忽欲出不出。陽明血燥也。托裏倍當歸潤之。不治則醫落之後。非滯下必乾熱而死。即不死。亦難免癰疽疔毒。

灌膿發泡。氣太過甚也。托裏加苓朮滲利之。擦破水出而不能抱者。敗草散掩之。切不可用氣藥而破洩也。

八九日。最忌皮薄漿清。皮薄則嫩而易破。虛氣漿清則水而不膿。虛書曰。漿假毒成。

毒從漿化。若此而倖成者。未之有也。凡皮薄漿清。至九日而躁亂不寧。生死可隔壁斷矣。週歲半歲。又不必九日。只七日便蹬打不定。措破即乾。萬不能救一。何者。痘以七日爲界。七日以前。氣血外行也。七日以後。氣血內行也。外行時尙不能化毒。矧內入時乎。故七日以後躁亂者。是毒內攻也。毒內攻者必死。灌膿時。額上如湯泡。皮肉盡赤而乾。此氣自盡而不能拘血。血亦不能附氣而制毒。必死。諸痘纔灌。而兩唇先黃硬。此毒先入脾。失次序矣。必死。擦破而瘡痕隱隱。有生意。穢觸也。不當作死症治。

加減托裏湯。治實熱之症。服寒涼而冰伏。嘔吐瀉利。或皮薄漿清。或塌陷無神。血色不活。躁癢煩渴。凡此則唇舌必淡白潔淨。大便必不牢固。綿延不治。而腹脹悶亂。寒顫咬牙。死不旋踵矣。

黃耆

人參

甘草

當歸

白芍

白芷

山藥

陳皮

木香

肉桂

糯米

臨服加人乳半杯。酒釀數匙同飲。

泄瀉。去當歸。加升麻、訶子、肉蔻、炮姜、丁香。調銀鎖匙。備用方

腹痛。加煨乾薑、神麴。

咳嗽。加麥冬、五味子。

煩渴。同之。

水泡。加防風、倍白芷。

作癢亦然。

抓爛。以松花粉或蕎麥粉掩之。

寒顫咬牙。四肢逆冷。唇舌淡白。加附子。

凡皮薄漿清。或泄瀉。木香異功散皆可用。

按此即前加減益氣湯也。益氣爲元氣。素虛者設。此則非也。元氣素虛。則火邪易動。故終始不移。若素實而寒涼以致者。是火由寒伏。偏於補益。則藥不終劑。而原本之火。又炎炎起矣。治之者務宜斟酌。不嫌一日數服。審內外調治之。如漿足而不減參者。唇舌紅而不除桂附。實實之禍。其能免乎。夫盲者肢廢者。甚至不待目盲肢廢而先父母去者。誰之咎歟。吾嘗論醫不難於治。而難於識症。

師亦曰。六日之前。專看唇舌。六日之後。亦專看此。此用藥樞紐也。是故有苔者。清之下之。淡白者。溫之補之。不苔燥不淡白者。平劑以調之。當毒盛之際。而竟行溫補。得無誤乎。

結靨二一日訣

痘至十日。毒解矣。膿亦轉黃作蒼蠟矣。元氣實者。痘必循次而結。如口角與陽物先結。正收也。身漸輕快。腫漸消。眼漸矍矍而欲開。食倍常。便如故。從上至下。而逐漸收結。痂厚色紅。大事畢矣。不然猶未可以爲善。惟結痂時。匆匆發熱者。不必慮之。乃蒸漿作靨也。凡一時痂盡。一時卽落者。毒火內爍也。急解之。此症必膿未充足。若聲啞煩悶。喘促不食。死期迫矣。否則必發毒而解。痘正收靨時。靨而不靨。非氣虛必血熱也。氣虛血熱。唇舌之紅不紅盡之。亦有時令致然者。時之寒也。用溫劑以調之。時之熱也。用涼劑以清之。凡不及期。眼開者重。輕痘不拘。又過期而眼不開亦重。十二日眼開期矣。當結靨時而渴飲無休。津液竭也。保嬰百補湯。加生脈散主之。若渴甚而瀉利不止。爲難。

治。渴切勿利小便。便愈利而渴愈甚矣。戒之戒之。

九日十日。半痂半不痂。作瀉者不必慮。乃陽氣內回。非灌漿時比也。保嬰加苓。朮治之。切忌澀劑。倘不知誤用。後必不食而作痢。留邪熱在內也。

十二十三日。有形如火燒煙熏者。血不載毒而內攻也。生死看訣。音不清。食不入。破處乾枯。煩亂不寐。死症也。音清能食。睡臥安寧。爬破淋漓。神舒氣爽。生症也。又當分虛實治。唇舌潔淨。溫補兼清解之。唇燥舌苔便秘。單解之。解而苔去。施以平和。則攻補兩盡矣。

當醫時而流水漿不已。爲過表故。然亦緣飲水。或靈濕致然者。兩者皆保嬰倍苓。朮加蒼朮燥之。或腐爛而和皮脫去者。倒醫也。保嬰加人參。丁桂主之。破者復灌。消者復腫。空處復出一層。治功也。俗呼曰翻空痘。逆痘有此。大吉也。

醫後腮紅唇乾。而色帶紫者。肺癰將成也。連翹飲主之。桔梗。知母。百合。麥冬。宜常服無缺。

痘至結醫。未有不作氣息者。帶腥氣者佳。口臭者死。全無氣息。知有餘毒也。須解。額與足遲醫者。獨陰獨陽也。輕。額與足先醫者。反陰背陽也。重。當醫時腹脹氣喘。

咽爛不食。或唇白至舌。泄瀉悶亂。昏沉不省。作炕尸臭。目中無神。寒顫咬牙。手足搖動。皆死症也。間有不死。亦倖活而已。

十日而補脾燥濕。是言症之常。危險之症。至此而作膿窠者有之。何不察而概行苦寒也。苦寒滲濕。膿足毒盡之後。復施之灌膿。得無謬乎。痘以日程限。為初學計。活法在胸。何程限可拘。當補者補之。當瀉者瀉之。不泥於書。始足以寄人司命。保嬰百補湯。九日漿足之後。別無他症。並以此方主之。惟氣虛者。本方加耆桂。若有雜症。仍照前方加減。

人參

白朮

茯苓

甘草

川芎

當歸

熟地

白芍

山藥

桔梗

蓮肉

大棗

有熱。加芩、連、木通。

有濕。加猪、澤、羌活。

不易醫者。本方加斂膿散催之。有餘症。俱照前法。

落痲加餘毒訣

痘至落痂。大事畢矣。然末路難恃。功虧一簣。最當慎之。如痂久而不落。或堆如雞糞。薄如竹膜。疱發丹纏。癰腫疔毒。或疹或癩。或嘔或吐。或赤白痢。或咳嗽。或虛煩不眠。坐立微顫。唇不蓋齒。咽啞腹痛。或發熱發癢。面色粉紅。非險乎。又如破而不灌。坑陷乾枯。驚搐無魂。走馬牙疳。目睛弔白。或胸高而喘。戰慄無休。疤痕之色。皆粉白不紅。非逆乎。且氣血初定。相火易煽。即醫後疤紅。而不禁辛熱。猶致目疾。不避風寒。猶作瘡癢。不節飲食。猶成吐瀉。諸症具在。何敢遽以無事目之。痂漸結漸落。色明而厚。順也。或粘肉不脫。或嵌入肉內。或半粘半揭。或痂半有衣。或薄如竹膜。色如煤黑者。險也。有虛實寒熱。實而熱者。連翹飲主之。虛而寒者。調元解毒湯加參耆肉桂主之。治癰色亦然。紫紅者實也。粉紅者虛也。粉白者氣血衰也。氣血衰而服藥不轉者死。癰白者。以手揩拭。全無紅色。此血虛也。雖過三四十日猶死。急用十全大補。去白朮加紅花治之。以手揩拭。猶見紅色者。此氣虛也。多服保元湯。自無不愈。有漿老而頂皮嫩薄。堆起一尖。狀如攢陷。包周圍之皮漸皺。膿漸乾而痂結。其色微黃。稍待則色黑而焦硬。隨結隨落者。

有漿老而頂皮與周圍之皮皆焦硬。形如小饒鉢。瓦灰色。人皆驚疑。後其膿漸乾。痂結甚厚。灰色變為黑色。隨結隨落。竟無恙者。

有膿回痘與皮平。全無痂狀。稍待則皮漸堆起。痂結甚厚。隨結隨落。竟無恙者。

有膿回剩一空殼。全無痂形。後殼破。其中却有結成之痂。雖不甚厚。痂落亦竟無恙者。

痘後有數顆陷下。不能結靨。名曰盤陷。用馬齒莧為末。鷄子清調。點入即瘥。

痘後癰毒。非痘之過。醫之過也。當發不發則成癰。當補不補亦成癰。癰者壅也。元氣內實。毒不能留。故尋竅而出。經曰。營氣不從。逆於肉裏。則生癰腫是已。曲池委中。三陰交之地。毒多壅。此虛故也。然有實者。有虛者。形體怯弱。食少熱微。腫處不痛。虛也。形體壯盛。身熱能食。痛叫不已。實也。虛者流氣。飲實者連翹。飲外以必勝膏。牛李熱點之。潰而出膿。大補湯。久不收口者。生肌膏塗之。再不愈。以大片附子炙之。凡多眠不食。嘔瀉不休。睛慢唇白。而膿出清水者。死不治。

痂後病目。俗謂目中出痘。果痘也。胡不見根點成膿。而遂結痂也。古云。熱壅於肝。則病目。確言也。有赤腫而眼不能開者。菊花飲治之。翳膜捲簾。切忌點藥。睛突瞳。

陷不能治矣。痘初出。即用護眼法。惡有後患。

凡口疳。皆胃熱致之。有輕者。有重者。有死不治者。滿口白糜。或紅點簇。輕症也。吹口丹治之。唇舌腫硬。牙齦黑爛成疳者。重也。內服甘露飲。外吹靈棗丹。爛入喉者。亦以藥吹之。色如乾醬。臭爛自甚。而鼻發紅者。俗名走疳。難治。然此醫之過也。痘後腹痛甚重。須分治之。傷食和中丸。飲毒連翹飲。血虛調元湯。去翹桔加參者。黑薑治之。腹痛而見舌白。元氣竭也。必死。

驚發痘後。諸書云莫救者。是目閉無魂。兼吐瀉唇白腹冷也。如痰熱內甚。小便閉澀。或素有驚痰。又非不可治者。安神定驚之劑服之。亦自收功。

痘後出麻。名痧蓋痘。痂落發此。吉兆也。不可作尋常麻治。止許疎風之劑。加茅翹一二品足矣。丹與癰疹亦然。

痘後浮腫。囊大如鉢。毒蓄皮膚也。連翹飲。加腹皮。茵陳治之。有熱加枳殼。倍柴胡。數服自效。

痘後毒流大腸。患赤白痢。調元湯。加香連丸。

痂後諸症。不能悉舉。大都捷法。惟看原得輕重何如。果重也。痘後氣血必虛。當溫

補。果似輕而實重也。必有餘毒存留。當清解。虛實不消。唇舌參用。治無餘蘊矣。
調元解毒湯 痘後氣血不調。癍痕不正。諸症將作。用此調之。若諸症既作。須照
前加減。

白芍

川芎

當歸

茯苓

白朮

山藥

甘草

桔梗

連翹

木通

生薑

大棗

當醫不醫。加參、耆、芷、桂。

抓破不乾。以棉繭散備用敷之。

下利膿血。加香連丸。

泄瀉。加猪澤。

後重。加枳殼、檳榔。

氣脫。加升麻。

腹痛。加木香、下和中丸。

溺短。加木通、車前。

傷食發熱。加查、麴、芽。
風寒發熱。加桂枝、柴胡、乾葛。
乍寒乍熱。加參、耆、柴、桂。
熱不退。加黃芩、地骨皮。
厥冷。去翹、桔、加參、耆、桂。
神昏喜睡。去翹、桔、加麥冬、茯神、人參。
自汗。加參、耆、肉桂、柏子仁。
急驚。加木通、生地、梔仁。
喘。加杏仁、冬、味。
嘔吐。加陳皮、黃連。
吐血。加黃連、蒲黃。
衄血。加蒲黃、黃芩、丹皮。
吐衄。加苡仁、烏梅。
痂不落。蜜水調滑石敷之。

丹病癰疹。連翹飲。備用方

口疳。加黃連。外行洗法。

翳膜羞明。風捲雲。備用方

凡痘後諸疾。不由痘中成者。曰怪異。必先詳服何湯藥。啖何飲食。感冒六淫之邪。知犯何逆。即照所犯治之。古云。藥不執方。合宜而用。此之謂也。

慈幼新書

明 江夏 程雲鵬鳳雛輯

鄞縣 曹赤電炳章校

卷六

痘瘡

備用方

清地散花飲。凡痘見標三日。宜清脚地。肅臟腑。理氣活血。引毒達於四肢。此方主之。切忌升提。蓋痘雖胎毒。而藥可使之上下。徧佈一身。則雖重亦輕。若盡提頭面。則雖輕亦重矣。如升柴、羌、芷、藁本、川芎之類。可輕用乎。若未標之前。標齊之後。又不在禁例矣。予見一症。因用升、羌。頭面獨重。身上甚稀。遂改用防風。引毒於四肢。用蘇梗。引至下部。果得心應手而愈。大約三冬初春。時令嚴寒。下身

先標而頭面不標者。本方加乾葛、白芷。外用清肌湯。帳內熏洗之。夫痘初標。乃發萌時也。散毒為主。清火次之。今一見火。便用芩連之屬。獨不思寒涼太重。反冰伏其毒。而為內剝害命乎。

防風

山查

當歸

地丁各一錢

大力子

山慈姑各八分

荊芥七分

前胡

青皮各五分

蟬蛻三分

紅花

茯神

水通草

生薑皮各二分

大棗一枚

夾疹。加蓮心九個。菊花五分。蘭花根一錢。

夾丹。加黃芩、生地、薄荷、山梔、小竹葉。或黃紫草。

腰腹痛。倍查、青、加杜仲、胡桃肉。

小腹痛。加厚朴、笋兜、青木香、延胡索。

額上灰滯色。加菊花、梅花、蘭花。或用根。

準頭先標。加木香、笋兜。外以清肌湯浴之。

色嬌亮者。濕勝也。倍防風。少加大腹皮。

玉液春膏飲 起脹時用。

前胡 桔梗

蟬 蛻去頭足各八分 大力子

川紅花 川芎

陳米百粒

標未齊。加筭尖。倍查、青。

左頤不起。加辛夷。

右頤不起。加西河柳。

背漿不足。加酒炒土蘭花。

下身漿不足。加巴戟。

灰白。倍芎、歸。加肉桂、紅花、桃花。

乾紅。加丹皮、生地。

紫。加芩、連。倍翹、衆。

眇白。加木香、官桂。

山查 當歸 青皮

貫仲 連翹各一 木通各三

心火。加黃連。甚者犀角、生地。

肝火。加金銀花。

脾火。加蘆根。甚者石膏。

胃火。加山梔、石膏。

口臭。加白芷。

肺火。加黃芩。

腎火。加知母。

痰嗽。加麥冬、貝母、瓜蒌仁、旋覆花。或用寧金散。

寒嗽。去連翹。

火嗽。去芎、歸。加骨皮、丹皮、芩、地。

毒嗽。至寶飲。送發靈丹。

疔嗽。先治疔。

四、五日發癢。加荆芥、石膏、元參、丹皮、白蒺藜。

六日癢。加白芷、生地。餘同上。惟不用荆芥。

風閉。加升、葛、羌活。

誤服藥而喘。倍青皮。加枳殼、麥冬、黃連。

飲食不進。加白朮、砂仁、神麴。

唇反腫或肉裂。加蘆根。

腸鳴。加丹參。

便血。加蒲黃炒。

陰症腹痛。加薑、桂、丁香、木香。甚者去蟬蛻。

陽症腹痛。加升麻、黃連、木香。

腹左痛。加青皮。右痛。加木香。中痛。加延胡、海藻。甚者莪朮、三稜。

積血在丹田。加桃仁。

腰痛。加羌活、萆薢、巴戟、杜仲、胡桃肉。

心胸痛。加紅花、海藻、三稜、莪朮。

手痛。加桂枝、桃仁。

頭痛。有風痰。加天麻、僵蠶、釣藤、荆芥、膽星、牛黃、天竺黃。

有濕。加羌、芷、蒼耳。

三豆湯

大黑豆

赤小豆

萊豆

此扁鵲方也。黑豆解腎經毒。治相火。赤豆解心經毒。治君火。萊豆解陽明經毒。治胃火。易辦有便於鄉村。易食有便於童稚。真仙方也。
呂晚村曰。凡鄉村出痘時。用三豆各一升。甘草三兩。浸汁去渣煮。取豆汁。每日空心飲之。喜食豆者。與豆食之。不但稀豆。竟有絕不出者。

辟穢香

蒼朮一觔

大黃半觔

剉碎細燒。

汪凱承曰。藥氣猛。體虛者恐難任受。唯常取大棗焚之。既解穢觸。又且和脾。九味神功散

人參

紫草

生地

紅花

黃耆

赤芍

甘草

嫩前胡

大力子

翟氏曰。此方合扁鵲之四聖。華陀之保元。可謂能奪造化之權。而定危亡之命者也。華陀論氣尊血分者生。毒參陽位者死。故以參耆提其氣。使氣尊而血附。以紫草赤芍行其滯。使血氣活動。毒隨血氣而行。加紅花生地。虞其緩也。毒之所乘。以相火萃於陽明而作熱。故用牛蒡以止沸息薪。毒之所發。因風寒客於腠理而作熱。故用前胡以散鬱緩蒸。又用甘草以和合諸藥。一面托裏。一面解毒。妙方妙方。

參麥清補湯

人參	當歸	麥冬	花
錢各一	錢各八	錢二分	粉酒同麥冬用
生黃耆	前胡	大力子	白芍
錢各一	錢各一	錢各五	酒四分
甘草	紅花	川芎	生地
錢各三	錢各三	錢各三	俱酒洗
桔梗	山查	龍眼	生薑
錢各三	錢各五	錢各三	錢各三
木香	人參	肉桂	半夏
錢各一	錢各一	錢各一	錢各一

木香散 治純陰無陽。泄瀉而渴。

青皮

前胡

丁香

大腹皮

赤茯苓

炙甘草

訶子浸去枝

生薑

糯米

虛甚加黃耆。

陳氏云。腹脹渴者。瀉渴者。足指冷渴者。驚悸渴者。身溫渴者。身熱面眇白渴者。寒顫渴不止者。氣急咬牙渴者。飲水轉水瀉不已渴者。九症皆非熱也。乃津液少。致脾胃肌肉虛故耳。此方治之。然必痘色白。手足涼。小便清利方效。若痘色紅。大便秘。小便赤。即非所宜矣。

異攻散 治純陰無陽。痘出不光澤。不起脹。根窠不紅。虛而癢塌者。

木香

當歸

人參

茯苓

肉桂

肉蔻

丁香

陳皮

半夏

白朮

厚朴

附子

生薑

大棗

陳氏云。陽明主肌肉。胃氣充足。則肌肉溫煖。自然光澤起脹。而無癢塌之虞。若

中氣虛。則表氣無所主而亦虛。諸症生矣。真見道之言。
內托散 治表虛裏實。氣血皆弱。

黃耆

人參

當歸各二錢

肉桂

木香各三分

川芎

桔梗

厚朴

白芷

防風

甘草各一錢

白芍炒五分

生薑一片

大棗一枚

頂尖色淡。表虛也。息重氣粗。裏實也。參耆草補氣。芎芩歸補血。防芷桂引諸藥
自內達外。香桔朴調其壅實。以歸於和。而內無留毒矣。

參歸鹿茸湯

鹿茸蜜炙去毛三錢

黃耆蜜炙一錢五分

人參二錢

甘草炙六分

當歸酒洗五分

生薑三片

龍眼三枚

清毒活血湯 攻補兼施。

生黃耆

山查各八分

生地

白芍

連翹各錢五分

當歸

前胡

木通

紫草茸

大力子各六分

酒 芩

酒 連各七分

桔 梗

甘 草各四分

人 參三分

生 薑一片

煩渴去參膏。加麥冬、花粉。

快癰越婢湯

炙黃耆

炙甘草

炒白芍

桂 枝

防 風

生 薑

大 棗

越者發越之意。婢者卑也。言此方開隧道活氣血。雖至於足下至卑之處。亦能發越也。故曰快癰越婢湯。

回漿散

人 參

黃 耆

白 朮

茯 苓

白 芍

甘 草

何首烏

象牙散 難收靨者用之。

何首烏

人 參

白 朮

黃 耆各一錢

甘 草五分

茯 苓一錢

象 牙末一錢

大 棗三枚

糯米一撮

煎好。冲象牙末服。

象牙有利水之功。羣藥得之。奏效甚捷。故名。

人參清神湯

人參

黃耆

白朮

甘草

麥冬

當歸

棗仁

陳皮

茯神

黃連

糯米

大棗

荆防敗毒散

荆芥

防風

柴胡

前胡

人參

甘草

桔梗

川芎

茯苓

枳殼

羌活

獨活

薄荷

白芷升麻湯

治痘癰。

白芷

升麻

桔梗

甘草

黃耆

黃芩

紅花

當歸

連翹

羌活

黃柏

生薑一片

連翹葱白三莖

大連翹飲

防風

荊芥

當歸

連翹

柴胡

黃芩

梔子

蟬蛻

赤芍

木通

滑石

甘草

大力子

車前子

起頂散

人參六分

白朮

當歸

川芎

陳皮各五分

黃耆

山查各八分

甘草

肉桂各三分

木香

淫羊藿去刺羊油炒

穿山甲土炒爲末

生薑一片

大棗二枚

清肺湯

天冬

麥冬

花粉

甘草

桔梗

當歸

知母

丹皮

白芍

黃芩酒炒

菊花飲

生地一錢五分

當歸

柴胡

花粉

黃連

天冬

麥冬各一錢

菊花二錢

甘草五分

犀角地黄湯

犀角

芍藥

丹皮

生地

地涼心血。芍和肝血。丹去血中之火。犀解經中之熱。

張欽菴曰。凡屬火症。只此足以治之。

甘露飲

天冬

麥冬

生地

熟地

黃芩

石斛

茵陳

甘草

枇杷葉

地黃湯

熟地

當歸

防風

蟬蛻

羌活

元參

大黃

黃連

白蒺藜

沙苑蒺藜

犀角

炙甘草

穀精草

木賊草

爲末。羊肝煎湯調食。

單胎散 治孕婦。

柴胡

乾葛

荆芥

防風

黃芩

桔梗

白芷

砂仁

紫草

阿膠

救苦丹

羌活

防風

升麻

生地

麻黃連根

黃柏酒炒

連翹各五錢

當歸酒洗

黃連各三錢 川芎五錢 藁本 蒼朮
 酒芩 生芩各二錢 細辛 甘草
 陳皮 蘇木 紅花 吳茱萸各一錢
 蜜丸。龍眼大。薑湯化下。或同煎藥服。

賽春雷

麻黃去節 紫草各一兩 白附子 甘草各五錢
 殭蠶酒洗 蟬蛻各二錢 穿山甲炙黃二分 蜈蚣炙一條
 全蠍酒洗八分 蟾酥一錢
 為末。另將紫草、紅花各一兩。麻黃二兩。水酒煎。去渣取汁。熬膏半小杯。入蜜二兩。同熬。和末為丸。燈心湯下。或煎藥研服。

滿天秋

石膏煨 滑石飛各一兩 人中白煨 紫草
 茜根各三錢 寒水石四錢 甘草 紅麴
 鬱金各二錢

爲末。每用二三錢。燈心湯或同煎藥服。
熱見愁

黃芩

黃連

山梔

黃

柏俱用酒浸炒五分

升麻三錢

燒人糞一兩

同前法服。

燒人糞。最爲解毒神品。古方無價散。用人貓鷄犬四色。不若此一味爲獨絕。

千里馬

蚯蚓去土炙

大黃各一兩

川芎

烏藥各三錢

紅麴炒五分

外用大黃四兩熬膏。入蜜兩許爲丸。同前法服。

一丸春 治頂陷不灌。

龍膽草

白附子

全蠍

甘草各二錢

天麻

僵蠶

花粉

黃連

角沉香各三錢

狗寶二錢

礞石煨

硃砂各一錢

牛黃五分 麝香二分

玄米飯爲丸。硃砂爲衣。龍眼大。每服先以酒釀磨象皮五分同服。

蟾酥丸 治痘頂陷而作驚狂。

蟾酥一分 牛黃 雄黃 人牙

珍珠各三分 硃砂五厘

乳汁爲丸。如黍米大。每服數丸。人參湯下。

紅爐雪 自見點至六七日。凡有痰者皆效。

滑石飛礞石各五錢 礞石五錢 硃砂二錢 牛黃

硃砂各五錢 柿霜三錢 青黛一錢 冰片半分

爲末。淡薑湯下。

王叔夏曰。一法用硃砂一錢。硼砂五分。冰片五釐。爲末。調放舌上。大能化痰。

銀鎖匙 止瀉。

枯礬 玄米各一 煨乾薑 蓮鬚

粟殼蜜水炮去五錢 五倍子二錢

為末。每服一錢。

豆蔻丸

肉蔻

木香

砂仁

龍骨

訶黎勒肉錢各五

赤石脂

枯礬錢各七錢五分

麴餅丸。黍米大。每服三五十九。米飲下。

凡瀉有濕、有滑、有積。此方礬脂燥濕、骨訶澁滑。砂、蔻消積。木香調脾胃滯氣。服之神良。

流氣飲

人參

白朮

茯苓

甘草

青皮

陳皮

白芷

烏藥

木香

風捲雲

夜明砂

蟬蛻俱洗淨一兩

穀精草去根

蜜蒙花酒洗各五錢

為末。作二服。用猪肝切開。入藥紮好。煮熟。取肝并湯食之。

程格思曰。痘在眼中。攢起白眇。用橄欖核磨水。加輕粉一二釐調勻。搽眼胞上。令藥氣熏入即落。

碧雲散 治痘風眼。數十歲皆效。

冰片

銅綠各五分

共研極細末。用蜜調粘鍾子內。以柏木板一小塊。艾一小丸。安放板上燒烟。將鍾子內藥。向烟熏之。俟烟盡。再取井水滴數點。入藥調勻。用新筆緩緩蘸抹眼皮紅處數次。勿見風即愈。終身不發。鄭破水曰。此方傳自鄢在公別駕。云得之內府。試之良驗。

四聖丹

菴豆

豌豆各四十九粒

珠珀各一分

頭髮灰二分

胭脂水調藥成膏。用銀針撥開疔口。點入。

立馬回疔丹 痘疔初生紫點。次漸變黑。毒淺者浮高而潤。毒盛者深陷而焦。發時身溫。疤潤者吉。身熱色枯。聲啞者凶。

蟾酥酒化

礪砂

輕粉

白丁香各錢

雄黃

硃砂

各二錢

乳香六分

麝香

二厘五分

金頂砒五分

蜈蚣一條

共為細末。糊成麥子大。針透疔根。插入一粒。候四邊裂縫。是疔瘡搖動時。須用刀割去。內服鼠粘子湯。外搽玉紅膏而愈。若刺針無血。插藥乾枯。膿汁不變。終無生理。

加減鼠粘子湯

鼠粘子

花粉

知母

荊芥

炒梔子各六分

甘草三分

淡竹葉二十

燈心二十

身熱加柴胡、黃芩。

有痰加麥冬、貝母。

咽啞加元參、桔梗。

咬牙加薄荷、石

膏。便秘加蜂蜜、明粉。

昏憤加黃連、硃砂。

痂枯加當歸、生地。

癰疤加川

芎、蟬蛻。

方公度曰。痘疔落後。膿水出多。氣血虛弱。須服八珍湯。見保始易收斂。

玉紅膏

白芷五錢

甘草二錢

當歸身

白蠟各二兩

瓜兒血竭

輕粉

紫草

各四錢

麻

油一觔

右藥將歸甘、柴、芷四味先入油內浸三日。放杓內慢火熬微枯色。細絹濾去渣。復入杓內煎滾。下血竭化盡。次下白蠟亦化。外將茶鍾四隻預頓冷水中。以膏傾入鍾內。候片時下輕粉。研極細每鍾一錢攪勻。緩緩取起收貯。用時以抵脚挑於掌中捺化。擦上。外以太乙膏見雜症護之。曹聞在曰。三方治痘疔。并一切癰疽發背。棒毒潰爛。無不立應。

清肌湯

櫻挑葉

一枝握冬

蘇

葉二兩

煎湯置帳中。令氣熏半個時辰。傾出湯洗。一時即起。如漿靨時發癢。用荊芥、薄荷、丹皮、地骨皮、白蒺藜、何首烏如法熏洗亦妙。

胭脂塗法

升麻一兩

雄

黃五分

煎膿汁。將胭脂於汁內捻令紅出。即以蘸汁拭瘡上。若瘡不起。須熱拭之。胭脂。紅花膏所成。取其能活血敗毒耳。

生肌散 治熱毒瘡爛。并痘後焦蝕不斂。膿血雜流。

地骨皮

黃連

黃柏

五味子

五倍子

甘草

枯礬

綿繭散

綿繭

將礬填滿。燒令汗出。爲末。滲之。

程師恪曰。痘破出水。用牆上陳茅草。去泥土晒乾。爲末。滲之。妙。將愈瘡爛。用古

牆上白螺螄殼。燒存性。滲之。亦妙。

羅修遠曰。痘爛生蛆者。以柳條帶葉鋪地上。與臥片時。其蛆盡出。

百花膏

石蜜

略用湯和。以鵝翎刷之。瘡痂易落。

金華散 治痘後肥瘡。疳瘡。疥癬。能收水涼肌解毒。

黃丹

黃柏

黃耆

黃連

大黃 麝香

共為細末。瘡濕乾滲。瘡乾用臘猪油熬化。調敷。

拔毒膏

馬齒莧 搗汁

猪脂

石蜜

赤小豆末

菜豆末

和合熬膏塗腫處。如乾。以水潤之。

人牙散

人

牙煨存性。雞冠血調成膏。好酒半杯。乳一次為末。入麝香二分。或紅

外感穢氣則陷入。內食穢物則凸出。故用二穢物以起陷下之痘。自筋骨達於皮膚。法無捷於此矣。

吳楚源曰。倒靨色黑。唇口冰冷。最為危候。用狗蠅七枚。搗細。和酒少許調服。即紅潤如常。冬月蠅藏狗耳中。

獨聖散

穿山甲錢炒一

麝香一分

鷄冠血調沖酒服。與人牙散意同。

吹口丹

黃連

青黛

兒茶

片腦

三仙散 治走馬牙疳。頃刻即死者。

婦人桶中垢白者火一錢

銅綠三分

麝一分

麝攀散 治同前。

銅綠五錢

膽礬

生白礬各一錢

麝香少許

張特英曰。藥未合就。以黃鱧一條剝斷。取熱血搽之。亦佳。

麥湯散 水痘者。面紅唇赤。眼光如水。咳嗽嚏噴。涕唾稠粘。身熱二三日而出。明

淨如水疱。易出易靨。溫之則痂難落。而成爛瘡。亦不宜食薑辣。沐浴冷水。致成

癰疥水腫。自始至終。惟服此為當。

地骨皮炒

甘草炙各一錢

滑石二錢

麻黃四分

人參

熟地

知母

羌活

甜葶藶各三分

小麥十粒

稀痘方 忌婦人手。

羌活

生地

黃柏

升麻

防風

麻黃

甘草

黃連

歸身各三

川芎

黃芩酒浸

藁本

柴胡

乾葛

蒼朮各二

紅花酒浸

細辛

蘇木

陳皮

白朮各一

連翹炒

吳茱萸各半

右二十二味。合一劑。每逢立春、立夏、立秋、立冬之前一晚。取水二鍾。煎八分。露

一夜。如遇天陰。露在房檐下。次早溫服。以一年盡四劑。不必再服。小兒服藥後

微泄。則胎毒去。有不泄者。胎毒輕也。

鄭芳貽曰。鳳雛雅不喜預解痘毒。指方士金石丹藥也。若此。不過官方藥料。調

理血脈。疏通臟氣。竟有奇功。余初亦不甚信。久而歷觀其效。服四劑者不出。服

一二劑者出亦稀。鳳雛救世心切。聞余言急。索付梓。讀者幸毋忽諸。

玄兔散

兔絲子一觔入石臼內無灰好酒砂鍋內煮一日入石臼內搗成薄片曬乾

玄參觔半

爲末和勻。入磁罐收貯。常晒。每遇二十四節。以砂糖湯調下。量兒大小。或五分。或一錢二錢。如鄰近出痘。卽日日服之神效。

仙砂散

川芎

當歸

升麻

甘草各六

東流水七大碗。煎至二大碗。去渣。用好明淨硃砂四兩。吸去鐵砂。飛淨碾碎。細絹袋盛。懸砂鍋內。將藥水慢煮。至水盡爲度。取出焙乾。爲細末。外用糯米半升。淘淨。候乾。以鹽泥爲餅。裹米在內。火煨透。取出冷定。揀黃色者。亦爲細末。每小兒一歲。硃砂一分。米粉一分。蜜一匙。酒三匙。米湯半酒杯。調勻服之。纔覺熱者。不出。見點者。出必稀。同蚤者。服之復起。修合須齋戒靜室。勿令婦人雞犬聞見。

蔡氏曰。余季子出痘熱甚。鼻血流滿床蓆。用絲瓜近蒂三寸。連皮子燒灰存性。入硃砂細末一錢。蜜水調服而愈。或砂糖拌凡以此治已出未出諸症。無不霍然。

龍鳳膏

地

龍者一紅條

烏雞卵一個

右以雞卵開一小竅。入地龍在內。夾紙封之。放飯上蒸熟。去地龍。與兒食之。每逢立春日。或春分日。食一枚。能令終身無痘。即有亦稀。若鄰里正出時。服一二枚。極妙。

慈幼新書 卷六 痘瘡 備用方

慈幼新書

明 江夏 程雲鵬鳳雛輯

鄞縣 曹赤電炳章校

卷七

麻疹

麻疹發自六腑。亦曰糠瘡。較痘瘡似淺。有形無漿。易出易收。多實熱者。然條忽變化。其症急速。自初出一二日。及愈後月餘。皆不可輕玩。經曰。痘前疹後。信哉。初生嬰兒。彌月內未生痘疹之先發此。曰爛衣瘡。百日內外曰瘙瘡。蓋因在腹中爲陰血之氣熏蒸。生後忽遇陽風一逼。遂發遍身紅點如粟米狀。此疹不治自愈。天行疫癘。大人小兒感之。大便秘結。熱氣流於胃中。忽發紅斑。隱於皮膚之內。有色點而無顆粒。如蚊蚤之跡。錦文之狀。無頭且平。曰發痧。其症狂言妄見。有陽毒陰毒之殊。總由陽明結熱所致。法當清解。白虎見傷寒加大青、元參一服卽愈。誤用

發散。熱勢外烈。多致枯焦紫黑而死。

癰疹多屬脾肺虛火。狀類傷寒。頗多奇癢。或爲不仁。與真麻疹特異。加減通聖散治之。

麻疹之發也。有風熱風痰。顆粒浮於皮膚。隨出隨沒。沒則又出。雖值嚴冬。亦不宜蓋覆過暖。閉塞玄府。恐毒入咽喉。令人聲啞。治宜清肺降痰。發表令透。亦有可下者。然首尾當滋養陰血。不可少動陽氣。昔人以防風通聖散爲消息。參耆朮夏之品。務宜缺之。升麻能令氣上衝。亦不宜多用。蓋麻疹標屬陰。而本屬陽也。

初發熱時。咳嗽嚏噴。耳鼻尖冷。眼胞浮腫。眼角生眵。眼淚汪汪。惡心乾嘔。恆欲飲水。或痰涎吐瀉。不思飲食。大便急而小便澀。其略類傷寒者。憎寒壯熱。頭痛目赤。頰紅。身體疼痛。斯時也。有熱一二日出者。有熱五六日出者。有熱七八日出者。氤氳之際。惟宜宣毒發表湯。蓋覆衣被得汗。自頭至足。漸漸減去。則皮膚通暢。腠理開豁。自無留毒。而疹出易易矣。

麻疹禁忌。較痘瘡更甚。一切酒肉鷄魚之類。犯之早。則發驚搐。變紫黑而死。百日內犯之。猶足生瘡癰。成瀉痢便血。可不慎乎。

發熱時耳後項上腰腿先出。一日三次。兩日六次。見點紅活顯露。形小明淨。頂尖不長。隨出隨沒。三四日收盡。順症也。不治自愈。

發熱時面先青黑。乃毒氣攻心。逆症也。急宜內托散、消毒湯解之。

熱極不出。或出而帶紫色不明。或與肉平不起。或一二日即沒。喘嗽下利。亦逆症

也。急宜麻黃湯見傷寒發之。外用胡荽酒洗。

疹出色白。按之稍紅。血虛也。養榮湯。出時色紅甚。火勝也。化毒清表湯。色紫黑而

內外熱熾。逆症也。速用宣毒湯加麻黃。

已出不能沒落。內有虛熱也。四物湯失血加犀角汁。已沒落。餘熱不除。黃連解毒

湯。調益元散。甚者熱日夜不退。煩躁譫語而失血。或發驚搐。或重出一番麻疹。比

前略少。此乃心血耗散。餘毒熾盛。犀角地黃湯。見痘先治其血。徐以四物、五苓。見六

一。等次第調之。

出一日而沒。風寒襲也。宣毒湯消息之。不則毒氣內攻。癰爛而死。大凡麻疹退後。

俱不可當風。必令黃瘦病目。生癰瘋瘡。遇此宜連翹飲。見痘加金銀花消息之。爛處

敷生肌散。見痘

熱時汗出不止。乃毒盛致津液妄行。用五倍子三錢爲末。唾津調貼臍上。卽止。
麻疹沒落。七八日聲啞無音。兒茶散服之立效。

發熱時鼻中血出。毒亦從之而解。不宜驟止。如過甚。當歸六黃湯。一服卽瘥。若沒
落後牙齦腐爛。鼻血橫流。急以木通、犀角之類引之下行。不可輕視。甚者眼角中
出血。及大便血不止。皆逆也。用清熱導滯消息之。可救一二。溺赤如泔濁者。五苓
散。見前加車前、木通可愈。

疹前後恣食甘甜。生走馬牙疳。穿腮落齒。或面頰浮腫。環口青黑。唇崩鼻壞。昏悶
失音。爲不治逆症。若初時覺口中氣臭。唇口生瘡奇癢。急服清胃散。見前化蟲丸等
藥。外以獨棗丹、雄黃散擦之。或猶及可救。

痘後雲頭疹。三仙散加防風、黃連。消積食。除風熱。可免瀉痢之患。

孕婦麻疹。以安胎清血爲主。宜四物加白朮、條芩、艾葉治之。胎氣上衝。苧根、艾葉
煎湯磨檳榔服之。有熱甚。胎氣不安。服固胎飲。如腹痛腰酸。胎在必墮。卽以產法
論。先用大補。次用他症藥。胎雖動而婦可生。蓋麻宜裏空。熱毒隨胎氣而自下也。
宣毒發表湯。治初熱欲出未出。

升麻 粉葛各八分 防風 桔梗
 木通各五分 荊芥 薄荷 甘草各三分
 前胡 連翹 枳殼 大力子
 淡竹葉各六分
 夏加黃芩八分。冬加麻黃八分。
 此方疎風開表透毒清熱寬氣較升麻葛根湯力大而不猛用廣而不雜最爲妙當。

化毒清表湯 治已出而紅腫過甚。

連翹 花粉 黃芩 黃連
 梔子 知母 葛根 元參
 大力子 地骨皮各八分 桔梗七分 前胡
 木通各六分 甘草 薄荷 防風各三分
 渴加麥冬八分。煨石膏二錢。
 大便瀉加酒炒大黃一錢。

此方瀉火抑陽養陰。仍兼疎表送毒。誠以勢雖熾甚。必求外出。視用黃連解毒合白虎者。其天機活潑。為不侔矣。

清熱導滯湯 治毒氣流注成痢。亦治疳痢。

黃芩

黃連

白芍

枳殼

山查

厚朴

青皮

檳榔

當歸

甘草

連翹

大力子

紅多者。加紅花三分。地榆五分。

秘瀉後重者。加酒大黃一錢二分。

此方調氣行血清熱。不過滯下平劑。一入大力、連翹。而羣藥俱化疹用。遂為清

利癰疹餘毒之方。非尋常治痢之比。淵乎妙哉。

防風通聖散

防風

川芎

當歸

白芍

大黃

薄荷

麻黃

連翹

石膏

黃芩

桔梗

滑石

甘草 荊芥 白朮 山梔
加減通聖散

麻黃 滑石 川芎 當歸

桔梗 連翹 黃芩 白朮

石膏 甘草 半夏 貝母

蒼朮 羌活

內托散 治一切惡瘡。與痘家名同實異。

綿黃耆 金銀花 甘草 蟬房火煨

煎七分。入黃酒一鍾。再煎至七分。隨瘡上下。分食前後服。

消毒湯 治一切惡瘡腫毒。膿已成未成等症。

金銀花 地丁 當歸 赤芍

大黃 黃耆各五 甘草一錢 升麻三分

酒煎溫服。

養榮湯

川芎 人參

當歸 白朮

白芍 黃耆

生地 甘草

四物湯

地黃

當歸

川芎

芍藥

六一散

滑石六兩

甘草

黃連解毒湯

黃連

黃柏

黃芩

梔子

當歸六黃湯

當歸

黃耆

黃芩

黃柏

黃連

生地

熟地

兒茶散 治聲啞無音。

兒茶五錢

硼砂二錢

爲末。每服一匙。涼水調下。

獨棗丹 治麻疹後牙齦潰爛。肉腐出血。

乾紅棗一枚 雄黃末米大一塊煎湯入鹽少許燉口擦之

化蟲丸 能化蟲為水。

硫黃一兩 木香五錢 蜜陀僧三錢 附子一枚

將附子另為末。醋熬成膏。和三末為丸。荊芥湯下。每二十丸。

雄黃散

雄黃一兩 銅綠二錢

為末乾滲。

雲蓋三仙散 治痘後雲頭疹。

山查 神麴 麥芽

每末二錢。入白砂糖少許。百沸湯調下。

固胎飲 止痛安胎。

生地 川芎各五錢 桑上羊兒藤七葉圓者一錢

當歸 人參 白芍 陳皮各一錢

白朮炒

黃芩各一錢五分

甘草三分

黃連

黃柏各二分

糯米二十粒

痛甚加砂仁。虛甚加木香。

丹毒

丹有五色。變易不同。要皆心火內鬱而發。或在手足。或在頭面胸背。令兒躁悶。腹脹。其熱如火。痛不可言。自腹達四肢者易治。自四肢入腹者難痊。治宜敗毒散。親加紫草茸。外用碧雪。或神黃散敷之。赤白遊風。往來不定。無色可觀。由胃中鬱熱所致。治宜清熱涼血。元參湯主之。

元參湯

生地

丹皮

甘草

元參

牛膝

赤芍

荊芥

花粉

碧雪

芒硝

朴硝

牙硝

青黛

石膏

甘草

寒水石

又方

大黃

皮硝

為末。用鮮柏葉搗汁調敷。

神黃散

大黃二錢

薑黃

黃柏各八錢

白芨一兩

赤芍

花粉各七錢

紅花

肉桂各五錢

程占五曰。此方治一切熱毒紅腫。俱能定痛內消。

風毒

驚風之後。毒氣蓄於皮膚。結為頑核赤色。多在腮頰之間。或耳根骨節之處。宜荆防敗毒散見消息治之。兼傳外消散。小兒跌撲。破損皮膚。風邪乘襲發腫。謂之破血傷風。亦宜敗毒散。加紅花、蘇木、當歸、生地服之。外以膏貼。

外消散

大黃

牡蠣錢各五

朴硝

田螺三枚洗淨。用水半盞。浸一宿去螺。將水調塗。

破傷風膏

血竭

藁本錢各三

茴香六錢

乳香

沒藥錢各一

輕粉二錢

黃丹

黃蠟各一

麻油四兩

七藥各另爲末。將油蠟熬化調勻。入麝香、硃砂少許攤貼。

驚丹

小兒生後。百日內外。眼胞紅腫。面青夜啼。或面如胭脂。或散生滿面。如水痘狀。脚微紅而不壯熱。從頭至項。出沒無定。赤如丹砂。急宜施治。若漸至胸膈。卽爲內攻矣。宜服三解散。

三解散 此方兼治口瘡咳嗽。

薄荷	全蠍	鬱金	人參
白附子	殭蠶	大黃	防風
燈心	枳殼	黃芩	天麻
	甘草	赤芍	茯神

驚

驚有八候。搐、搦、掣、顫、反、引、竄、視。搐者兩手伸縮。搦者十指開合。掣者勢如相撲。顫者頭偏不正。反者身仰向後。引者臂若開弓。竄者目直似怒。視者睛露不活。急驚身熱目赤口鼻氣粗痰涎潮湧忽然而發發過容色如舊有因驚駭者亦有不因驚駭者大都是火燥木急故身先有熱未有身涼而發者症皆屬陽宜用涼劑除熱化痰則驚自息然昔人謂痰生熱熱生風風生驚其實皆本氣自病雖平肝必兼扶土清火散驚湯主之世不解風自內生徒執金藥天麻膽星瓜蒌貝母殭蠶全蠍鈎藤竹瀝等雜亂風痰之劑治之不應更加廣東蠟丸牛黃紫雪治之及至元氣損傷虛痰上逼胸膈膨脹則謂症變結胸無可着手有是理哉值此速

以大劑六君子湯見五救之。

慢驚成於吐瀉。或久瘧之後。中氣虛衰。寒痰壅遏。而風動筋急。其症屬陰。與急驚相反。發時身冷面白。不甚搐搦。口鼻中氣寒。大小便清利。昏睡露睛。微微上視。筋脈拘攣。古人卽以此爲陰癇。俗又呼爲天弔風。危極之候。速用溫中補脾湯。或十二味異攻散。痘兒庶可挽回。若誤服抱龍、牛黃、蘇合等藥。必死。

汪樹人曰。亦有誤服涼藥。陽氣無所歸。反見身熱面赤。口鼻中氣溫者。仍須溫中異攻治之。

慢脾卽係慢驚失治所致。不必另立法門。但視其臟氣未壞者。以溫中異攻二藥進退之。自可霍然而起。

驚未發時。覺身熱面青。心悸不寧。啼叫恍惚。宜定驚丹服之。若已發搐。兼服壓驚湯。如身熱神寧。手足不搐。雖有痰嗽腹痛諸症。應從雜症治之。不必二藥。慢驚有服藥卽吐者。胸膈間寒痰拒逆也。六君子湯加桂、附、乾薑、黃耆、白朮、薑棗。濃煎一盞。驟灌之。衝開壅隔自愈。或服烏沉湯亦效。急驚搐搦大作時。須聽其自然。切不可扶持把捉。使風痰流入經絡。則手足拘攣。

亦不宜艾火攻灸。以希速效。

將出痘疹。身熱驚跳。或時發搐。當表散之。

驚風退後。聲啞不能言。用大南星一枚。泡去皮。臍爲末。每二三分。或四五分。以獾

猪膽汁調成稀糊。入淡薑湯少許。食前服之。立愈。一切病後不能言。俱效。或

服硃連散亦佳。

清火散驚湯

白芍一錢

白朮

梔子

柴胡各三

茯苓二分

陳皮

甘草

半夏各一

溫中補脾湯

白朮二錢

半夏七分

人參

黃耆各八

茯苓

砂仁

白蔻仁

乾薑各五

肉桂

陳皮

白芍

炙甘草各四

生薑

大棗

甚者加附子五分。

頻頻服之。必得肢體溫和。風除神爽。方可住服。

壓驚湯

茯神一錢

人參

白朮

神麴各五

甘草

半夏

辰砂各三

陳皮一分

砂仁一粒

吐者去甘草。加砂仁。瀉者加車前子。

烏沉湯 驅風助胃。

天麻一錢

人參

生川烏

廣木香

全蠍

沉香

南星各五

炙甘草二分

生薑一片

參寶定驚丹

人參三兩

白朮二錢

茯苓

白芍各七錢

半夏

麥冬

枳殼

甘草

山查肉

乾薑

柴胡

神麴各二錢

炒黑荆芥

薄荷葉

石菖蒲

檳榔

麥芽各一錢三分半

廣木香七分

煉蜜爲丸。如大元眼核大。每服一丸。白湯下。有痰薑湯下。重症參湯下。危急

者用二丸三丸。

程潛庵曰。此方治驚疳吐瀉。大是神功。其爲萬世無窮之利。不啻如東垣先生

之補中益氣湯也。

桑蟲丸 治驚時不省人事。

桑蟲一條

麝香

硃砂各五厘

丸如菉豆大。薄荷湯下二三丸。大人中症亦效。

蒿蟲丸

硃砂

輕粉各一錢

爲細末。取青蒿節內蟲同研。丸如麻子大。晒乾磁罐收貯。一歲一丸。人乳汁調

化下。蒿蟲須七月初旬取。遲則生翅飛去。

劉希岸曰。薛氏有飛龍奪命丹。取蒿蟲入砂。麝同丸。不用輕粉。以薑湯服之。

汪有章曰。此方治急驚痰湧者神效。又法。用癩蝦蟆膽一枚揉汁。和薑汁一匙服。危症立甦。

程格思曰。白頸蚯蚓三條。刀切二段。取跳得急者。陰陽瓦焙乾爲末。用薄荷三分。同金銀首飾煎湯送下。治急驚。跳得慢者。作三段。亦用前法製服。治慢驚。殊連散

雄黃

硃砂

黃連

乳香各半

冰片

麝香各一厘

取金眼蝦蟆膽汁調和塞口內。或痰或糞。略出少許。即甦。葉錫侯曰。薛氏云。凡虎狼蛇犬所驚。其氣入心絡。皆令人不能言語。以蜜陀僧研細如飛麵。茶清調服即通。驚邪入心。皆入包絡也。世每誤治。

新安金藥

膽星

天麻各一

天竺黃

山梔仁各四錢

大黃

甘草

硃砂各三錢

雄黃

天花粉

當歸

麻黃

硼砂

羌活

川芎

防風五錢

龍膽草二兩

麝香二錢

蜜丸。芡實大。金箔爲衣。殭蠶、貝母、鈎藤煎湯下。

此卽時下所常用抱龍丸祕方也。不論內傷外感。一見發熱痰嗽。輒日日服之。以爲驚可預散。不知發熱多端。退熱亦有多法。設非驚症。引賊入門。纏綿不解。變症蜂作。則又以爲藥力尙輕。更服利驚丹、廣東蠟丸、牛黃、紫雪等劑。速其死亡。自有幼科以來。未有斯藥之弊之甚也。尤可駭者。習俗移人。病家無論何症。醫不以此藥與之。卽加嗔怪。竟視爲尋常服餌養生之方矣。悲哉悲哉。汪表聖次子兩歲。偶感風邪。發熱身顫。角弓反張。日服此藥。及羌、防、柴、葛、天麻、膽星、瓜薑、全蠍之品。昏沉欲絕。蓋不知小兒氣血未旺。不耐風寒。纔犯之卽發。瘳病。但助其氣血。卽風除神爽。一用此等藥治。則風門大開。榮衛無主。舊病未去。新病益增。安望生理。表聖因諸醫推諉。始來延予。與以五味異攻散。加柴胡二分。桂枝一分。附子一分。連服二劑而瘳。蔣于宮第五子一歲。傷暑發熱。服此藥十餘日。搐搦幾殆。又進蠟丸、牛黃、紫雪。

死去矣。予察其誤中於藥。以補脾湯加減治之。立愈。

吳振公次女四歲。傷食吐瀉。發熱發顫。予謂此女多食瓜果。致臟氣不行。釀成濕熱。既經吐瀉。濕去熱留。臟腑之中。無陰相養。故變成風象。爲定參朮半夏砂仁乾薑厚朴當歸茯苓一方。振公忽延某醫參用。某醫謂弱齡女子。豈得服參朮。遂易一切消導之味。并金藥服之。至五日。人事昏沉。頭偏睛露。醫欲更進廣東蠟丸。振公復來相召。以溫中補脾救之。立甦。

葉弘士之子歲半慢驚。服金藥及風痰之劑。昏悶七日。指紋直抵三關。醫辭不治。予投以加減補脾湯立愈。此症予活人多矣。皆不用一味風痰藥成功。奈何同道諸先生。不深究陰陽臟氣之消長。而徒視人命爲兒戲也。

利驚丹

防風

膽

星融一

天麻

大

黃錢各八

巴霜三錢

枳殼

礞石錢各五

甘

草二錢

礞紅爲衣。碎芥子大。量兒大小服之。

此亦時下常用祕方也。不論內傷外感。凡有痰嗽發熱者。服金藥不效。卽以此

利之。實者變虛。虛者致死。皆不察病情之過也。從來祕方。必以一藥統治諸病。殺人幾不可以數計矣。

汪栗亭曰。予見鳳雛治症。有用朱銀丸。見胎驚。福銀丸。見咳。重劑者矣。有用黃連、犀角、石膏、牛黃、苦寒者矣。獨於此丁寧告誡者。良以此症自喻嘉言、陳遠公而外。未有發明者耳。世醫守一師說。束書不觀。豈能辨析毫末。吾恐是書出。不但河漢於其言。且有掩卷而非笑之矣。程慶其曰。利驚丹自是痰家妙品。但不論內傷外感。一切服之。則不可耳。讀者勿死句下。

癰

癰有陰陽。與急慢驚風相似。古有鷄、猪、羊、牛、馬五癰之名。又有風、食、驚三因之論。錢氏用硃砂、雄黃、水銀、珍珠、黑鉛。爲五色丸統治之。大概以墜痰爲主。然持此以治。頗不驗。何哉。夫心神所舍也。驚恐則神離。痰涎乘之。遂成痼疾。初則火爆木急。驚門諸藥可以治之。久則寒痰迷悶。鬱滯不開。非三生飲豁其痰。地黃丸。見善其

後。未有不為終身之憂者。世以幼而忽之。醫又不聞高論。奈何哉。
三生飲

生南星一兩

生川烏

生附子去皮各五錢

廣木香二錢

雌黃丸 治顛癇搐掣。惡聲嚼舌。

雌黃

黃丹微煨各五錢

麝香五分

牛乳汁三合。熬膏杵丸。麻子大。每服二三丸。白水。

蛇黃丸 治震駭恐怖。啼叫恍惚。是名驚癇。

真蛇黃三枚火酒洗

鬱金七分

麝香一字

為末。爛飯丸。桐子大。每服二三丸。磨刀水煎金銀首飾湯化下。

牛黃丸 治汗出解脫。風邪乘之。迷悶涎潮。屈指如計數。是名風癇。

膽星

全蠍

蟬蛻各二錢五分

防風

天麻各一錢二分

白附子

白殭蠶各一錢五分

水銀

牛黃各五分

麝香半字

棗肉丸。棗豆大。每服一二丸。荊芥薑湯下。

妙聖丹 治驚而停食吐乳。大便酸臭。是名食痢。

巴霜三錢 代赭石煨碎二分 杏仁炒二錢

硃砂 蠟梢錢各一 輕粉 麝香各一 雄黃

棗肉丸。桐子大。每服一丸。木賊草煎湯下。

虎睛丸 治驚癇邪氣入心。

虎睛一對 遠志薑製 犀角鎊 大黃瀝紙包

石菖蒲 麥冬各二錢 蜣螂翅三個去

米糊丸。桐子大。每服二三丸。竹葉湯或薄荷金銀飾湯下。

斷癇丸 治瘥而復作。症候多端。服此即解。

黃耆蜜炙 鈎藤鈎 細辛 甘草各五錢

蛇蛻酒炙二寸 蟬蛻四個 牛黃另研錢

煮棗丸。麻子大。每服一二十丸。人參湯下。

發熱

小兒百病。先從熱起。自變蒸外。有感寒傷風者。則惡風寒。頭痛脈浮。咳嗽嚏噴。有傷食者。則手心熱甚。噯氣吐食。大便酸臭。有癖積者。則頰赤口瘡。便澁腿腫。有痘疹者。則耳鼻尖冷。兩目含淚。耳紋現。中指冷。有驚者。則面青自汗。心悸不寧。啼叫恍惚。有疳者。則形瘦多渴。骨蒸盜汗。泄瀉無常。肚大脚小。種種不同。隨症治之。百無一失。然疑似之間。有古人未傳者。如一兒感冷。惡寒大熱。用發表藥。則汗出熱退。過一日復熱。大便秘。必裏未解也。服四順清涼飲。見藥利一行熱退。隔日又熱。小便赤。服導赤飲。見熱退。過三日又熱。庸劣者幾無措手矣。診其脈。脈已和。既發汗。又利大小便。其兒已虛。陽氣無所歸。皆見於表。所以熱。以六神散和其胃氣。加烏梅一枚。令微有酸味。收其陽氣歸內。自此全愈。又一兒有積熱。表裏俱熱。頰赤口乾。小便赤。大便焦黃。用四順飲。利動臟腑。熱乃去。既去復熱。裏解而表未解也。發散微汗。熱乃去。隔日又熱。此無他。表裏俱虛。氣不歸元。而陽浮於外。所以再熱。實非熱症也。只以六神散入粳米煎。和其胃氣。則陽氣歸內。身體自涼。此等處最易誤人。特揭以補千古之缺。

六神散

大黃	黃芩	柴胡	人參	生薑
八分				煨片一
白芍	當歸	甘草	茯苓	大棗
各七	一錢	四分		
統治肌熱、蒸熱、積熱、或汗後餘熱。				
山藥	篇豆	煨生薑	白朮	甘草炙
	去薑水浸			
柴胡飲子				

慈幼新書 卷七 發熱

慈幼新書

明 江夏 程雲鵬鳳雛輯

鄞縣 曹赤電炳章校

卷八

傷寒

小兒八歲以前。無傷寒症。非無傷寒也。營血未充。纔傷即變熱病。熱則生風。發爲驚搐。與傷寒迥異矣。初用寒門方藥消息。次惟參合散驚湯。驚見又有因驚而氣虛。寒邪乘之。名曰夾驚。先辨其初受急慢。急則宜以清涼解散。慢則必以溫中實脾。又有先傷風寒。後復停滯飲食。或先停滯飲食。後復傷於風寒。名曰夾食。其症壯熱頭痛。噯氣腹脹。大便酸臭。留連不解。須大柴胡湯下之。體弱者。惺惺散調之。小兒八歲後。氣血充盈。經脈完固。傷寒傳變次第。與大人同。故自表達裏。先皮毛。次肌肉。又次筋骨腸胃。絲毫不爽。其始也。先從太陽寒水一經。有惡風惡寒頭痛。

脊痛等症。寒鬱皮毛。是爲在表。脈浮緊無汗爲傷寒。以麻黃湯發之。得汗而解。脈浮緩有汗爲傷風。以桂枝湯散之。汗止而解。

呂晚村曰。太陽經在最外一層。故邪入皮毛。卽先傷之。皮毛不能傳變。由太陽之絡傳經。而後內入諸經也。邪客於皮毛。卽玄府閉。人身臟腑之氣。無刻不與外氣通。故和暢。玄府閉。則內氣不能泄而生熱。非風寒能變熱也。此時但發其皮毛。玄府開而邪隨汗散矣。麻黃桂枝汗皮毛之方。非解中之方也。表不解。則熱積而日甚。從本經反而之內。及各經并榮俞原合交會之處。則熱交於他經。而各經病見矣。

太陽旣解。無頭痛惡寒。脈又不浮。爲表症罷而在中。乃陽明少陽之分。脈不沉不浮。在乎肌肉之間。皮毛之下。然有二焉。若微洪而長。陽明脈也。外症鼻乾不眠。用葛根湯解肌。脈弦而數。少陽脈也。外症脇痛耳聾口苦。寒熱往來。以小柴胡湯和之。蓋陽明少陽。不從標本。從乎中治也。若有一毫惡寒。邪尙在表。雖入中還當兼散邪。

晚村曰。肌肉不能傳變。肌肉之中。皆經絡也。經絡也謂之中。裏則臟腑。表則皮

毛。臟腑之氣血。惟經絡傳達。外邪之壅熱。亦惟經絡傳變。故陽明少陽。皆從中治。中者經病。非胃與膽病也。經病用和解。和解亦必由汗散。然非開發皮毛之法矣。蓋邪初客表。經中陰津未傷。但啓其竅而汗自通。及熱傳中經。血液燔灼。竅雖啓而汗爲熱隔。不能達外。庸工不知。尙用風熱之藥。以發其表。益助熱而耗陰。汗源乾涸。究竟不得汗而斃者多矣。仲景和解。只清解熱邪。而津液自存。陰汁既充。湧出肌表。而外邪自然渙散。此養汗以開玄府。與開玄府以出汗之迴乎不同也。

寒在陽明則解肌。寒在少陽則和解。然病猶未退。卽爲傳裏。實熱脈不浮而沉。按之筋骨之間。所謂陽明胃腑病也。與經病不同。若脈沉實有力。外症不惡風寒而反惡熱。譫語大渴。六七日不大便。皆腸胃燥實致之。輕則大柴胡湯。重則三承氣湯。大便通而熱愈矣。

晚村曰。熱邪入裏。驅出爲難。故就大便通洩。從其近也。得汗而經熱從汗解。非汗爲害而欲驅之也。便矢而腑熱從矢出。非矢爲難而欲攻之也。醫不察此。但知消尅瀉下之法。始終禁絕飲食。惟求一便矢爲能事。殊可笑矣。

寒邪直入三陰之經。名曰直中。乃三陽主氣衰。無熱拒寒也。故初起卽手足厥冷。或戰慄踈臥不渴。或腹痛嘔吐泄瀉。或口出涎沫。面如刀刮。不發熱而脈沉遲無力。此不從陽經傳入熱症。治例更當看外症如何。輕則理中湯。重則薑附湯。四逆湯治之。

傷寒者。由皮毛經絡而後入臟腑。初雖惡寒發熱。而終爲熱症。其人必素有火者。中寒者。直入臟腑。始終惡寒。而并無發熱等症。其人必素無火者。一則發表攻裏。一則溫中散寒。兩途判然明白。

症有反常者。如發熱面赤煩躁。揭去衣被飲冷。脈大。非陽症乎。然投寒藥死者。何也。內有伏陰也。切其脈。不論浮沉大小。必指下無力。按之筋骨之間皆然。甚者服一切茶湯及藥皆吐。此陰盛格陽。乃白通湯加人尿。膽汁對子。仲景將傳經與直中并論。正謂有陰症似陽。陽症似陰耳。如太陽症。頭痛發熱。當脈浮而反沉。又似少陰矣。故用麻黃附子細辛湯。少陰症。脈沉。應無熱而反發熱。又似太陽矣。須用甘草乾薑附子湯。陰症四肢厥逆。而陽症亦有厥逆。此四逆湯與四逆散不同也。陰症下利。而陽症亦有漏底。此理中湯與黃龍湯不同也。

傷寒頭緒雖多。總括不過五法。一曰發表。其症脈浮發熱。身痛惡寒。脊項強。喘咳嗽。頭痛四肢拘急。目舌和。脈不出。口不渴。大小便如常。方主麻黃桂枝青龍之屬一曰解肌。脈尺寸俱長。目痛鼻乾。嗽水不欲嚥。方主葛根之屬一曰和。解脈不浮不沉。往來寒熱。嘔吐脇痛。胸前脹滿。耳聾頭汗。盜汗舌滑。目眩口苦。方主小柴之屬一曰攻裏。脈沉而有力。潮熱惡熱。腹痛下利。轉失氣。手足心腋下。有汗出。咽乾齒燥。目不明。譫語發狂。小腹滿。下利清黃水。不得眠。小便多。自汗。頭痛發熱俱止。方主承氣一曰救裏。脈沉而無力。下利清穀。小便清長。四肢厥逆。嘔吐清涎沫。背惡寒。踈臥多眠。囊縮脣甲青。吐蚘乾嘔舌捲。手足拘急。身體疼痛如被杖。方主理中

真武白通之屬

麻黃湯 治太陽經寒傷營血。發熱無汗惡寒。

麻黃甘熱陽中 桂枝一錢 甘草五分 杏仁八枚

桂枝湯 治太陽經風傷衛氣。發熱自汗惡風。

桂枝辛熱陽中 芍藥二錢 甘草一錢

加芍藥一倍。為桂枝芍藥湯。

加大黃。為桂枝大黃湯。

小青龍湯 治表不解。心下有水氣。乾嘔。或咳。或噎。或噉。

麻黃

桂枝

芍藥各一錢

熟半夏二錢

甘草

乾薑

細辛各五分

五味子十二粒

表不解者。頭痛身熱。尚在也。渴時飲水過多。故心下有水氣。咳噎喘者。水寒射肺也。有聲無物。曰乾嘔。此方麻桂。草發表。夏辛薑散水氣。芍藥和陰血。五味收肺氣。所謂青龍者。東方木神。主發育萬物之義。

大青龍湯 治太陽症見風脈。

麻黃去節

石膏各三錢

桂枝一錢

杏仁五枚

甘草四錢

生薑一片

大枣一枚

太陽症而見風脈。是有頭痛身熱。無汗惡寒。但脈不緊而緩。為傷寒兼中風之候。故合麻黃桂枝用之。風寒外盛。則人身之陽鬱為內熱。石膏所以加也。曰大青龍。又言其行雲致雨之速。苟不善用。則亡陽之禍。變為筋惕肉瞤矣。可不慎哉。

惺惺散 治小兒元氣虛弱。熱不能受。

人參 白朮 茯苓 甘草

白芍 桔梗 花粉 細辛

川芎 防風 生薑 大棗

葛根湯 治陽明胃經。目痛鼻乾不眠。

葛根五分 赤芍 桂枝 甘草各六分

麻黃一錢 葱白二莖 生薑一片 大棗一枚

如惡寒。加麻黃。惡風。加桂枝。

如正陽明腑病。不惡寒。有汗而渴。當用白虎湯。

升麻葛根湯 治邪在陽明之經。無汗惡寒發熱。

升麻 葛根 芍藥 甘草

此方疏表去實。和血調氣。故痘家用之。

小柴胡湯 治少陽膽經。耳聾脇痛。寒熱往來口苦。

柴胡三錢 黃芩 甘草 人參

半 夏 錢各一

此經無出入路。不可汗下。止此湯和解之。如兼陽明症。本方加葛根、芍藥。如尙有惡寒等症。用大柴胡湯。

太陽經。表之表也。行身之背。陽明經。表之裏也。行身之前。少陽經。半表半裏也。行乎兩脇之傍。過此則少陰、太陰、厥陰俱入臟而爲裏。

大柴胡湯 治表症未除。裏症又急。汗下兼行。

柴胡 二錢

黃芩

芍藥 錢各一

半夏 八分

大黃 七分

枳實 四分

生薑

大棗

白虎湯 治身熱大渴而有汗。脈洪大者。無渴不宜。

石膏 五錢

知母 三錢

甘草 一錢

糯米 一撮

邪入於裏。內有實熱。故惡熱。熱越故有汗。裏燥故作渴。邪盛故脈大。邪在陽明。故脈長。白虎者。西方金神也。名此者。欲秋金之令行。而夏火之炎息耳。此暑月熱病發熱。正方石膏寒中之藥。淡而辛。能汗能利。必其人大汗而渴。齒燥。脈洪長可用。若無汗。脈虛而不洪長。或重按全無。雖壯熱口渴。象白虎症。

此脾胃氣虛。元陽不足。誤服必死。

調胃承氣湯 治太陽陽明不惡寒反惡熱。大便秘結而嘔。日晡潮熱。

大黃六錢 芒硝四錢 甘草一錢

大承氣湯 治陽明太陰譫語。五六日不大便。腹滿煩渴。并少陰舌乾口燥。日晡發熱。脈沉實者。

大黃五錢 厚朴二錢 枳實一錢 芒硝四錢

小承氣湯 治六七日不大便。腹脹滿悶。病在太陰。無表症。汗後不惡寒。潮熱狂言而喘者。

大黃四錢 厚朴二錢 枳實一錢

桃仁承氣湯 治外症已解。小腹急。大便黑。小便利。為瘀血症。

大黃二錢五分 芒硝五錢 甘草一錢 桂枝一錢

桃仁十個

凡用三承氣者。須以手按病人。自胸至小腹。果有硬處。手不可近。又看其舌之燥滑何如。然後分當急下。大承氣可少與。小承氣宜微和胃氣。調胃承氣之法用之。

小建中湯 治傷寒腹中急痛。陰陽相乖。

桂枝一錢 芍藥二錢 甘草六分 錫糖三匙

生薑五片 大棗二枚

陰症腹痛不大便。桂枝芍藥湯。腹痛甚。桂枝大黃湯。腹痛自利。小便清白。宜四逆理中。

黃耆建中湯 治傷寒汗後身痛。脈遲弱者。

黃耆炒一分 芍藥炒二錢 肉桂去皮一錢 甘草六分

生薑五片 大棗二枚

煎好入錫二匙。煎一沸服。若微瀉利。或嘔者不用。

汗多耗損陰氣。不能榮養筋骨。故痛。陽虛故脈遲。汗後故脈弱。此方建立中氣。使生長榮衛。通行津液。則表不虛而身痛自愈。

理中湯 治太陰即病。自利不渴。寒多腹痛。

人參 白朮各二錢 乾薑一錢 甘草八分

真武湯 治汗發過多。心下悸。頭眩身瞤。振振欲擗地者。

附子 薑五錢

芍藥

茯苓各二錢

白朮一錢

心亡津液。腎氣欲上而陵心。故悸。汗多亡陽。虛邪內動。故眩暈欲擗地。曰真武者。北方之神。能司水火。救偏方之不及。

白通湯 治少陰下利。

附子三錢

乾薑五分

蔥白三莖

少陰主禁固二便。寒邪居之。則失其權矣。故下利。蔥白所以通陽氣也。薑附所以散陰寒也。能散能通。差足盡少陰之職。服此湯。利不止。復厥逆無脈。乾嘔而煩。即加人尿五合。猪膽汁一合服之。脈微續者生。脈暴出者死。

麻黃附子細辛湯 治少陰病始得。發熱脈沉。

麻黃去節

細辛各五錢

附子三錢

病發於陰。當無熱。有熱者。乃太陽經表裏相傳之症耳。少陰虛。則太陽之邪由絡直入。其不盡入者。留為表熱。故用麻黃以發汗。用辛附以溫中。中外互攻。而

賊邪襲服矣。

四逆湯 治太陰自利不渴。身痛脈沉。

附子三錢

乾薑

甘草各一錢

加甘草一倍。爲通脈四逆湯。

四逆散 治陽氣亢極。血脈不通。四肢厥逆。在臂脛之下。若陰症。則上過乎肘。下過乎膝矣。

柴胡

芍藥

甘草

枳實

陽邪傳入少陰。裏有結熱。陽氣不能伸於四末。故四逆而不溫。用枳實。所以破結氣而除裏熱。用柴胡。所以升發真陽而同四逆。甘草和不調之氣。芍藥收失位之陰。夫傷寒以陽爲主。四逆則有陰進之象。若用苦寒下之。必致陽益虧矣。故用此方。

甘草瀉心湯 治呃逆。脈洪大。心火上奔。肺不得納。

甘草二錢

黃連五分

半夏

人參

黃芩

乾薑各一錢

薑五片

棗五枚

胃寒呃逆。脈微細。乾薑、半夏、丁香、柿蒂治之。若因失下。大便實者。小承氣治之。

玄參升麻湯 治發癰咽痛。

玄參 升麻各一錢五分 甘草八分

陽毒升麻湯 治赤癰狂言吐膿血。

升麻一錢五分 犀角磨一錢 射干 黃芩

人參 甘草各八分

陽症誤溫。當汗失汗。當下失下。或下早邪熱入胃。或下遲熱留胃中。皆致發癰。赤者二方可治。紫黑必死。

世有內傷發癰者。胃氣虛極。一身之火。遊行於外。宜補以降之。此症人多不識。發疹者。太陰風熱表症也。須防風、黃芩、蒲荷、桔梗、蟬蛻治之。

桃仁湯 治狐惑聲啞。

桃仁 槐子 艾葉各三錢 大棗二枚

狐惑者。失汗所致。食少胃空。蟲咬其藏。則上脣生瘡為惑。蟲食其肛。則下脣生瘡為狐。其候齒燥。聲啞惡食。面目乍赤、乍白、乍黑。舌上白胎。脣黑。四肢沉重。喜

眠。服此須更以黃連、犀角清之。

黃連犀角湯

犀角磨三錢

黃連二錢

烏梅四個

木香磨三分

雄黃銳散 治食肛狐症。

雄黃

桃仁

苦參

黃連

青箱子

爲末。艾汁丸。如小指尖大。棉裹納穀道中。

牛蒡根湯 治發汗不透。餘毒在心胞絡。令瘥後昏沉。甚至手足搐搦。或寒或熱。

牛蒡根

麻黃

牛膝

南星各六錢

好酒同研。濾去渣取汁。用炭火燒一地炕令赤。去火。投藥汁在內。燒令黑色。取出細研。酒調服五分。日三次。

牡蠣澤瀉湯 治前症。腰以下有水氣者。

牡蠣

澤瀉

蜀漆

商陸

葶藶

海藻

花粉

爲末。米飲服。

黃龍湯 治發熱不退。或寒熱往來。

柴胡五錢 黃芩炒
生薑 大棗

甘草二錢各

赤芍三錢

慈幼新書卷八 傷寒

慈幼新書

明 江夏 程雲鵬鳳雛輯

鄞縣 曹赤電炳章校

卷九

感冒

感冒輕於傷寒。得之淺易。不必用寒門重劑。凡頭痛發熱惡寒者。陽氣不得舒伸也。薄荷湯入宣湯消息之。兼痰嗽氣壅者。半夏散。藿香散。兼鼻塞聲重者。神朮散。兼停食吐瀉者。藿香和中散。見吐瀉體虛者。參蘇飲。裏氣鬱結者。指迷湯。見胎平素有瘡癬。皮膚燥癢。忽兼感冒者。荆防敗毒散。見痘主之因感冒痰熱而發搐者。護子湯。

薄荷湯

薄荷

川芎

羌活

荆芥

甘草

白芷

防風

細辛

八宣湯

葛根

升麻

川芎

甘草

麻黃

赤芍

陳皮

白芷

半夏散

蘇葉

蒼朮

茯苓

前胡

陳皮

枳殼

桔梗

甘草

藿香散

茯苓

紫蘇

藿香

蒼朮

陳皮

厚朴

桔梗

半夏

甘草

大腹皮

神朮散

蒼朮

藁本

白芷

細辛

川芎

羌活

甘草

葱白

生薑

參蘇飲

紫蘇

枳殼

桔梗

茯苓

乾葛

甘草

前胡

半夏

陳皮

人參

護子湯 治偶感風邪。發熱身顫。手背反張。一劑即定。俗醫每以抱龍、牛黃、殺人。

茯苓三錢

白朮二錢

人參一錢

柴胡五分

桂枝二分

咳嗽

小兒咳嗽。六淫之氣。乘於肺也。與大人頗異。從外入者麻黃湯。見傷寒發之。長夏火旺。瀉白散清之。嗽而涎熱。咽喉不利。甘桔湯疏之。嗽而面青。搐掣。散驚湯。見驚解之

嗽而痰喘面赤。飲水不休。漏銀丸下之。久嗽則肺亡津液。須阿膠散補之。至若癰痘。或癖積。皆有痰嗽。則從專症治之。不必從事於此。咳而上氣。喉中水雞聲。射干麻黃湯主之。有嗽而聲啞者。蓋金實不鳴。金破亦不鳴。實則清之。破則補之。皆治肺之事也。胎嗽乳嗽。用去心川貝母五錢。甘草一錢。紅砂糖調。臨臥服七分。藥盡自愈。未愈再服。

瀉白散

桑皮

炙甘草

地骨皮

甘桔湯

甘草

桔梗 各一錢

阿膠 炒五錢

漏銀丸

巴豆 去油皮

水銀 各五錢

陳墨 碎火燒醋

黑鉛 仁銀錢五分同

麝香 研五

各研和勻。陳米餅丸。如菉豆大。一歲一丸。五歲以上五六丸。薄荷湯下。

阿膠散

明阿膠兩五錢

馬兜鈴五錢

黍黏子炒

甘草炙各一錢

杏仁七個

糯米五錢

為末。每服一錢。

程務思曰。此方治屢嗽不止極效。又一法。薏苡仁一合。慈孝竹葉三十片。同洗淨。煮成粥湯。或仁或湯。聽其自吃。數次亦愈。方鹿村曰。嗽有童子癆者。最屬難愈。用人中白。須天露者。不拘多少。炭火煨過。布包放靛缸中。浸七日。取起。晒乾為末。每服三錢。蜜湯送下。十日即瘥。

射干麻黃湯

射干

麻黃

紫苑

半夏

細辛各八分

款冬蕊一錢

北五味子十粒

生薑

大棗

痰

小兒驚癇寒熱痘疹諸疾。未有不兼痰者。專症重則治其症。而痰自除。若無專症。反因痰而生他病者。青黛丸。利痰散子。治其痰。重者以礪銀丸。覷下之。飲食生痰。胸膈膨悶。健胃開涎散。濕痰作眩。青州白丸子。以參湯服之。

利痰散子

白 丑 五錢

檳 榔 八分

茵 陳

木 香 各五

為末。白湯下。每服一錢。

汪令凱曰。此方治小兒風癇多痰。癡而不慧者。大有神效。

青黛丸

橘 紅

杏 仁

枳 實

黃 芩

茯 苓

白附子 各二錢

瓜 萎 霜

半 夏

膽 星 各三錢

大 黃 蒸

礪 石

百 部

麻 黃 各一錢

阜 角 一條

薑汁丸。芡實大。青黛為衣。滾水化服。

健胃開涎散

茯苓三錢

白朮

苡仁各二錢

人參

花粉各五錢

陳皮

乾薑各二錢

砂仁一粒

程潛庵曰。此方治小兒氣逆痰壅。經脈閉塞。手足厥冷。如慢驚者。神效。

青州白丸子 兼治驚風吐乳。

半夏

南星

白附子各三錢

川烏五錢

爲末。浸水中五日。用糯米粉煎粥清。丸如芡實大。滾水沖薑汁化服。

瘧疾

小兒當乳母襁褓之時。以及嬉戲跌撲。食飲之際。觸冒風寒暑濕。客於皮膚。積於臟腑。邪正相攻。陰陽偏勝。作爲寒熱往來。陽不足者。先寒後熱。陰不足者。先熱後寒。寒多熱少者。陰勝陽。熱多寒少者。陽勝陰。陰陽互攻。則寒熱相半。其初也。必內有痰食。致臟氣不流。故須清脾飲爲消息。若胃中寒痰凝結。不易開解。草果飲一服愈之。

夏傷於暑。秋必痃瘕。此亢則害。承乃制。子來救母之義。有止發之定期。其間日作

者。氣之舍深。內薄於陰。陽氣獨發。陰與陽爭不得出。故須間日。三日一作者。邪入於三陰也。作於子午卯酉日者。少陰也。作於寅申巳亥日者。厥陰也。作於辰戌丑未日者。太陰也。發在夏至後。處暑前者。三陽受病。傷之淺者。近而暴也。發在處暑後。冬至前者。三陰受病。傷之重者。遠而深也。發在子半之後。午之前。是陽分受病。易愈。發在午後者。是陰分受病。難愈。

凡治瘧。先問寒熱多寡。而參之脈症。大抵寒熱往來。皆屬少陽膽經。法用小柴胡湯。見傷寒加味為主。寒多者。加桂枝。有但熱不寒者。名曰瘧瘧。陰氣孤絕。陽氣獨發。骨節疼痛。少氣煩冤。時時嘔逆。白虎湯。見傷寒加桂枝主之。有但寒不熱者。名曰牝瘧。蜀漆散主之。如但寒而脈或洪實。或滑。仍當作實熱治。如但熱而脈或空虛。或微弱。仍當作虛寒治。

凡瘧將發之時。與正發之際。邪正混戰。治之無功。必待陰陽併極而退。邪留所客之地。然後攻之。或當未發二三時前。迎而奪之可也。陽虛則惡寒。陰虛則惡熱。陰氣上入於陽中。則惡寒。陽氣下陷於陰中。則惡熱。若此。又非小柴、白虎所宜。直須理中。見保補中。見傷寒六君。見五之屬。加薑桂治之。然

方中亦必用升、柴。以提出陰中之陽。使水升火降。自無不愈。

呂晚邨曰。大人元氣素虛。服瘧藥不應。須補中益氣。倍柴胡、人參。加半夏、生薑。立愈。間有不愈者。服桂附八味丸。最爲神應。又產後及一切陰虛。俱有寒熱往來。似瘧非瘧。唯用六味地黃湯。加柴胡、白芍、肉桂、五味子。方效。若服瘧門諸方。禍不旋踵。

人有臟腑久虛。大便常滑。忽得瘧疾。嘔吐異常。趙養葵以二陳湯加人參、白朮。與服。遂覺氣脈頓平。寒熱不作。蓋白朮能流行三焦元氣。營衛一轉。寒熱自平。切不可用常山。益虛其氣。

久瘧失治。遂成瘧母。邪伏肝經。脇下有塊。此營衛虧損之候。以六君子湯。加木香、肉桂、莢朮、鼈甲。主之。

世以夜發爲鬼瘧。非也。邪入陰分。發於六陰。宜四物湯。見蘇加知母、紅花、升麻、柴胡。提出陽分。方可截之。若時行不正之氣。真鬼瘧也。宜平胃散。見保加雄黃、桃仁。青皮飲。

白朮

黃芩

半夏

厚朴

青皮

茯苓

柴胡

甘草

草果

生薑

大棗

寒多加肉桂。

熱多加黃連。

草果飲

草果

常山

知母

烏梅

檳榔

甘草

穿山甲

知母性寒。治足陽明獨盛之火熱。使其退就太陰。草果性溫。治足太陰獨盛之陰寒。使之居於陽明。二經合和。則無陰陽交錯之變。是為君。常山主吐胸中痰結。是為臣。甘草和諸藥。烏梅去痰。檳榔除痰癖。破滯氣。是為佐。山甲穴山而居。遇水而入。出陰入陽。穿其經絡於營分。以破暑結之邪。為之使。

蜀漆散

蜀漆燒去

雲母燒三

龍骨各等

未發前服。若溫瘧。加蜀漆一倍。臨發時服。

二陳湯

半夏

陳皮

茯苓

甘草

烏梅

生薑

柴苓湯

初發一二日服。

柴胡

白朮

黃芩

茯苓

猪苓

澤瀉

厚朴

甘草

人參

香薷

暑瘧加

蒼朮湯

蒼朮

柴胡

黃芩

半夏

青皮

草果

檳榔

川芎

生薑

葱白

瘧發三四度後。用水酒各半煎。溫服取汗。

截瘧方

藿香

白芍

橘紅

澤瀉

滑石

木

通錢各一

犀角

羚羊角各五

白朮七分

小丁香四分

薑皮二分

空心服。服後餓半日。方許飲食。忌麵食大葷。

痢疾

古論小兒八痢。饑、飽、勞、役、暑、濕、風、驚。又謂觸冒天地八風之邪。然未有不因臟氣衰弱。濕熱盛於大腸而作者。治法唯助其所能。而導其所滯。別無他主。

凡痢皆熱病。世以白痢爲寒。非也。亦有用辛熱藥而愈者。蓋病微得熱。則鬱結開通。氣和而愈。甚者病轉劇。故治痢者。必以寒勝熱。以燥勝濕。少加辛熱佐之。爲發散開通之用。如此無不愈者。

痢家腹痛後重。小便短少。口渴喜冷飲。大腸口燥結。是爲挾熱下痢。舊法用歸、芍和其血。香、檳、枳殼調其氣。紅、花、生、地、榆、涼、其、血、芩、連、梔、柏、清、其、火。重則更以大黃湯蕩滌之。然亦有挾寒下痢者。腹痛甚。唯口不渴。喜熱飲。小便清長。身不熱。腹喜熱手熨。須理中、薑、桂溫之。又有初起原係熱痢。遷延日久。各症不減。或反加重。

理當別治。須補中益氣。倍用參耆。一升一補。如小腹重墜。切痛奔豚。此兼屬少陰虛寒。急加吳茱萸。破故紙。肉桂。肉果。甚則加附子。更有純血者。加炒黑乾薑。虛回而痢自止。若必待血清痢止而後補。晚矣。

晚邨曰。久痢必補。其法精絕。然痢與傷寒大異。頗有不渴。喜熱飲。便清身不熱。腹喜熱手熨。而仍屬火症者。挾寒二字須活看。

似痢非痢者。飲食所傷。胃中上升清華之氣。反從下降。是爲飧泄。久則太陰傳少陰。而爲腸癖。裏急後重。膿血交錯。數至圞而不能即便。亦須補中益氣。使升降之道行。其痢不治自愈。

有熱者。益氣湯加薑炒黃連。有寒者。加薑桂。寒兼少腹痛者。建中湯。見傷寒有風寒者。加羌活。肝氣乘脾者。倍柴胡。加芍藥。木香。滑泄者。加粟殼。訶子。如此不愈。更當從事命門。

如積滯已少。但虛坐努責。此下多亡血。須倍用當歸。更加入生血藥一二味。後重有二。邪氣墜下者。圞後不減。虛努不收者。圞後隨減。可辨虛實。

噤口痢者。湯藥入口。隨出肛門。纏注急迫。多因熱毒熾甚。逆衝胃口。胃氣伏而不

宣。急用吳朱黃炒過黃連。合人參糯米濃煎。細細呷之。但得潤下。便不吐矣。如吐再服。間亦有寒氣逆上者。用溫補之藥調之。

休息痢者。經年累月。愈而復發。此係寒積在大腸底。諸藥所不到。獨巴豆一味研炒。蠟丸如龍眼大。空腹服之。再不復發。又有疳穰休息痢。須雞蠟丸治之。

世有瘧後痢者。亦有痢後瘧者。夫既為瘧後發洩已盡。必無暑熱之毒留為痢疾。此係元氣下陷。不能升舉。似痢非痢也。既為痢後。下多亡血。氣隨痢散。陰陽兩虛。陽虛則惡寒。陰虛則惡熱。故寒熱交戰。似瘧非瘧也。二者俱用益氣湯加溫補藥。其病不治自愈。

晚邨曰。瘧後之痢。亦有邪未盡而變發者。當於益氣湯中。加清理之味。

世有疫毒痢。初得時。先發寒熱。或頭痛壯熱。思入涼室。思吃冷水。狂言狂走。渾身肌肉疼痛。手不可著。忽下痢。或赤或白。或赤白相雜。此太歲中。其年春夏內多寒。肅之化。陽光少見。寒熱之氣交爭。寒邪犯心。水火相敵。血變於中。所以赤痢尤多。如紫草。莧菜色。若白者。尚為輕。可治。法先奪其寒。以後隨症調理。

芍藥湯 行血調氣

芍藥五錢

大黃一錢

黃芩

黃連

當歸各八分

甘草

檳榔

肉桂

木香各五分

痢不減。漸加大黃。

澤瀉湯

陳皮

厚朴

黃芩

黃連

檳榔

白芍

甘草

茯苓

滑石

大黃

澤瀉

程邁莊曰。治痢法。山查五錢。去核為粉。滾水調服。赤痢加蜜少許。白痢加黑砂糖拌之極效。又法。楮樹葉炒乾為末。每服三錢。酒一杯。空心調下。白痢加砂糖一錢。赤痢加蜜七分。砂糖三分。赤白相半。砂蜜均。加噤口者。加兒茶末三分。奇效。

王臯思曰。噤口痢用鹿角二三錢。煨存性為末。好酒送下。極佳。又法。臘肉骨燒存性。碾極細。好酒送下。或糞蛆洗淨。焙乾為末。每用一二匙。米飲調服亦佳。

大黃湯

大

黃一兩好酒煮分二服痢止勿服未止再服以利爲度

感應丸

新舊冷積并可下。神妙不可言。雖有巴豆。不令人瀉下。其積自然消化。

木香

丁香

肉

蔻各一兩五錢

巴

豆皮七粒心油去

百草霜

炮薑各一兩

杏

仁去皮尖一百四十粒

右先將木香、丁香、炮薑、肉蔻爲末。入百草霜研。巴豆、杏仁另研。七味同和勻。用黃蠟六兩溶成汁。濾去渣。以酒煮數沸。傾出。候冷。其蠟自浮於上。取起秤用。再以清油一兩。銚內熬令香熟。次下蠟四兩。同化成汁。就銚內乘熱拌和藥末。捻成錠子。丸如菉豆大。每日空心薑湯下五丸或十丸。量人大小加用。

香連丸

川黃連

毛一觔去

廣木香四兩

外用吳茱萸四兩。當歸、白芍、川芎、生地、厚朴、車前、木通、枳殼、檳榔、茯苓、白朮、黃芩、香附、陳皮、蒼朮各二錢。水七碗。煎至四碗。濾去渣。將汁煮川連。至汁乾爲度。取起焙脆。同木香碾爲細末。以老米粉和滴醋。打糊爲丸。如梧桐子大。每服一

二十丸。白痢薑湯下。赤痢細茶下。

雞蠟丸

黃

蠟指大一塊放杓內火上鎔化入生雞子一個拌炒與兒空腹服之最有神效

吐瀉

小兒吐瀉。有因傷食者。吐出酸臭。瀉出糟粕。宜加味平胃散。有感冒寒停食者。胸腹刺痛。霍亂不寧。宜藿香和中湯。有伏暑者。小水不利。煩渴引飲。甚者轉筋寒熱。宜六和湯。若屢作屢止。最是小兒危候。吐瀉既多。胃氣虛極。急須七味白朮散。或參朮散。加山藥。扁豆溫補之。不則中氣頓絕。虛痰上湧。而須臾告變矣。鄭明永曰。胃既虧敗。不能統攝諸氣歸元。而陽浮於外。更有身熱面赤。作渴而似熱症者。苟投涼藥。寧冀生乎。

加味平胃散

蒼朮

厚朴

山查

陳皮

青皮

麥芽

砂仁

香附

甘草

藿香

小川芎

藿香和中湯

藿香

香附

紫蘇

蒼朮

厚朴

山查

川芎

羌活

砂仁

麥芽

陳皮

白芷

甘草

生薑

六和湯

人參

白朮

木瓜

扁豆

香薷

厚朴

砂仁

杏仁

藿香

半夏

生薑

大棗

赤茯苓

炙甘草

此方兼治中酒胎產諸疾。誠以嘔吐泄瀉。便赤口渴。未有不從胃中濕熱來耳。朱古愚曰。有嘔吐吞酸者。胃火也。生熟石膏等分。滴醋爲丸。吞服自愈。酒人胸膈時悶。或作嘔逆。服之亦效。

七味白朮散

人參
木香

白朮
乾葛

茯苓
藿香

甘草
煨生薑

慈幼新書 卷九 吐瀉

慈幼新書

明 江夏 程雲鵬鳳雛輯
鄞縣 曹赤電炳章校

卷十

食積

小兒脾胃脆弱。飽則易傷。健脾丸、猪肚丸主之。枳朮丸參之。有寒者。指迷湯。見胎
有熱者。去桂加黃連。兼風寒者。藿香和中湯。見吐久乃成積。肌瘦面黃。啓脾丸、丁
香爛飯丸。傷生冷硬物。不能尅化。心腹滿痛。三稜消積丸、四神消積丸、驚積參寶
丸。見驚朱銀丸。見臍積。或乳或食。積久成塊。在於腹脇。揆癖丸、消乳丸、對金丸。有
腹脹者。指迷湯。有濕氣內攻。腹脹水腫。小便不利。大便滑泄。須大橘皮湯。
健脾丸

白朮土炒 扁豆炒 蓮肉去心 茯苓

薏苡仁炒

麥芽

山藥各四兩

五穀蟲

白芍酒炒

遠志去心

山查

神麴

陳皮

澤瀉各二兩

甘草六一錢兩

砂仁六錢

桔梗二錢

有積加雞肫皮。

荷葉煎水打老米糊跌為丸。菉豆大。食遠白湯服一錢或二錢。

小健脾丸

白朮四兩

山查

白芍

蓮肉

山藥

苡仁各二兩

麥芽粉

砂仁

枳實炒麥麩

陳皮各一兩

黃連酒炒七錢

大粉草炙

木香各三錢

製服同上。

大健脾丸

白朮三觔飯上蒸五次 廣陳皮溫水洗

茯苓各一觔

川黃連薑汁炒

枳實去穢淨飯三次穀芽炒去

神麴各半

青皮去穢炒

人參各五兩吳茱萸泡去苦水

白蔻仁各三兩

木香二兩

當歸身酒洗六兩

製服同上。

和中健脾丸

茅山蒼朮洗去鬚米泔水浸一宿

蓮肉 川黃連

山查肉酒浸蒸各二兩人參另研

山藥 茯苓神

當歸身酒蒸白芍酒浸一宿

白茯苓用甘草七錢浸汁一兩陳皮一兩

黃芩至汁乾為度廣陳皮略去

白朮各一兩五錢陳倉米一合

荷葉九張切碎

用水六碗煎濃汁二碗。揀去荷葉。將米并汁磨成漿水。和藥末入石臼內搗極透。丸如菉豆大。每日中午薑湯下二錢。或清米湯。白滾湯早晚下之亦可。

至寶健脾丸

半夏麴炒

枳實

山藥各一兩

白朮二兩

香附醋炒

山查

藿香

黃連

厚朴薑汁炒

麥芽搗粉

神麴

蘿蔔子炒各七錢

陳皮

茯苓

白扁豆

白芍各八錢

粉草

人參各五錢

滑石各五錢

砂仁

木香各三錢

煉蜜丸。龍眼大。不拘時服一二丸。極能進食消積。長肉生肌。其功甚大。

猪肚健脾丸

蓮肉去心

紅棗肉各四兩

白茯苓晒人乳拌

扁豆炒去皮

山查去核各二兩

陳皮一兩

神麴五錢

雄猪肚藥一具裝入七

放白內搗如泥添入

金銀花去葉

白朮各一兩

蒼朮晒水五錢

甘草三錢各為末同搗透將

老鍋焦十兩共磨細末加白

枳朮丸

白朮六兩

枳實四兩

荷葉包煨爛飯為丸。桐子大。每服四五十丸。空心白湯下。

香橘丸

木香

神麴

厚朴

青皮

陳皮各一兩

麥芽

砂仁各二兩

三稜一兩二錢

蜜丸。龍眼大。每服一丸。薑湯或米湯下。

啓脾丸

人參

陳皮

扁豆

神麴

苡仁

山藥各二兩

白朮

茯苓各一兩五錢

甘草去皮六錢

桔梗炒七錢

白芍八錢

麥芽

蓮肉各二兩

龍眼肉四兩。煮爛。和煉蜜搗丸。如龍眼大。空心米飲服。

方鹿村曰。此方治脾胃不和。體氣虛弱。面無血色。大有奇功。

丁香爛飯丸

丁香

丁香皮

甘草

三稜

莪朮各一錢

砂仁

益智仁

木香各二錢

香附五錢

湯浸鉶餅丸。同前法服。

三稜稍積丸

丁香皮

益智仁各三錢

青皮

陳皮

茴香各五錢

神麴

莪朮

三稜各七錢

巴豆和米炒去

製服同前。

四神消積丸

陳皮三兩

厚朴

青皮醋炒

山查

莪朮煨切

枳實蒸

檳榔

半夏麴

香附

麥芽

神麴各二兩

三稜煨切

吳茱萸

砂仁各一兩

白芥子炒

木香各五錢

蘿蔔煎湯跌丸。食遠白湯下。

程克庵曰。核桃一觔。略敲損。用皮硝四兩。同煮去硝。服桃。極能消積。小兒不肯

藥者。宜與之。又法。葶薺與海蜇同煮。去蜇食薺亦妙。

對金丸

茅山蒼朮一觔

半夏

茯苓各三兩

枳殼二兩

粉草六兩

厚朴

陳皮各十兩

小紅棗去核一百枚

生薑四兩

共作一劑用水十五碗。慢火煮乾。搗成餅。晒透爲末。蜜丸桐子大。白湯服之。治一切肚腹飽脹食積如神。

揆癖丸

代赭石火煨

木香

青皮

莪朮

大黃

五靈脂各三錢

巴豆去油一錢

醋麵糊丸。麻子大。每服二三丸。食後薑湯下。

消乳丸

砂仁

陳皮

三稜

莪朮

神麴

麥芽各五錢

香附一兩

麵糊跌丸。白湯服。

大橘皮湯

陳皮

木香

滑石

茯苓

猪苓

檳榔

白朮

澤瀉

甘草

肉桂

疳積

小兒乳食不調。肥甘無節。積鬱既久。則熱生焉。熱蒸既久。則蟲生焉。有熱有蟲。而疳成矣。當其有積時。用藥消導。則熱退而蟲不生。及其將成。仍用莪、稜、檳、朴消其積。川連、胡連清其熱。史君、蕪荑、川練、蘆薈殺其蟲。循次早治。亦可獲痊。迨至既成。胸陷腹滿。骨露齒張。肌硬目閉。則元氣脫去。雖盧扁奚爲哉。積疳之源。由脾胃虛弱。是所能者病也。然當消積清熱時。不可驟用補劑。益助病能。若先天元氣虛極。則六神散熱。與肥兒丸間服可耳。母有孕。兒飲孕乳。多成積熱。久亦成疳。疳熱甚而成痢。清熱導滯湯。見麻去夢、翹。

加莪稜。有癖塊者。按癖丸。見食外以紅花膏貼之。疳有名無辜者。壯熱羸瘦。頭露骨高。舌下有蟲。或腦後項邊有物如彈丸。按之轉動。軟而不疼。其內有蟲。須速針出。不爾。便傳食臟腑矣。此症因夜露兒衣時。為鴟梟羽所污而致。有丁奚者。手足細甚。頂小骨高。尻削體痿。腹大臍突。胸陷。號哭不已。有哺露者。虛熱往來。頭骨分開。翻食吐蟲。煩渴嘔噦。治法皆不外肥兒。蘆薈。蕪荑之屬。疳不可分冷熱。惟有瀉有不瀉耳。不瀉者。積熱無所發洩。故胸腹發熱特甚。瀉者。積熱有所發洩。故胸腹不甚熱。然亦由積熱作瀉也。非冷也。方書有冷疳之名。謬矣。

肥兒丸

三稜	莪朮	青皮	神麴
史君子肉	蘆薈	檳榔	香附
陳皮	麥芽	蕪荑	川黃連
胡黃連	南木香		

各八錢 各一錢 各五錢 三錢

麴芽另末。打餅和丸。如粟米大。二歲以下三分。五歲以下五分。空心米飲下。臨臥白湯下。有癖塊加阿魏酒浸乾漆。七錢。

雞肝餅

五穀蟲焙乾瓦上

全

蠍去毒各一兩

人參

龍膽草各三錢

穀精草五錢

爲末。每用二分。將陳酒糟一撮。雄雞肝一具。共搗成餅。放飯上蒸熟。以酒食之。輕者五六服。重者十服全愈。此方新安楊氏得自羅修遠家。屢獲奇效。如未應。更以五疳丸參之必效。

大蘆薈丸 治疳蟲蝕脊背。身熱羸瘦。十指生瘡。頻咬指甲。

蘆薈

蕪荑

青黛

檳榔

川黃連各二錢

胡黃連

史君子肉各半

南木香三錢

蟬蛻二十隻

麝香少許

猪膽二枚。取汁浸糕。丸如麻子大。量兒大小。米飲服之。

紅花膏

紅蓼花一捆煎汁去

阿魏

血竭各三錢

沒藥五錢赤芍

當歸

麝香各一錢

各藥爲末。入膏內攪勻。以青布照廣狹攤貼患處。

秘方五疳丸

乾蟾一隻置新瓦上

連翹微炒

青皮

莪朮三稜

枳實俱醋炒

川黃連

胡黃連蘆薈

丹皮

白蕪荑仁

桔梗各二兩茯苓

神麴炒

澤瀉炒

白朮土炒各三錢木香一分

共爲細末。用雄猪膽二枚。取汁和水跌丸。如豌豆大。每服一錢二分。米飲下。

鄭補翁曰。余幼女病疳。兩目幾廢。偶得此方。服之神光復現。余友汪宗玉子亦

患此。肌肉瘦削。飲食大減。諸藥無功。余以此授之。服一料而病去如掃。

程自閑曰。蟾蜍治疳。神妙不可言。夏月取溝渠中不跳不鳴。腹大多癩者一隻。

置甕中。以糞蛆與食一晝夜。將小袋盛放急流水內。浸去污穢。新瓦上焙乾爲

末。入麝少許。揉飯爲丸。麻子大。每服二三十丸。凡小兒無辜疳積。丁奚哺露。一服熱退。二服渴除。三服瀉痢止。吾鄉有擅此利數世者。其方亦前人所備。偶爲識出。因附以傳。

汪寧士曰。疳症眼目不明。小便如米泔色者。用大雄鷄一隻。殺取肝肺膽三件。入酒小半鍾共搗。濾去渣。滾酒冲服。瀉數次即愈。

大蕪荑湯 治無辜疳。

黃柏	羌活	柴胡	防風
白朮	茯苓	黃連	當歸
麻黃根	山梔仁	炙甘草	大蕪荑

腹痛

小兒驟然腹痛。其症不同。有挾熱者。其痛多緩。或一日數次。痛過一陣。則有時不痛。甚則面赤壯熱煩躁。指迷湯。見胎去桂。夏加翹。芍。梔。連。有感寒挾食者。其痛多急。連綿少有停止。甚者或如刀刺。欲吐不吐。欲瀉不瀉。手足冷。面青或黑黯。亦宜

前湯。或升消平胃散。有傷積者。時作時止。面黃目無睛光。或白睛。多食睡。畏食。大便酸臭。亦宜升消平胃散。去羌防芎蘇加吳茱萸炒過黃連木香肉桂有蟲痛者。面眊白口中沫及清水出。聞煎炙食物香氣則甚。宜煎苦練皮史君子肉送下牛黃琥珀丸。殺其蟲則痛自止。

升消平胃散

蒼朮

厚朴

小川芎

香附

紫蘇各五分

砂仁

藿香

白芷

陳皮

羌活

防風各三分

甘草炙二分

麥芽六分

山楂一錢

薑一片

牛黃琥珀丸

牽牛二兩熟炒香熟

檳榔一兩

硃砂不拘多少以紅爲度

爲末。空心糖湯服。

方事莘曰。此方追蟲積如神。功在疏利。不傷臟腑。

小便

小便有肥脂似膏。浮於小便之上。曰膏淋。先顫慄而後小便。曰冷淋。小便黃赤。澀痛而滴瀝。曰熱淋。心熱之極。傳於小腸。滲入於胞。爲血淋。腎水結熱。便則莖中痛。滴瀝如砂石。痛引小腹。甚則令人昏悶。遍身有汗而後醒。曰石淋。凡此有冷者。金匱腎氣湯。或指迷湯。見胎加車前、牛膝。有熱者。木通散。見胎加黃柏、石葦、海金沙。小便閉塞不通。有三症。因冷濕乘虛入裏者。五苓散。見胎加木香溫之。或絹裏炒鹽熨臍四傍。因暴熱所逼。澀而不通者。五苓加燈心、車前。熱逼而大便多痰癖者。紫霜丸。因膀胱不利爲癰者。臟氣虛邪熱壅塞。宣化不行。肚腹脹滿。非澀非痛。亦用前藥。或指迷湯。木通散消息之。若發熱口乾。或兼白濁。清心蓮子飲治之。尿床及遺溺不禁。皆先天臟冷所致。鷄腸散主之。指迷湯消息調之。乳哺傷脾。尿白如米泔狀。久則成疳。指迷湯去桂。加麥冬、滑石、燈心。諸疝者。陰氣內積。血泣成瘕。舉丸腫大。弔痛牽連臍下。至不可忍。指迷湯加川練肉治之。

陰腫核腫者。內感外傷之氣。停結不散。指迷湯。加黑牽牛、桃仁泥。服時入鹽少許。外以牡蠣、乾地龍爲末。鷄子清調傅之。如無他症。但覺莖物通明。牡蠣一味傅之。

甚效。

金匱腎氣湯

茯苓

山萸

山藥

丹皮

澤瀉

牛膝

熟地

肉桂

附子

車前子

清心蓮子飲

人參

黃耆

遠志

茯苓

甘草

黃芩

車前子

地骨皮

石菖蒲

柴胡

薄荷

麥冬

蓮肉

鮑殿一曰。生天門冬搗汁半盞服。能治砂淋血淋。痛不可忍。鬱金煎湯半盞。搗

韭菜汁半盞。空心熱服。以糕壓之。治血淋。三服即愈。

紫霜丸

疏利臟腑實熱。亦治驚積痰癖食癰。溫壯諸熱。

代赭石一兩燒醋淬以裂為度

赤石脂七錢同赭石搗末

巴豆三十粒去油心

杏仁五十枚
去皮

同搗三千杵。如硬則少加煉蜜。更搗丸。如粟米子大。密器盛固。每服二丸。乳汁下。若不應。更服二丸。

鷄腸散

鷄腸草二兩

牡蠣三錢

茯苓

麥冬

龍骨煨

桑螵蛸炙各五錢

爲末。薑棗煎湯服。每次一錢。

一方無麥冬。有肉桂。不用鷄腸草。卽以雄鷄腹內腸炙脆代之。

洪涵子曰。車前草搗汁。入蜜同熬。露一宿。清晨服之。治小便不禁神效。

葉秋林曰。初生兒七日不小便。用葱白三四寸。加入乳搗如泥。傅兒口內。卽與吮乳。須臾自通。

血

小兒飲食饑飽。脾胃內虛。不能尅化。榮衛相衝。氣逆而血妄行。或吐或衄。亟須調

其寒熱。疏其壅滯。黃芩、柏葉、參症治之。若久而不愈。更服麥門冬飲子為當。
大便下血者。疳濕所傷。風邪自入。血鬱不行。滲於腸中。時下時止。久則肌髮萎黃。
而虛症見矣。指迷湯去桂。夏加阿膠。地榆治之。或服烏梅丸。及有糞後紅者。時止
時發。六一散見癰一料。加紅麴三兩治之。
小便出血者。心與小腸氣逆。致熱聚膀胱。而血滲入也。木通散或火府散治之。

黃芩湯

黃芩為末蜜丸芡實大鹽湯化服

柏枝飲

柏枝 藕節

俱曬乾為末。以鮮藕汁調下。

麥門冬飲子

五味子 十粒

麥冬

黃耆各一錢

當歸身

人參

生地

各五分

汪靜山曰。柏葉、石榴花為末。吹鼻治吐衄甚效。衄不止。水調白芨末。塗鼻上。并

顙門立瘥。

火府散

木通

生地

甘草

黃芩

程未能曰。麥門冬去心。煎湯頻服。盡四兩。治小便出血極佳。

烏梅丸

槐花一兩

柿

餅五個燒存性

烏梅肉二兩。蒸熟爲丸。空心白湯服。

汗

小兒盜汗。肌肉虛也。亦緣心氣不足。津液不固。牡蠣散、團參湯主之。若泄瀉自汗。遍身冷。脾胃大虛。參苓白朮散見吐。附子理中湯見傷寒。俱可用。積症盜汗。亦脾冷所致。指迷湯。無故冷汗時出爲驚汗。散驚湯見消息之。

牡蠣散

牡蠣

生地

黃耆

浮麥

團參湯

新羅人參

川當歸錢各一

雄猪心淨一枚洗

新汲井水同煎。食前溫服。

撲汗方

牡蠣粉

黃連

貝母錢各五

米粉和一升

汗斑方

蜜陀僧

白礬

甘松

三奈

白殭蠶炒

皂角刺

肥皂同搥細潤擦之。

疸

黃症多端。總不外濕熱蘊結。如蠶麴相似。治黃之法。總不外加減瀉黃散為主。經云。脾苦濕。急食苦以燥之。故用黃連、茵陳之苦寒。以除濕熱為君。腎欲堅。急食苦以堅之。故用黃柏之苦辛寒。強筋骨為臣。濕熱成煩。以苦瀉之。故黃芩、山梔之用。

以止煩滿爲佐。濕淫於內。以淡泄之。故茯苓澤瀉之用。以利小便導濕爲使。

慈幼新書

明 江夏 程雲鵬鳳雛輯

鄞縣 曹赤電炳章校

卷十一

瘡疽雜症

世間癰疥瘡癰癰毒。唯小兒獨多。豈其稚陽純氣。易與歲運火熱之政相乘耶。抑不識不知。而寒溫動定之乖其道耶。又有父母餘毒所遺。為兒終身痼疾者。可不有以治之耶。因述經驗治法為一卷。

五福化毒丹 治胎毒及痘後頭面生瘡。眼目腫痛。

生地

熟地

天冬

麥冬

俱杵

元參各三兩

甘草

朴硝各二兩

青黛

一錢

蜜丸。芡實大。白湯服一丸。服此而發。搐痰喘者。中氣受傷。而變虛熱也。急服五

味異攻散。若手足厥冷。加薑桂服之。

方鹿村曰。薛氏云。癰疽陰症及雜症。陽氣脫陷。與寒氣逼陽於外者。發熱口乾。煩躁作瀉。投以薑桂附子之類。津液頓生。煩熱頓退。其應如響。按此則以異攻。薑桂治病後虛搖。誠非異事也。

加味解毒散 治天泡諸瘡發熱作痛。

連翹

元參

升麻

羌活

白芍

當歸

金銀花

大力子

生地黄

黃芩

甘草

漏蘆

九味解毒散 治一切熱毒胎毒。發為瘡瘍。未潰作痛。

黃連

連翹

漏蘆

白芷

當歸

防風

甘草

炒梔子

金銀花

復元活血湯 治從高墜下。惡血流於脇肋。疼痛不止。

大黃一兩

柴胡五錢

當歸三錢

瓜蒌仁

甘草各二錢

穿山甲

紅花各一錢

桃仁五十

為末。每服三錢。酒煎熱飲。

程葭陸曰。出血後。瘀血入肺。面黑喘促者。用人參五錢。蘇木一兩。煎服即瘥。

惡瘡毒腫神方

花粉

赤芍

白芷

貝母

甘草節

乳香各一錢

歸尾

陳皮各一錢五分

金銀花三錢

皂角刺

防風各七分

沒藥五分

穿山甲

照患處取用三大片酒煮酥炙

酒三鍾半煎

患在背。臑。皂角刺為君。在腹脇。白芷為君。在四肢。金銀花為君。在胸次。

加瓜蒌仁。如係疔瘡。加紫河車草。瘡勢大。四兩。瘡勢小。二兩。體虛者。加黃耆。

凡諸瘡在上者飽服。在下者饑服。若善飲者。服藥後再飲數杯。睡一覺。痛止瘡

愈。

大黃活命丹 治天時疫病。

錦紋大黃半觔

直僵蠶去頭腳炒四兩

白芷二兩

爲末。薑汁丸。彈子大。硃砂、雄黃各一兩爲衣。冷水化下。汗出即愈。
方二如曰。疫傳染。慘毒可憐。但服此方。有如神護。讀鳳雛是書者。願得廣爲
流佈。亦即天地之心也。

神效散 治楊梅瘡。魚口便毒。不拘新久。七劑全瘳。

金銀花

歸

尾各二錢

紫草

木通

苦參

蟬

蛻

白芷

皂角刺

川牛膝

各一錢

紅

花三分

甘草

川

烏各三錢

上白潮潤土茯苓六兩。洗淨打碎和藥。用水六碗。煎至三碗。早、中、晚各服一碗。
瘡在下部。先藥後飯。瘡在上部。先飯後藥。凡服藥日。必食建豬肉、熟米飯。飲好
酒四五杯。使藥力宣暢。其瘡易愈。忌食猪首、肝、腸、牛、羊、驢肉、雞、鵝、辛辣之物。
一方。并忌鹽、醬、茶、醋、魚、蝦、鴨卵。土茯苓煨肉食妙。煎湯代茶亦妙。

三七化毒丹 服前藥未愈者。更服此丸立效。

荊芥

防

風

乳香

沒藥

殭蠶

全

蠍

蜈蚣

穿山甲

三七葉酒洗各五錢

硃砂

雄黃各三錢

為末。陳米粉打餅。跌丸。菴豆大。硃砂為衣。每服三分。黃酒下。

程六謙曰。楊梅為父母遺毒。祕方甚夥。然未有如此二藥之得心應手者。予業醫數世。枕中玄奧。盡為鳳雛流傳矣。奈何。

洪寶丹 治唇舌傷損。或耳鼻傷亦效。

花粉三兩

薑黃

白芷

赤石脂各一兩

茶湯調傅。

沒藥散 治傷損止血定痛。

風化灰

定粉各一兩

枯白礬各三錢

乳香

沒藥各五分

為末調搽。

白蒺藜散 治刀傷人咬狗咬。及跌打損傷俱效。

松香透明者化開傾地上候冷用

黃丹各一兩

白蒺藜炒

白蘚皮炒各五錢

為末。先將冷粥洗過患處敷上。以紬片紮之。如已作膿血。鮮肉湯洗之。
接骨散

鵬砂五分

水粉

當歸錢各一

為末。先將跌損碎骨整頓後。以蘇木湯調此。作二次服之。

又方

巴豆去油淨

半夏一個

淮安土鱉一個

共搗為小丸。生酒送下。重者全服。輕者半服。

又方

土鱉一個

雄黃

硃砂各一

乳香

沒藥各六釐

麝香三釐

共研細末。小磁罐盛。勿泄氣。凡遇跌打垂死者。但能入藥。即甦。自五釐起至一分五釐止。量人大小。酒調服之。不能服者。灌之。善酒者。服藥後。照量與醉。厚被覆之。睡醒則腫消痛止矣。人小不可多服。凡用土鱉。不拘多少。將好燒酒浸死晒乾。

又方

土 鼈性暖存

半 夏炒

歸 尾

乳 香

沒 藥俱去

巴 霜淨另研

血 竭

白 礬 砂

燒酒為丸。每重一分。用酒磨服。盡醉出汗為度。

葉西友曰。接骨。藤去葉。并粗硬者搗爛。和生酒糟炒熟敷上。痛即止。斷即續。如只面目跌撲青腫者。半夏磨汁塗之立消。

勝金丹 治肌膚傷損青腫。

黃 茄極大者一枚切如指厚片新瓦上焙乾為末臨臥酒調服二錢一夜消盡無痕

程涵遠曰。跌時瘀血在內煩悶者。以熱酒調服蒲黃末二錢立安。

本事內消散

生 地研如

木 香為細末

以地黃隨腫大小攤紙上。加木香末一層。復上地黃一層貼之。三五度即愈。

乳香定痛散 治傷損及一切瘡瘍潰爛疼痛皆效。

乳 香

沒 藥各五錢

滑 石 一 兩

冰 片 一 錢

共為末傅之。

班蝥奪命丹 治瘋狗咬。

班蝥

紅娘子各七個去翅足頭

糯米三合。先炒黃色。入二味同炒透。去米研為細末。加滑石二錢。以好酒空心送下。二三日服有血行。五六日服有魚凍行。七日不治。如服過痛不止。再服之。仍痛不止。服萊豆粉清之。忌食油鹽。

又方

班蝥七個去足

杏仁九粒

大黃五錢

白芷三分

甘草三分

為末。先用葱白湯洗淨瘡口。再用蜜和藥傅之。

玉珍散 治同前。

南星

防風等分為末

郝克裕曰。犬傷後。忽遇風寒頭痛。角弓反張者。溫酒調下。若牙關緊急。童便調下。二藥似覺無奇。然垂死皆能取效。

六謙曰。有蛇蠍蜈蚣咬者。貝母末酒調服。或蒜片灸痛處極佳。有蜘蛛咬者。羊乳飲之。有螻蛄咬者。石灰調醋塗之。有蜥蜴咬者。青麻心搗汁塗之。有蚯蚓呵者。陰囊腫脹。甚者鬚眉脫落。如大麻瘋。入夜則偏身聞蚯蚓之聲。只濃煎鹽湯浸洗即愈。有蟻螫者。雄黃一錢。麝香五分。麻油調傅。有蜂螫者。生芋梗調塗。

王叔夏曰。瘋犬毒蛇咬者。人糞塗之妙。狗咬時。急令人尋頂中黃髮一根拔去。將熱牛糞塗患處亦佳。若一時難得。即將牛牽至高坡。令上下三四十次。必然遺矣。

汪耀東曰。蜈蚣咬者。桑樹汁塗。或獨蒜擦之。或草紙烟熏之俱妙。又有人相鬪時。口咬指頭欲斷。用櫟漆樹葉生搗去筋。加津唾潤透搽上。軟絹包護自瘥。程師恪曰。白礬成塊者。端午晒一日為末。水調塗。各種蟲咬極效。

絳袍散 治刀傷。

五倍子

真降香

各二錢為末
敷上即完

冰黃散 治小兒赤瘤。刺去瘤頭赤暈。惡血毒汁。

上硝五錢 大黃一錢

為末。新汲井水調塗。

豆豉餅 治瘡瘍腫痛。或硬而不潰。或潰而不斂。及一切頑瘡毒癰。

江西豆豉餅為末津唾調成餅厚如三四錢置患處以艾鋪上灸之未成者即消已成者能逐去餘毒

神效當歸膏

生地 當歸 黃蠟各一兩 麻油六兩

將歸地入油內煎好去渣。下蠟溶化。候溫攪勻。

鐵箍散

芙蓉葉 大黃 黃柏 白芷

五倍子

一切腫毒惡瘡。以此調搽四圍。則毒易攻潰。

猪蹄湯 去瘀肉潤瘡口。

白芷 黃芩 當歸 赤芍

羌活 甘草 露蜂房各五錢

猪蹄一隻。煮熟去油渣。入前藥煎數沸。去渣溫洗。隨用膏藥貼之。或敷他藥。敷腫毒方

乾蟾瓦炙一枚新

陳人中白

陳米粉錢各五

五倍子四錢

乳香

沒藥錢各三

俱用新瓦炙透爲末。蜜調傅之。

內消散 治諸般腫毒發背。對口惡瘡俱效。

飛羅麵炒存性

牙皂煨

沒藥

硃砂

雄黃

百草霜

巴豆去油

兒茶錢各一

巴豆殼煨七分

爲末。置舌上。冷水服之。瀉二三次。五歲後用三分。幼者止一分。

犀角丸 治癰腫。腸癰。乳癰。發背。一切惡瘡腫毒。服之消化爲水。

犀角屑二錢

黃芩

防風

人參

梔子炒

當歸

黃耆

黃連

乾藍

蓼實

甘草各四分

升麻

大黃各五

巴霜二

搗篩蜜和。更搗三千杵。丸如梧子大。空心米飲下三丸至五丸。以利爲度。不利投以熱飲。如利以冷漿水。冷粥止之。未瘥再服。以意量之。大約下至黃水或腫輕皮皺。卽是消候。

軟癰方

草薢子

松

香

各二兩同搗成膏貼患處

汪湘芷曰。銅綠研細。入柏油熬化。布片作膏貼之亦妙。
吳一如曰。小兒夏秋間。每多熱癰。以土辣菜莢爲末。香油調傅。極佳。

蟾酥丸

蟾酥酒化

雄

黃

各二錢

硃

砂三錢

蝸

牛

二十個

枯礬

銅

綠

乳

香

沒

藥

寒水石煨透

膽

礬

麝

香

各一錢

輕

粉

五分

各爲末。先將蝸牛研爛。入蟾酥同研稠粘。方入各藥。同研極勻。丸如菉豆大。每服三丸。用葱白五寸口內嚼爛。吐於手心。男左女右。捺褊裹藥在內。以無灰酒

一鍾送下。厚被覆之。如人行五六里許。汗出則病退。甚者更進一服。自無不瘥。程潛庵曰。此方治疔瘡發背。腦疽。乳癰。附骨。臀腿等一切惡症。麻木不痛。或嘔吐昏憤者。服此則不痛者轉痛。痛甚者即止。昏憤者即醒。嘔吐者自解。未成者即消。已成者即潰。有回生起死之功。爲外科祕寶。合時須五月五日中午。在淨室中。不令婦人雞犬聞見更佳。鄭依翹曰。敷癰疽惡瘡法。於清明日取蝌蚪。用大毛竹筒兩頭留節。節上開一小孔。裝蝌蚪入內。更下硃砂一兩五錢。雄黃五錢。麝香五分。外以桐油灰封極蜜。浸廁中三七日。開取汁。并砂黃麝研細。入磁罐收貯。用時將新筆塗之。

生肌散

乳香

沒藥

龍骨

黃丹

全蠍

海螵蛸各三錢

赤石脂四錢

輕粉一錢五分

玉蟾生肌散

瘡毒已去。肉敗未能生新。慘前藥瘡口如故。用此方速效如神。

癩

蟾

一枚。用輕粉三錢。裝入腹內。線縫其口。紮縛成團。以棗肉搗爛。包蟾。在內裏。以熟黃泥包固。炭火燒一晝夜。去泥。棗爲細末。每一錢。加乳香。沒藥。黃丹。海螵蛸。雄雞肺皮。各三分。研極細。將瘡口洗淨。敷之。

香沒藥黃丹海螵蛸雄雞肺皮各三分研極細將瘡口洗淨敷之

潘汝咸曰。冬瓜葉烘乾。研細末。搽多年瘡口不乾立效。又法。五倍子一枚。挖一小孔。入兒茶塞滿。封紙數層。加濕麵包固。火內煨透。去紙麵。加冰片少許。研細搽之亦效。

漏蘆湯 治一切惡瘡毒腫。丹瘤瘰癧。丁腫魚睛。五發瘰疽。初覺一二日。便如傷寒。頭痛煩渴。拘急惡寒。肢體疼痛。四肢沉重。恍惚悶亂。坐臥不寧。皮膚壯熱。大便閉澀。小便赤黃。并宜服之。惟婦人懷孕不可。

漏蘆

白藪

黃芩

升麻

赤芍

朴硝

甘草炙

麻黃去節

枳實

熬炒各一兩

大黃二兩

為末。水煎空心熱服。小兒每次一錢。大人三錢。

偷刀散 治便毒未成者內消。已成者膿從大便下。

大黃

白芷

各二錢

穿山甲一錢

為末。作二次空心酒送下。

太乙膏

生地

元參

白芷

當歸

赤芍

肉桂

大黃

黃丹

飛淨十二兩入油侵

麻油二觔。將七藥同浸。春夏一日。秋冬二日。文武火熬。槐柳條攪至油粘手。渣枯黑。住火候冷。以棕皮濾去渣。復熬至油滴水成珠。取起。再下黃丹。不住手攪。成膏。入丸器收貯。用時先將瘡腫溫水洗淨。軟綿拭乾。絹片攤貼。又可捏成丸子。治各病。照引服之。

氣血不通。溫酒下。

風赤火眼。梔子湯下。外貼太陽穴。

咳嗽喉閉。喉風。用新綿包放口中。嚙化服之。

跌打損傷。陳皮湯服。外貼患處。

腰膝痛。淡鹽湯下。外貼患處。

吐血。用蛤粉爲衣。桑皮湯下。

瘰癧。賺瘡。溫酒下。外以鹽湯洗過貼。

膿疥諸瘡。用麻油煎滾。取少許鎔化。和膏塗之。

虎犬蛇蠍湯火刀傷酒下。外貼。

楊梅瘡毒潰爛者。貼之極效。

大人發背。及遠年流注。冷水下。

女人赤白帶。當歸酒下。經水不通。甘草湯下。

神效千槌膏 小兒一切無名腫毒。貼上止痛內消。加麝香少許貼臍上。立止泄瀉。

松 香一觔 抽拔至白色 瑩亮待乾 研末

杏 仁皮尖去

草麻子去殼

大楓子去殼 各半

木鼈子去殼

蛇床子

穿山甲剉碎

樟 腦另研

膽南星

白 芷

面 粉

半 夏各二

川 烏

甘草節

草 烏各一

五倍子

鬧楊花

紅芽大戟

金線重樓

乳 香

沒 藥二味 另研

孩兒茶

血 竭

輕 粉

雄 黃各五錢

龍 骨

青竹蛇

山慈姑

甘 遂各四錢

白花蛇條小半

殭蠶

麝香另研各一錢二分蜈蚣六條

癩蝦蟆半個

全蠍

阿魏 莪朮

三稜各二錢五分

葱汁、薑汁、柏油、桐油等分製淨。將各藥研細篩過。入油汁拌勻。放白內杵三千下。令稠潤成膏。如乾漸加油汁。攤布貼之。不可見火。如日久放乾。以溫水煨開攤上。略烘柔軟貼之。

療癰丸方

夏枯草半觔

元參

青鹽煨各五兩

生地酒洗

海藻

海粉

花粉

貝母

白藪

川大黃酒蒸

薄荷

連翹

桔梗

當歸酒洗

枳殼麸炒

焰硝

甘草各一兩

酒釀跌丸。菴豆大。食後臨臥白湯服百餘丸。服後低枕臥一時。未潰者內消。已潰者易愈。外貼太乙膏收口。

又煎方

當歸

黃耆

連翹各八分

貝母

金銀花

苡仁

花粉各一錢

陳皮

白芷

海藻各七分

桔梗六分

甘草節三分

氣實者加青皮四分。氣虛者加人參五分。女子加製香附七分。

汪有章曰。服此方三日後。服羊角散一劑。極佳。其法用羊角數對。威靈仙四兩。

放罐內煮一日。待角軟。取出切片。新瓦上炒至油烟起爲度。研細。加木香一錢。

白芥子二錢。蜜丸如碎芥子大。每服一錢。檳榔湯下。或夏枯草湯亦可。服後七

日。大便下黑羊矢。小便下黑水。則病去。未下再服之。切忌生冷煎炙食物。

許彥修曰。草麻子四十九粒。去淨殼油。用綿紙裹。作撚子七條。以雞子七枚。打

開小孔。插入。將紙封固。放飯上蒸熟。去撚。每日空心食一枚。食盡則瘡綻膿出

而愈。不必外貼膏藥。

潛庵曰。初起痰核。用南星搗爛。滴醋調敷。即愈。若將成癰。瘰癧。用江西淡豆豉每

歲一粒。酒浸漲。加麝少許爲丸。臨臥酒送下。亦瘥。若成膿日久。用夏枯草六兩。

煎濃湯服。或煎膏服。或更以膏塗患處。內服十全大補湯。或服前煎方。加遠志尤善。夏枯草為瘰癧聖藥。有便貧民。不可不廣為流布。

金瘡膏藥

生豬油四兩

芸香

樟腦各二兩

白芨兩一

兒茶

輕粉

乳香

沒藥各一錢

各另為細末。將油熬化。放入白芨、芸香。次入樟腦。取起候冷。再入乳、沒、兒茶。冷極方下輕粉成膏。凡遇創時。血流未止。即便敷上。紮定。微疼片時即愈。潛庵曰。此方治跌撲刀剪所傷神效。賺瘡、濕瘡破者。亦無不妙應。惟不能久留。須用現合。

王介庭曰。金瘡血出不止。用原蠶蛾炒熟為末敷之。或半夏亦可。

張方臣曰。降香節四兩。五倍子四兩。真山漆五錢。為末敷之。或松香、頭髮灰、櫟漆花等分傳之亦效。

程位三曰。鮮蟹殼放屋上。露一宿。焙乾為末。酒服一二錢。醉飲熟睡即瘥。端午日取韭菜與風化石灰搗成餅。貼壁上陰乾為末。傳之亦效。

夏桓又曰。風化石灰。血見愁。馬齒莧。旱蓮草。韭菜子。端午日搗成餅。陰乾爲末。能接斷指。

楊淇益曰。芙蓉葉陰乾。去筋揉細。敷患處。斷指卽續。刀口卽封。

天蛇頭方

雄黃五分 面粉一分 麝香三釐

酒調敷。

程未能曰。鮮田雞皮剝下。包裹一晝夜卽瘥。如冬月從桑樹下覓之可得。

吳楚源曰。有橫弦者。取二三寸鮮鯽一尾。不用洗切。同鮮山藥一段。搗如泥敷。

方耘夫曰。有鱗瘻頭者。茅根炙脆爲末。香油調敷妙。又法。黃泥二分。鹽一分。搥

成餅。煨爲末。香油調敷亦妙。

汪懷牧曰。有蛇咬指頭者。髮繫患處。清茶洗之。以白芷四錢。鴨綠膽礬一錢。爲

末。糝上自愈。

血風瘡方

大楓子肉三錢

蛇床子五錢

硫黃五錢

雄黃

輕粉各三

寒水石

樟腦各四

臘猪油調搽。治癬亦妙。

肺風瘡方

白芷

防風

荊芥

輕粉

白附子各一

雄黃

白藜

細辛

甘松

山奈

樟腦

白蒺藜各五

兒茶三錢

牙皂六錢

同官肥皂搥極細。每辰擦洗。有雀斑加鷹糞一兩。淘去沙。鼻準紅。加大楓子肉。另研金星鳳尾草各五錢。

疥瘡方

礬砂

礬砂

皂礬綠色明

食鹽等分

搗成粗末。鐵杓內炒化。為水攪乾。炒至柳綠色為度。研細入瓶封固。用時將銀簪挑見生血。蘸藥點入。以麵糊攤小膏護貼之。吳蘭持曰。毒盛者。挑至骨亦無生血。二三日即死。治之無功。然挑後以父母兄

弟子姪至親人刺血少許。滴入點上件藥。亦有得生者。

汪虞升曰。菊花或葉搗汁。沖酒服。卽以渣加鹽少許。敷牛毒、疔瘡、水疔瘡。最效。

疳瘡方

乳香

沒藥

兒茶

血竭

龍骨煨

象牙

海螵蛸各五分

冰片一分

麝香五釐

爲末。米泔水洗過。擦之。外服龍膽瀉肝湯一二劑。

又方

寒水石錢三

輕粉一錢

硃砂六分

片腦分半

煎地骨皮湯熏洗陰乾。以此藥爲末。糝上。

又方

面粉

輕粉各三錢

研末。和銀硃五釐。復研如麵。臨用每一錢加冰片二分。復研。以猪油調傅之。日二次。

方穉子曰。黃蠟。輕粉各一錢五分。香油五錢。熬膏傅之亦妙。二法須先以泔水煨溫洗淨。

龍膽瀉肝湯

人參

麥冬

黃芩

黃連

炒梔

甘草

柴胡

知母

天冬

五味子

湯泡瘡方

大黃

白蘗

劉寄奴

等分爲末。先用香油擦患處。然後敷之。七日全愈。鄭芳貽曰。石膏爲細末。生桐油調膏敷上。熱平痛止。不損肌膚。甚妙。又大黃爲末。雞子清調傅亦佳。

馬子房曰。貓天靈蓋燒灰存性。研細。香油調搽。痛止瘡滅。未出毛小鼠香油內浸透。將油擦之。或鮮蚌蜆帶肉燒灰爲末。香油傅之亦好。

臙瘡方

水粉

水

銀各二錢五分

大楓子肉

去油五分

盧甘石七分

輕粉六分

冰片二分

草薢子

去殼稍蒸三分半

爲末。研死水銀。燭油調膏。油紙攤貼。先以甘草或茶煎洗。

又方

蚯蚓糞煨

白錫灰煉

枯礬

爲末。生桐油調油紙貼。

克裕曰。此方治血風瘡亦效。

又方

無名異一兩

輕粉四錢

爲末。桐油調好。將油紙縫袋裝之。用時先以川椒槐條煎水洗淨貼上。三日一換。

又方

定粉一錢

珍珠

輕粉各五分

冰片一分

黃蠟鎔爲隔紙膏

又方

杏仁炒黑

松

香泥同研如傅之

涵遠曰。治黃水瘡亦效。

程振庵曰。桐油煎豆腐貼。能止痛。生芝蔴搗爛貼。能長肉收口。

疥瘡一掃光方

水銀五錢

乳香

沒藥

硫黃

樟腦

花椒各五錢

蛇床子炒二錢

大楓子淨肉五錢

燭油調傅。

又方

硫黃

雄黃

花椒

大楓子肉各一錢

蛇床子

苦參

蕪荑

枯礬各二錢

樟腦

輕粉各四分

醋調布包擦患處。

汪遠期曰。此方治頭瘡、漆瘡、火丹。及婦人陰蝕瘡、無名腫毒。皆效。

又方

枯礬五錢

硫黃

檳榔各二錢

水銀一錢

葱椒煎水洗。桐油調敷。

又方

大楓子肉

全蠍

白芷

枯白礬

水銀

樟腦

輕粉

又方

木鼈子

蛇床子

大楓子

輕粉

雄黃

水銀

花椒

油核桃同研。柏油調敷。

葭陸曰。渾身瘡疥。經年不瘥。以槐樹頭煎濃湯洗浴。松香一味。研細傅之。極佳。

膿窠瘡方

防風五錢

苦參

大楓子肉各三錢五分

真香油二酒杯。鷄子黃二枚和勻。將藥入油內。微火熬枯。如敗絮樣。用絹濾去。

渣。再以樟腦一錢五分。檳榔、雄黃各五分。川椒三分。同爲末。入油和勻。另用防風、荊芥、苦參、蒼朮、葱椒煎水洗。傅。
吳鏡秋曰。豆腐一塊。中挖小穴。納入硫黃。水煮以腐色黃透爲度。外用雄檳榔一枚。同爲末。點之。立愈。
汪嶠林曰。紅棗去核。葱白去鬚葉。搗爛煎湯。乘熱熏之。少冷卽洗。洗久卽不痛。痛止則搯去皮。洗去膿。一日卽結蓋而愈。未愈以硫黃、檳榔末點之。

肥瘡黃水瘡方

苦參一兩

黃柏

黃丹各五錢

枯礬四錢

花椒三錢

爲末。瘡濕則乾敷。瘡乾則麻油調傅。

坐板瘡方

蘿蔔子種三錢

輕粉一錢

冰片半分

杏仁四十粒

爲末。擦瘡口上。一日卽愈。

癬瘡方

硫黃

明礬

川花椒

等分礬細。用牛舌草根搗爛和勻。麻布包成團子。先以穿山甲刮破瘡皮。徐以藥團磨擦。日三五次。

又方

生半夏

膽礬

等分礬細。生薑蘸而擦之。輕者即愈。重者必用前方。
吳彤有曰。渾身風癬者。皂角煎湯。日洗三四次。半月全愈。

耳凍瘡方

白 藪 一兩

黃 柏 五錢

凍瘡方

黃犬糞露天久者。腰成白色。煨用。

陳石灰

等分爲末。麻油調敷。

陳遠公曰。凍未成瘡。荆芥湯洗之妙。已成瘡。鮮山藥搗汁塗之。或鮮橘皮烘熱熨之亦妙。

頭上肥瘡方

黃丹

黃柏

松香各五錢

猪油四兩。同搗爛。紙裹成條。點燒滴取熱油。擦瘡上即愈。如痒甚以飛礬少許
糝之。

張特英曰。此方治膿窠亦妙。

又方

猪骨髓一兩

輕粉二錢

又方

雄黃末

水銀

雄猪油各二錢

先將油一半。入雄黃研爲膏。入水銀又研。次將油一半。在磁瓢內煎滾。傾入同
研。令水銀死。以湯洗去瘡殼。於赤肉上薄薄搽之。次日如湯泡樣。又次日即結
痂而愈。痂落皮赤。生薑擦之。則髮易生。

特英曰。頭癬終年不愈。敷此極佳。

振庵曰。有癩瘰者。刮碎洗淨。用木棗口中嚼碎敷上。青布包之。二日後揭換。三

次即愈。

室女陰戶外瘡方

黃柏

兒茶

白薇炒

鉛粉炒

蚯蚓炒

乳香

樟腦各三錢

輕粉

冰片各五分

麝香三分

爲末醋調敷。

又煎方

當歸

白芍

茯苓

炒梔

柴胡

棟樹根

有痒痛者服此一二劑。

有痰加白芥子。

有火加黃芩。

有寒加肉桂。

陰戶內蟲方

當歸

白芍

炒梔

甘草

澤瀉

茯苓

白朮

陳皮

水煎溫服。外用鷄肝一副。多刺小眼。塞戶中。使蟲爬入。三次全瘳。

足指內瘡方

黃丹一兩

枯礬四錢

細辛三錢

白芷二錢

藁本五錢

為末。上。

濕瘡方

輕粉

韶粉各二錢

百草霜

乳香

沒藥各五錢

桐油調作隔紙膏貼。

足縫爛濕方

陳石灰

赤石脂

面粉

輕粉各二錢

冰片一分

爲末糝上。

通利濕氣丸方

沉香

木香

丁香

香各另研二錢

巴霜

陳皮洗

青皮醋炒

莪朮炒

烏梅肉焙乾

黃連

檳榔各五錢

將巴霜醋浸一時煮乾。皮紙重碾去油。和各藥研細。米糊丸。黍米大。每用溫白

湯下三五丸。

濕氣神應膏

半夏

川椒

枳殼

頭垢

男子髮各一兩

穿山甲二兩

槐條一段

麻油入觔共七藥熬汁去渣下

黃丹四觔成膏再入

甘松末

黃柏末

天麻子泥各一兩

蘇合香油二兩冷定入

乳香

沒藥

血竭

兒茶各二兩

麝香八錢

未能曰。惟陰卑濕。民多粗腿。偶得一法。治之甚效。用空心柳樹中屑。取出篩細。

入鍋內炒熱。以臭泔水灑濕又炒。加麵少許拌勻。趁熱取起敷腿上。候水出再炒數次自愈。

大痲瘋方

大楓子一觔去殼蒼朮手捻如麵糊爲度除去蒼朮茶葉將楓子肉上又煮屢煮
乾薑防風 荊芥 川杜仲鹽水炒去

小胡麻即益母草子去灰土 苦參 白蒺藜炒過搗去刺

炒梔 連翹去心炒 川黃連 川牛膝錢各五

真川芎五錢

爲末。老米糊丸。菴豆大。初服早、中、晚三次。陳茶送下二錢。一月後早、晚服二次。其消候從上至下爲順。未愈再服一二料。

血脈不通。加當歸、生地、枳殼各二兩。

遍身爛瘡。加蒼朮、桑皮各二兩。

遍身黃癬。加黃柏、川羌活各二兩。

遍身肉痛。加乳香、沒藥各六錢。

遍身紅塊。加蘇木、紅花各一兩。

遍身白塊。加白朮一兩。當歸身二兩。

口眼歪斜。加犀角二兩。硃砂六錢。炒梔子四兩。

眼中淚甚。加梔子三兩。川連五兩。京子二兩五錢。

眼中脹痛。加羚羊角、木賊草各一兩。甘菊花三兩。

鼻中出血。加連翹五兩。黃柏二兩。川黃連五錢。

皮膚破裂。加黃柏五兩。牛膝四兩。外做隔紙膏貼之。

脚腫過甚。加川木瓜、防風各三兩。牛膝五兩。歸尾二兩。

手足攣蹇。加歲靈仙五兩。續斷二兩。破故紙一兩。

面部黑滯。加歸尾、白附子童便各二兩。

面部紅紫。加白芷三兩。桃仁二兩。

面無血色。加白朮三兩。當歸身、乾地黃各二兩。

又煎方 治四肢筋骨疼痛。

當歸

地黃

茯苓

黃芩

川芎

柴胡

獨活

苡仁

白芍

桔梗

生薑

葱白

手攣足蹠。加風梢蛇三分。琥珀一分。麝香。冰片各半分。爲末冲服。
聲啞。加黃連、黃柏、黃耆、燈心、菊花根、龍膽草。
面上起灰白癩瘡。用輕粉、冰片、芝麻炒焦敷之。如不退。加血竭、兒茶。
牙露唇弔。眼歪面笑。加犀角、羚羊角各五錢。蔓荊子二兩。於丸方內煎劑中亦
減少用之。

葉錫侯曰。以上諸瘡外。有曰漏者。煉熟松脂末。并髮灰、黃丹填傅之。有曰瘰
者。卒得赤爛疼痛。牛糞燒灰。研傅之。有曰魚臍者。瘡頭黑深。破之黃水出。四
畔浮漿。蛇蛻燒灰。存性細研。鷄子清調傅之。有曰蠼螋者。燕窠土研細。猪脂
調傅之。有曰白禿者。鮮鯽一尾。重三四兩者。去腸肚。以亂髮填滿。濕紙裹燒
存性。入雄黃少許。麻油調傅之。有曰鍊銀者。眉叢中生。以穿山甲前膊鱗炙
焦爲末。少入輕粉。麻油調傅之。有曰天泡者。蚯蚓糞爲末。香油調傅。或蛇含
草搗傅亦佳。有曰漆者。生蟹黃搽患處。或杉木劈片煎水洗之。

程退夫曰。諸瘡有瘡口翻花者。藜蘆爲末。猪脂調傅突處。又有瘡内生蛆者。皂礬煨爲末。糝之。

鶴膝風

陳石灰

芙蓉葉

生薑

菖蒲

爲末杵成塊。分作藥膏貼患處。三次即愈。

又方

苧麻根三兩搗爛

建猪腦子二個

乳香

沒藥各二錢

和勻敷之。

江甯思曰。有膝痛研子骨痛者。腫者。以真蘄艾半斤。煎水熏洗數次自瘥。

綉球風

蘄艾

川椒

吳萸

明礬

食鹽

煎湯熏洗。

又方

五倍子微火煨研 兒茶研

等分爲末。有水者乾糝。無水燥痒者。醋調塗之。

鮑殿一曰。有鵝掌風者。鵝卵石一塊。燒紅放烘爐灰火中。以皂角爲粗末。燒烟熏之。或桐油擦患處。柏枝葉燒烟熏之。或蜜陀僧爲末。生桐子肉搗如泥。和成膏敷之。燈火上熏極痒。布包過夜去之。

又曰。有破傷風者。班鳩血下酒立愈。出血不止。當歸末傅之。又丹溪法。治破傷風血凝心。及針入肉游走者。寒水石爲末塗之。其痛立止。針入肉不出者。白梅水研爛。調象牙末出之。或臘螻蛄搥爛塗出之。魚刺入肉。吳茱萸嚼爛塗出之。竹刺入肉。牛膝或生栗嚼爛塗出之。

又曰。有諸骨鯁喉間。犬涎可下。或鳳仙子搗碎爲末。水調服之。若穀芒鯁者。鵝涎下之。

又曰。小兒失脚落水。或誤服金屑末。而忽然死去者。活鷄血灌之可甦。

木通散 荊芥穗湯以上見卷一

吹喉散 玉鎖匙 細辛散 烏魚散 青液散 口糜散 龍骨散 安臍散

星附膏以上見卷二

荆防敗毒散 白芷升麻湯 大連翹飲 立馬回疔丹 加減鼠粘子湯 玉

紅膏 生肌散 金華散 拔毒膏 吹口丹 三仙散 麝香散以上見卷六

防風通聖散 加減通聖散 內托散 消毒湯 兒茶散 獨棗丹 神黃散

碧雪 外消散 破傷風膏 三解散以上見卷七

慈幼新書

明 江夏 程雲鵬鳳雛輯

鄧縣 曹赤電炳章校

卷十二

痘家應用藥性附錄

發明於各卷方論者。一語不載。君主於各症專方者。一味不收。讀全書自易通曉。

升麻味苦甘氣厚浮而升陽也

陽明經藥。陽明主肌肉。欲痘之出。必使肌肉疏通。送毒出盡。方免於患。故一發宜用。每用五分至一二錢。直至熱退毒盡方止。不可拘泥俗說。惟汗多者減之。恐表虛也。七日後。瀉不止者。亦炒黑用之。解百毒。殺精鬼。辟疫瘴。止喉疼。兼治頭痛、齒痛、鼻衄、口瘡。

葛根味甘平性輕而浮陽也

陽明經藥。能解肌熱。止煩渴。開提胃氣。與升麻同功。惟忌虛症初出。有汗不可再用。二朝無汗。亦可少用。

止嘔吐。頭痛。散血痢。鬱火。

前胡味苦氣微寒

解內外蓄熱。去痰涎。凡七日內。有熱者。加用不可缺。

主心腹結氣。治時氣發熱。風寒咳嗽。喘滿。

柴胡味苦氣平微寒氣味俱輕陽也

引清氣。行陽道。

主傷寒瘧疾。寒熱往來。嘔吐脇痛。口苦耳聾。目赤頭痛。痰實結胸。五疳羸熱。

紫蘇味辛甘氣溫

解肌發表。人虛少毒者宜之。古方以參蘇飲。治虛痘發熱是也。痘出即止。

治心腹脹滿。開胃下食。

麻黃味苦甘氣溫氣味俱薄陽也

發散風寒。泄衛實。去榮中寒。善走皮毛。通孔竅。凡毒盛喘滿。身熱燎人。欲出不出者。宜暫用一二錢。有壞症。七八日無漿。可用四五錢。加附子一二片。黃柏四五分。酒煎與服。令出臭汗。變爛痘得生。欲行此法。必其人能食神清。天庭上有生意方可。否則不宜。取陳久者去根節。酒蜜各半浸透。晒乾微炒。

羌活

味苦氣溫
味俱薄陽也

獨活

味苦辛甘氣溫
氣味俱輕陽也

主周身骨節散寒邪。驅熱毒。腰痛頭痛。壯熱憎寒。宜用不可缺。見點後去之。

羌活氣雄。其用廣。獨活氣細。故專為足少陰引經。

防風

味甘辛氣溫
溫陽也

瀉肺實。散頭目滯氣。除上焦風邪。解痘後餘症。每用三四分。多則損人元氣。出不勻者加之。灌膿時亦可佐黃耆同用。手足瘡不起。與白芍桂枝同用。瘡太濕亦用之。為風能勝濕也。

荊芥

味辛苦
氣溫

辟邪氣。利咽喉。清上焦火邪。止血熱作痒。痘出不透快者用之。灌膿時不宜。每

三五分。多亦傷氣。

散初發腫毒。破瘡瘍結聚。

白芷

味辛氣溫。輕陽也。

治身熱頭痛。善行漿。予治痘常用行漿藥。又能止痒。漿足去之。痘後癰毒亦宜。

排膿止痛。內托生肌。諸瘡聖藥。又目痒目淚。面癢鼻塞。眉痛齒痛。一切皆良。

桔梗

味苦辛。氣微溫。厚氣。輕陽中之陰。

開提氣道。善理咽喉。始終宜用。惟嘔吐氣逆者缺之。

清肺熱。治癰痿。通腸結。祛鼻塞。

甘草

味甘。氣平。生寒。熱溫。陽也。

生能解毒。炙可補氣。自始至終皆宜。惟腹脹者減去。為甘能緩中也。

稍止莖中作痛。節醫腫毒諸瘡。

連翹

味苦。氣平。微寒。輕陽也。

解毒聖藥。前後皆宜。惟氣虛無毒者不可用。每七分或一二錢。

除心經客熱。降脾胃濕熱。主諸癰毒惡瘡。

大力子味辛苦
氣平

善解毒理咽喉。故毒盛煩密。與痘後餘毒。皆宜用。

主喉閉風痰。頭面浮腫。

蟬蛻味酸甘
氣寒

能發痘毒。但不宜多。多則虛抬空殼。不能灌漿。慎之。用在見點二三日。上。一二分止。

留翅足。治痘出不快。或倒陷。去翅足研碎。治目中翳。并小兒驚癇。夜啼。

僵蠶味辛鹹
氣寒

治痘作痒。亦解毒。許暫用。

主驚風痰壅。昏悶失音。四肢抽掣。消瘰癧。拔疔毒。滅疤痕。

穿山甲味苦氣
微寒

善追毒排膿。引諸藥入臟腑。透肌骨。凡痘頂陷不起。用數分於補劑中。餘毒亦可。

紫草味苦
氣寒

涼血活血。去血分之毒。凡痘色乾紅。或焦紫發癍。皆宜用。但色轉即止。不可過。用此必加糯米。亦能發痘。

沈旬仲曰。用此者涼心開竅。使痘發越而易起也。不可過者。恐大便利而真氣洩也。

紅花、茜草。功與此同。紅花尤能行滯。有去瘀生新之妙。

生地味苦氣寒
陰中之陽

涼血聖藥。凡痘色紅甚焦紫。或發癍。吐血衄血。皆可用。無則去之。

涼心火之血熱。瀉脾土之濕熱。止鼻中之衄熱。除五心之煩熱。

犀角味苦酸
鹹氣寒

與生地同功。須用酒磨。每五六分止。多則能損血耗陰。小兒血虛者禁用。

羚羊角味鹹
氣寒

獨入肝經。理熱毒而散瘀結。實症可用。然其性寒峻。能伐肝木生生之氣。先天虛弱者。切宜缺之。勿為俗醫所惑。

丹皮味辛苦氣寒
陰中微陽

瀉血分中熱。止吐衄。痘色紅艷者宜加。紅而不艷者止服。

瀉陰火。主無汗骨蒸。

地骨皮味苦氣寒陰也

瀉氣分中熱。凡見點後。身熱不退。加一二錢於解毒藥中。熱清即止。

解肌熱。主有汗骨蒸。

木通味辛甘氣平味薄陽也

滑石性味甘氣寒性沉重

車前子味甘鹹氣寒

地膚子味苦氣寒

皆能利小便。去膀胱中熱。凡痘熱甚紅紫。舌有黃胎者。并用木通每四五分。車

地每六七分。滑石每二三錢。總六日前用。

木通利九竅。血脈關節。出音聲。療耳聾。通鼻塞。散癰腫。結滯不消。殺三蟲。除淋

閉。

滑石燥濕行滯。化食毒。逐凝血。

車前子利小便而不走氣。療肝中風熱。冲目赤痛。

地膚子主用多在皮膚。作浴湯甚妙。

大腹皮味辛氣微溫

利小便。解熱毒。下一切氣。凡腹脹浮腫。非此不除。惟虛人忌用。

石膏性寒味甘辛

胃經本藥。凡火邪盛而脣腫者。宜用一二錢。若腫至黃硬。宜多用之。即一二兩不妨。腫消即止。過則傷胃作瀉。

枳殼味苦酸辛氣微寒味薄氣厚浮而升微降陰中陽也

破胸中痞塞。散腹中結氣。凡見點四五日。不大便者。用三四分。加當歸以潤之。瀉肺氣。走大腸。與枳實同。但枳實性速。治血分。枳殼性緩。治氣分。

青皮味苦辛氣微寒氣味俱厚沉而降陰也

散積氣。消宿食。凡發熱腹痛者用之。

陳皮味苦辛氣溫味厚氣薄可升可降陽中之陰也

理滯氣。健脾胃。自起脹至結痂。皆可用。

元參味苦鹹
氣微寒

山豆根味苦甘
氣寒

專治喉痛。

元參治空中氤氲無根之火。獨入少陰。管領諸氣。使上下肅清。散頸下痰核癰

腫。逐腸內血結癥瘕。

砂仁味辛苦
氣溫

藿香味甘辛
氣厚浮而升陽也

善理脾胃虛寒。止嘔吐氣逆。胸中煩悶。不思飲食者。尤宜之。

麥冬味甘微苦
氣平微寒陽中微陰

五味子味酸氣溫
氣輕陰中微陽

治氣虛煩渴而咳嗽。或血隨火泛而妄行。二者並能相濟。

五味子治氣虛煩渴而咳嗽。或血隨火泛而妄行。二者並能相濟。

黃芩味苦氣平寒
味薄氣厚可升可降陽中陰也

黃連味苦氣寒
味厚氣薄陰中陽也

梔子味苦氣寒味厚氣薄氣浮而味降陽中陰也

黃柏味苦微辛氣寒氣味俱厚沉而降陰也

主治固有不同。其瀉火解毒。則一而已。舌胎黃者。芩、連、白者。梔、柏。在六七日。前用。皆一錢上下。又表熱甚者。片芩可用。芩屬太陰。走表故也。

芩、瀉肺與大腸。能消痰、退熱、除痢。

連、瀉心與脾。能解鬱、定驚、除滿。

柏、瀉腎火。能滋陰水、而除燥濕。

梔、屈曲下行。能除五內煩實。眠臥不寧。

胡黃連能殺疳蟲。治骨蒸。

朴硝味苦辛鹹氣薄味厚沉而降陰也

治天行疫熱。消腫軟堅。

元明粉朴硝煨煉所成氣味稍輕

下藥也。熱甚胎黃者。用此通之。餘不可。

大黃味苦氣大寒氣味俱厚沉而降陰也

蕩滌腸胃實熱。號稱將軍。若不善用。必致殺人。凡見熱症而用芩連等劑。火不退。須以此大下之。用此必以舌胎為主。胎果老黃。自一錢至三五錢。皆可用。若一劑而少退。即止。蓋痘喜溫而惡寒。過則必傷元氣。元氣一傷。變不旋踵。可不慎耶。

木香 味辛苦氣溫味厚陰中陽也

山查 味甘酸氣溫味平陰中陽也

理腹中痛并滯氣。又能破參耆之滯。多則參耆之功反損。

木香開鬱醒脾。治慢驚。誤服涼藥者甚效。有鬼邪蠱毒。尤宜服之。

山查消肉食之積。行乳食之停。

猪苓 味甘苦而淡氣平寒氣味俱薄升而微降

澤瀉 辛甘鹹氣寒氣味俱厚沉而降陰也

能降六腑濕熱。消浮腫。止嘔瀉。利小便。凡實症吐瀉者用之。九日後濕甚不醫。亦用數分。

猪苓解傷寒瘟疫大熱。治渴消。

澤瀉逐膀胱三焦停水。治淋秘。

當歸味辛甘氣溫氣味俱輕可升可降陽也

補血行血。始終皆宜。惟虛寒瀉者缺之。為滑腸故也。

何首烏味甘苦氣微溫

調和氣血。九日後宜用之。亦能止血熱作痒。

消諸種癰瘡。療陰陽久瘡。

川芎味辛氣溫味薄氣厚浮而升陽也

血中之氣藥。有起發之功。不可不用。又不可多用。多則走人真氣。七日後去之。

白芍味苦酸氣微寒味厚氣薄陰中之陽降也

斂血藥也。凡痘兒血氣虛。脾胃弱。血散不收。瘡暈不斂。并宜用之。

安脾而主中滿腹痛。瀉痢不和。制肝而主血熱目疾。脇下作疼。

赤芍

熟地味苦甘氣寒味厚氣薄沉而降陰也

皆血分之藥。熟地補血。赤芍瀉血。五六日前。血熱症非赤芍不可。若熟地惟補

劑用之。

熟地能補腎中元氣。治痘中無膿而血虛。

人參

味甘氣溫氣味俱薄而升陽也

補元氣生津液。定虛喘而領毒。退虛熱而止渴。若皮膚炊赤煩躁。舌苔便不可用。色白漿清。壅陷不起。多用無妨。痘密色紅。四五日不得用排膿湯者。加五

分於十神湯內。名曰喚漿。

開胃化食。安神定驚。療心腹寒痛。除胸脇逆滿。

沙參

味苦氣微寒

滋五臟真陰。去內外邪熱。易老以此代人參。非無故而作也。

排膿消腫。止疝氣絞痛。去驚煩。除燥痒。

黃耆

味甘氣溫平味厚氣薄可升可降陰中陽也

肺經主藥。專補氣。固表托裏排膿。凡皮薄漿清。壅陷不起。宜急用之。每八分至

三五錢止。六日前生用。六日後炙用。四肢不起不灌者。桂枝煎酒浸透用。

解渴定喘。止瀉生肌。兼治風癩。

紫河車味甘鹹
氣溫

鹿茸味酸甘苦
辛氣溫

大補元陽。虛甚無漿。及脾寒陷伏不起者。宜用以助之。

河車補心。除驚悸。滋腎理虛勞。

鹿茸健骨而生齒。強志而益氣。去肢體酸疼。除腰脊軟痛。

肉桂味辛甘
氣大熱
氣味俱薄
體輕而上行
浮而升陽也

行經妙藥。參書非是不能成功。故凡用補劑。必加此為引導。若四肢不起。脹者。

補藥中加桂枝二三引之。

虛寒腹痛。非肉桂不除。腰理堅凝。非桂枝莫達。

程格思曰。桂能定驚癇。通血脈。服金藥牛黃。冰伏臟氣。令昏沉如死者。服此立

甦。

丁香味辛氣
溫純陽

乾薑味辛氣大熱
氣味俱厚
半浮半沉
可升可降
陽中陰也

虛症腹疼。嘔吐泄瀉。痘色灰白。非此不痊。

丁香治胃寒呃逆如神。齒牙疳齲甚效。

乾薑破血消痰。溫中下氣。

肉豆蔻味苦辛
氣溫

訶子味苦酸氣溫
性急善降

症屬虛寒。非吐即瀉。瀉者訶子。吐者肉蔻。吐瀉兼見。彼此參之。

肉蔻亦治瀉痢。以其入胃與大腸也。訶子亦治嘔咳。以其入肺而歛氣也。

大附子味辛甘氣大熱其性走而
不守可升可降陽之陽也

補陽氣不足。溫煖脾胃。治四肢厥逆。寒戰咬牙。痘色灰白。痒塌。然非唇舌淡瑩。

切不宜投。但見唇舌轉紅。即當叱去。凡薑桂丁附。過用則損目發癰。最宜詳慎。

茯苓味甘淡氣平氣味俱
薄能升能降陽也

山藥味甘平
氣微

苡仁味甘氣
微寒

白朮味甘氣溫味厚氣薄
可升可降陰中陽也

皆能健脾理氣。凡屬虛症。悉宜用之。若實症必繫足方可。此蓋燥濕利水之品。

痘症之發。必要濕氣上蒸。始能灌膿。故燥藥皆不可用。以此收靨。正得其宜。山藥一味。自起脹至靨後。用之無礙。

白茯苓補中氣。赤茯苓利小便。茯苓神安心神。

山藥益氣強陰。潛精安神。退熱止瀉。

苡仁除風濕。理脚氣。消肺癰。止嗽。理腹脹。止痢。白朮溫中進食。止泄。止嘔。痘發

水疱。非此不除。

貝母味辛平微寒苦氣

止嗽化痰。解渴開鬱。

南星味辛平氣平苦

除風痰。利胸膈。

石菖蒲味辛平氣溫苦

治痘內驚癇。神昏譫妄。渾身熱毒腫痛。或痂不結而潰爛成瘡疥。

一寸九節者。通九竅。出音聲。令耳目聰明。心開智長。風寒濕痺宜求。咳逆上

氣莫缺。止小便利。理膿窠瘡。

厚朴味苦辛氣溫氣味俱厚
體重濁而降陰中陽也

散結透毒有疏通之能。

烏梅味酸氣平陽也

收肺氣止下痢。化痰除渴。

杏仁味苦甘氣溫

主咳逆上氣急滿。散肺中風寒。潤腸中燥結。

大棗味甘氣平微溫
味薄氣厚陽也

安中養脾。

麝香味辛氣溫

拔毒氣起黑陷。

牛膝味苦酸氣平

活血生血。引諸藥下行。

桃仁味苦甘氣平
陰中陽也

潤燥去瘀血。與杏仁同潤大腸。但杏主氣秘。桃主血秘。

蘇木 味甘酸鹹氣平陽中之陰

破血排膿消癰去腫。

石斛 味甘平氣平

治胃中虛熱。長肌肉。除脚軟。逐皮膚邪熱。癰痛。安神定驚。厚腸止瀉。

白蒺藜 味苦辛氣微寒

治瘡痒潰爛。去瘀長肌。

花粉 味苦氣寒

排膿消腫。利膈除熱。化痰生肌。

苦參 味苦氣寒

主時氣惡熱。細疹痒痛。

濕氣熏蒸致齒痛。及腸澼者宜服之。

知母 味苦辛氣寒陰味厚沉而降陰也

瀉腎火。除胃中熱。化痰消腫。

瞿麥 味苦辛氣寒陽中微陰

疏壅排膿。明目去翳。通諸種關格。破血利水出刺。

射干

味苦氣平微溫

主喉閉咽痛。消結核逆氣。

薄荷

味辛苦氣涼氣味俱薄浮而升陽也

引諸藥入榮衛發汗。通利關節。治壯熱風涎。驚搐霍亂食滯。

調蜜擦傷寒舌胎。和醋搽蛇傷貓咬。

蔓荊子

味苦辛甘氣溫微寒陽中之陰

治太陽頭痛腦鳴。厥陰目淚睛痛。

淫羊藿

味辛氣溫

治痘瘡絕不起。

利小便。除莖中痛。

扁豆

味甘氣微溫

和中下氣。

白附子

味甘辛氣溫

治痘中風熱不退。頭目不清。亦治中風失音。

牛黃

味苦
氣寒

解心家火毒。驚熱狂亂發斑。然必痘色紫赤者可用。灰白者不宜。

琥珀

味甘
平屬陽

治痘驚痰熱。鬼魅侵臨。

胡麻

味甘
氣平

治痘瘡潰爛。

風病人蒸晒久服。令步履端正。語言不蹇。

烏藥

味辛
氣溫

治膀胱冷氣相衝。天行疫瘴爲祟。亦能殺蟲化積。

馬齒莧

味酸
性滑

起痘中盤陷。祛痘後牙疳。

山慈姑

味甘
氣平

解毒。

癰疽疔腫。酒煎服。療癰瘡瘍。醋拌塗。治毒蛇狂犬之傷。傅粉滓癰野之面。

白芨味苦氣微寒

排膿。

主肺傷吐血。

草龍膽味苦澀氣大寒氣味俱厚沉而降陰也

涼血明目。消赤腫疼痛。

治驚悸。殺腸中小蟲。清下焦濕火。

茅根味甘氣寒

止消渴。去瘀血。利小便。掘取新者。搗爛絞汁用。

茅針能潰癰。服一針潰一孔。兩針潰兩孔。

兔糞味甘氣平

爲丸去翳。

甘菊花味苦甘氣平寒

草決明味鹹苦氣平微寒

蜜蒙花 味甘氣平微寒

夜明砂 味甘氣平微寒

痘後眼中赤澹。眵淚羞明者。備用之。

菊花主胸中熱。去頭面風。

夜明砂燒灰酒服。能下腹中死胎。研末拌飯中。能治小兒無辜疳積。

燈心 味苦氣微寒

淡竹葉 味辛甘氣涼

熱症引導之功。

燈心燒灰吹喉痺。塗乳治夜啼。

竹葉通小便。解心煩。

陳倉米 味甘氣溫

治眼珠弔白。除煩渴。開胃氣。止瀉痢。

糯米 味甘氣平微寒

助胃調元。

黃豆味甘平

行漿。

神麴味甘溫

麥芽味甘溫

消食健脾。

生豆腐味甘平微寒

敷餘毒發腫。

生薑味辛氣微溫

和中發表開胃止嘔。

薑汁最能豁痰。中症與霍亂并用。

明硃砂味甘微寒

消手足癱瘍。定神魂驚悸。

金錢花味甘溫

消痘癰腫痛。止血痢寬膨。

鷄冠血味甘辛
氣微溫

人乳味甘
氣平

行漿妙品。

鷄屬巽風。故冠血能發痘瘡。通乳汁。塗口噤。

酒味甘辛
氣大熱

發痘破結。

蜜味甘
氣平

止痛。解毒。潤燥。

伏龍肝味甘
氣微溫

消痘癰。止吐瀉。

童便味甘
氣寒

治天行疫毒。吐血狂亂。

金汁味甘
氣寒

痘瘡血熱。紫黑焦枯。發狂。發癰。發疔均治。

紫雪味苦鹹氣厚
大寒善降

紫雪以硝爲質。以金爲氣。痘有天行疫毒者。宜之。餘用不及金汁。醫者往往殺人。更有持此以治慢驚。其罪尤不可深究矣。

慈幼新書終

慈幼新書卷十二 痘家應用藥性

〔清〕 袁（佚名） 編輯

原 瘡 要 論

中國醫學大成

原瘡要論提要

清鄞縣袁氏撰。袁某嘉慶時人。是書家傳鈔本。道光戊子年。東農主人以其論症辨狀。甚爲瞭然。對症用藥。亦極詳慎。爰糾同志。校正訛誤。付寧城東壁齋刊刻。梨棗以廣厥傳。炳章於民國初年得此原刻初印一冊。閱其各論治法。卷帙雖少。確是家傳心法。查其版片。漫沒不堪再印。猶恐失傳。爲此採刊本集。以廣其傳云。

序

自來醫之一道。內症憑脈象。外症憑形狀。外症惟痘瘡最關緊要。痘症見於古人坊本者甚夥。而於治瘡則尙略。邇來痘瘡。迥非昔比。調治非時。變爲棘手。吾郡袁氏沈氏虞氏。有治瘡抄本。其論症辨狀。甚爲瞭然。對症用藥。亦極詳慎。爰糾同志。登諸梨棗。以廣厥傳。至症之輕重。時之寒熱。地之燥濕。則尤在高明者因宜增減。諒不泥於古也。

長至節後三日東農主人謹序

原瘡要論目錄

論汗	二
痲症乾渴發熱論 <small>微熱 壯熱 乍熱 潮熱</small>	三
復熱	三
論下身冷全身冷	四
論口瘡	五
論腹痛	五
論吐痰	五
論脣舌乾燥脣舌破裂舌	六
胎	六
論發斑	六
論雲暗	七
看疹諸色論	七

原瘡要論 目錄

論咳嗽	八
論鼻涕鼻衄鼻扇	八
論發搐	九
總附咳嗽諸方論	〇
總附渴症諸方論	〇
總附鼻涕鼻衄諸方論	一
發水泡論	一
論氣促	一
眼閉論 <small>總附白珠赤珠</small>	二
嚙牙論	二
論吐沫	二
論虬	三

原 瘡 要 論 目 錄

論嘔吐	一三
論泄瀉	一三
論藥味所忌	一四
安胎止痛方	三九
胎產	四〇
產後	四〇
虞氏癰疹治法	四〇

原瘡要論

痘出於五臟。疹由於六腑。皆是命門相火。一感時生。發洩陰陽胎毒。然痘出於五臟。俱有見症。而疹於肺居多何也。蓋肺屬金。清氣上浮而多嗽。故疹未有不嗽者。若嗽多者肺之鬱火也。疹未有不喉痛者。喉痛肺之竅塞也。肺火上衝於喉故痛。痛者啞之由也。疹多腹痛。大腸與肺相表裏。肺火上衝於內故腹痛。疹多泄瀉。大腸爲肺傳逮之官。肺火下注故泄瀉。疹多喘。喘者肺氣大盛也。疹多痰。痰者肺火蒸腐也。疹症不出於肺。治疹之法。初宜升提。頭面背部俱出。未至手足者。用升中之輕降。如未至爪甲者。切不可重用降藥。宜降中之升藥。疹未出齊。雖有梟毒烈火諸症。只可用破敵之法。如石膏、大黃、力子、山查、荊芥、乾葛。佐以桔梗、薄荷、木通、杏仁、蘇子之類。疹血加赤芍、紅花。腹痛加桃仁、青皮。無汗加麻黃。名曰完濟。待至出齊。重用瓜蒌、花粉、生地、丹參、知母、羚羊、山梔、黃芩。舌上黑刺加犀角、黃連。鼻衄亦宜投。咽痛加元參、山荳根。齧腫亦可用。睛紅目痛加菊花、木賊草、柴胡之類。蟲積肚痛加胡連。使君子、雷丸、檳榔、花椒。然此類宜毒有未發之地。後必餘火纏擾。

若下稠上疎。須防收緊作喘之症。當用大黃、青皮以透之。再加紫草、赤芍以導其瘀。徐徐收去。方爲無害。切不可風吹。致毛竅閉塞而卽沒矣。

論汗

疹之初出未出時。俱宜微汗。汗則肌膚通暢。腠理開豁。而毒自透。一見微汗。不宜過用升發之藥。致使汗多亡陽。輕者變重。重者難救。隱暗不透之症。因之並發。不可不慎。又有無汗者何。緣重感風寒。使皮膚乾燥。毛竅不開。而疹不出。多成內攻之患。使腹脹氣喘。秋夏宜微加升發。春冬重以疎散。但使渾身有微汗爲妙。又有一症。熱火抑而不通。口脣破裂。二便不通。昏沉壯熱。或身體脹痛。多發喘促。黧黯痰鳴。無分遲早。急用寒涼降火清潤之藥。佐以升發。否則變爲敗症。故自始至終。得汗爲主。若無汗。後必多餘毒。宜解毒爲要。

秋夏微加升發湯

升麻 赤芍

葛根 甘草

蘇葉

羌活

春冬重以疎散湯 卽升發湯加

麻黃 桂枝

寒涼降火湯

生地 黃芩 黃連 山梔

石膏 花粉 杏仁 蘇子

生甘草

佐以升發湯

薄荷 山查 大力 桔梗

杏仁 蘇子 升麻

麻症乾渴發熱論微熱 壯熱 乍熱 復熱

小兒口脣紅如丹。是欲發渴。皆內熱所致。然宜辨其虛實。二便閉是實。用清熱和涼之藥。二便清利。脣口淡而渴是虛。必其先食寒涼。致中氣乾燥也。急補中氣。若腹脹不食。是爲敗症。至於麻症有遠近。不比於痘。或三四日。或五六日。或八九日。

或半月。又乍寒乍熱。至壯熱經日不退是也。若始熱遂見外疹。又宜詳察。有微熱者。熱輕而不壯也。此初起之時則猶可。將出之時則不可。恐其不能透表。急用疎托之藥。如沒當未盡沒時。毒輕而清。不必服藥。若夫壯熱者。熱甚而經日不退也。初見太熱。至出時而不稍退。其症必重。若先熱至出重。是爲順症。如已出盡而有此壯熱。宜服疎托和解之藥。至沒後而熱不退。更宜用和解之藥。以免後患。又有乍熱者。或熱數日。過數日又熱。或乍熱。或午熱。未出之時見之。總毒不透。急宜疎托。沒後及未沒見之。毒有未盡。宜涼解分利。亦有因病後中氣虛弱者。臨症者須酌治。若夫潮熱者。一日一至。如潮之汛而不失也。初出必無此症。至出後沒後者。有之。此因氣血而作。治宜益陰而退陽可也。且有復熱者。謂熱退而復發也。皆因餘毒未解。宜疎解爲上。妄用燥劑。必致不治。

論下身冷全身冷

疹之有下身冷者。不比疫疾。謂頭溫足冷。作逆症看。癰出自上。故上熱而下冷。若初起時上熱下冷。不妨出完之時。下身冷是逆症。須詳審而治。又有身體四肢如

冰者。痲本屬火。全身自應溫暖。今反冰冷。必是逆症。若初出正出之時不熱。則毒不能盡出。而反漸沒。若正沒沒後有此者。必脾胃倒壞。氣血大虛。毒不能盡。後變無窮。定爲不治。故不立法。

論口瘡

口瘡者。心脾之火。多見於正沒之時。皆因餘毒未盡。留於上焦。必大便閉。小便赤。宜清利脾火。兼滑大腸爲主。若乳上小兒之母。亦當服藥。使乳清涼。

論腹痛

疹之腹痛者。毒氣內作而不能透表。多見於初出正出之時。治宜疎托。發出卽止。如正沒未沒盡而痛。緣外邪未盡。而復於內。亦宜疎托。佐以清涼。然細微處。以意度之。從外症加減。

論吐痰

痰之吐有二。有吐出如絲者。有吐出成塊者。皆由肺胃之火。久積而作。宜清肺消痰降火爲主。不可用南星。半夏。香燥溫脾之藥。

論唇舌乾燥唇舌破裂舌胎

舌燥多屬於脾。脾熱有二。一則唇白而燥。其熱尙微。一則唇赤而燥。其熱則重。又有帶紫黑而燥。其熱尤重。治宜清熱分利而已。何則。舌乃心之苗。痲本火候屬於心。故舌胎有三種。黃白黑是也。白者微熱。黃者雖重可治。黑則難治。此症不分始末。不過清熱疎利而已。舌破唇裂者。此心脾二火盛。上衝所致。其色必深紅而紫黑。亦有不紫紅而赤甚者。其火不輕。治當分首尾。若初熱而色赤。此火不解而毒不盡。若其色有活。猶可以治。用寒涼加以疎托。倘紫黑焦枯而色不活者不治。若已出而有此症難治。蓋毒雖出而唇舌破裂者。心脾二經俱壞也。若將沒之時有此。亦危候也。當謹慎細察爲要。

論發斑

發斑者。火毒熾甚。血被熬煎。當以紫草、紅花、石膏等味。涼血清火爲主。亦有初熱時爲風寒所搏。而成癰疹。似斑非斑。治宜疎解。其癰自退。若誤爲真斑。而用寒涼。以致水瀉不止。元氣下陷。不能透表。危亡立至。可不慎諸。

論雲暗

疹如雲暗者。上有大片紅腫者。大片紅腫之間。又有小顆粒於其上。皆由火盛所致。重用寒涼之藥。不可遲緩。如身上一片紅暗。與皮內一片並樣。此症只可發散。若發散後仍如此者。不治。

看疹諸色論

疹色之美惡。與痘無異。紅活滋潤者吉。有一樣色淡而潤。是無內症。其疹最清。若淡而不潤。或乾燥。或嫩豔。此不正之色。火毒盛伏。當清火解毒爲要。又有一樣深紅者。其色紅而且重。是血熱。宜清散之。又有一種豔紅者。其色如胭脂。是血熱。其內必有火。火遇火必發毒。大用寒涼。以先制其燄。否則狂躁喘急立至。又有一種

乾紅者。如紙之鑿於紅。滯而不活。內有伏火。血受其瘀。顆粒必大。嗽而必喘。急用攻破。又有一種色紫者。是熱極將瘀。急破血以涼之。若帶黯則重甚矣。又有一種色黯者。其症較紫更重。初出急破。遲則難救。若半靨色黯者。無妨。又有一種其色白者。血瘀之極。此是內症。急破其瘀。遲則倒靨面白。故須山查、丹皮、紅花、大黃、生地、桃仁等劑。如勻淨無內症。身不熱。不咳嗽。是血不足而無火。不必果治。宜審之。

論咳嗽

癰症之乾咳。連聲不斷也。因火旺肺躍。凡疹先時喜咳。咳甚則毛竅開而易透。咳微則腠理閉而難透。故方出之時欲其咳。至既出之後欲其不咳為佳。如仍有咳。當以清痰降火為要。若初起時不咳。癰必不出。於發散中加半夏。以助其嗽。使癰可出。

論鼻涕鼻衄鼻扇

鼻通多涕。此肺氣順也。最吉。故初出時至沒後。而皆有是者。此肺氣和平而不阻。

塞。順症也。不必服藥。今云多涕。謂濃涕而時有也。非謂涕少而暫有。臨症者宜推之。若無涕鼻乾。肺腑火熱。閉塞毛竅不通。初出未出時。得此必重。又有內爲熱甚。外爲鼻眇所結。至於無涕。云其眇結而涕自見。是肺氣通。雖重可救。如真有鼻乾無涕。此症甚危。亦輕沒後。治宜詳審。若下藥得噴嚏。肺氣得解而通也。將出未出之時。必先外感。而今得通故也。其毒雖重可救。正出而得此症。其毒盡解。又何後患。又有衄血者。因內熱狂盛。邪血沸騰。血從火化。是以從肺而上溢於鼻。名曰衄血。將出未出之時。而忽有衄。是毒從衄解。不必服藥。至於久衄不可。若出透與沒後有此症者。宜於清肺藥中佐以涼血之味。使火退而衄止。如井口中有血者。服涼劑不止。惟用發散。使毒得出。而衄自止矣。又有名爲鼻扇者。是肺氣將絕也。喘滿喉鳴。多屬於痰。因火毒內結而亢甚。若喉中無痰喘。精神如故。還可挽救。急用潤肺消痰清熱爲主。否則難治。

論發搐

疹之發搐。不比尋常。若喉中無痰。非真搐也。當分先後。若見於發熱初出之候不

妨。治宜疎托。引加清涼。若見於正出已沒之時難治。總要清上焦之熱。兼利小便而已。

總附咳嗽諸方論

凡疹回後。有咳嗽者。是火氣旺燥。肺金受尅故也。治宜清金降火湯。用黃芩、黃連、山梔、石膏、花粉、貝母、陳皮、桑皮、杏仁、蘇子、甘草、麥冬、瓜蒌仁。如不應。外加葶藶、枳殼。若聲不出。以清金降火湯作主。再加葶藶。倘有煩躁腹脹。瀉痢不止。聲啞唇青。紫黑者。宜用黃連解毒湯。藥用黃芩、黃連、枳殼、歸尾、紅花、赤芍、生甘草、大黃。或用甘桔湯。甘草、桔梗、力子、玄參、連翹、知母、杏仁、乾薑。若痰中帶血。喘促悶亂。用涼膈散。黃芩、山梔、薄荷、連翹、生甘草、大黃。

總附渴症諸方論

凡疹渴有二者。虛實是也。看其舌胎起。脣紅色。有如丹。二便閉。此內熱所致。內外皆實。治宜清涼疎理之藥。生地、黃芩、花粉、牛蒡、連翹、荆芥、葛根、桔梗、石膏、黃連。加

燈草。若脣口淡紅。舌上無胎。二便清調。此是內虛。宜清金益肺湯。沙參、麥冬、生地、丹參、菴荳湯。或芝麻茶炒米湯。如氣喘腹脹。是爲敗症。切不可飲冷水。致生蓄水之患。

總附鼻涕鼻衄諸方論

凡疹無涕者。此因火旺鑠金。治宜清金潤肺湯。藥用知母、黃芩、生地、花粉、連翹、蔓仁。一疹有鼻衄者。皆肺金鬱熱火衝之故。當以葛根、生地、山梔、薄荷、丹皮、茅根、犀角、羚羊、黃芩。出齊之後。而有此症。當用犀角、地黃湯。加茵陳、木通。愈。犀角、地黃湯。生地、犀角、丹皮、白芍。加茵陳、木通。

發水泡論

疹有發水泡者。此因火毒太甚。迫於肌膚。而不能透表。故發水泡。此症多於見點之時。亦有於未見點之時。皆爲不治。故不立法。

論氣促

疹之有氣促者。由肺不清而致。當分先後。若見於正出未出之時。宜疎托。若見於已出正沒之時。宜降火清痰之藥。

眼閉論

總附白珠赤珠

疹有眼閉者。常於沒後見之。皆因脾火旺盛。致目腫而閉。但宜清上焦之藥。兼以利水。使熱退而眼自開矣。又有白珠者。又有赤紅者。俱屬肺氣。宜清肺火。兼以風藥佐之。

嚙牙論

疹有嚙牙者。是陽陷於陰。熱火相搏。故嚙牙耳。其口必多渴。手足俱熱。喜食冷物。治宜滋陰降火。不可食辛辣之物。若誤食之。後必下血。痰響而死。

論吐沫

吐沫之症。亦由胃火亢盛而致。宜清胃降火爲主治。

論虬

疹前吐虬者。毒火上衝。胃難安養。虬從上出。若初出發熱之時不妨。待熱退身涼。自然不吐。亦宜清胃。用生地、當歸、丹皮、連翹、石膏、升麻。庶無他症。如已出同時而有此症。用使君子、黃芩、川連、花粉、胡連、川椒爲主。如虬死者。毒火猖獗。胃氣將絕。死期立至。有瀉虬者。不必過治。清解自愈。如瀉死虬者亦重。

論嘔吐

疹有嘔吐者。毒火衝胃。未經發洩。不必過治。若出齊回後有此症。宜用清涼解毒之藥。

論泄瀉

疹有泄瀉者。其色黃而有沫。小便赤澀。口乾脣燥。此因肺經熱甚。未出與當出之時而瀉者。不必服藥。經云毒以痢鬆。但不宜久。若回後有此泄者。是積熱移於大

腸。治宜四苓散。猪苓、茯苓、白朮、澤瀉。加黃芩、黃連、木通、瓜蒌仁霜。如下有紅紫色。總因熱毒留連。藥宜赤芍、大黃。行一二次。毒盡自愈。不宜多下。切不可因其泄瀉。用訶、蔻以止之。恐其腹脹喘急而死。如首尾水瀉。小便短赤。用木通、車前。利水之劑。佐以升提可也。

論藥味所忌

肺屬金。輕清上浮。切忌辛熱香燥。蓋人參補肺。防其肺熱還傷肺。黃耆補中。防其助痰而氣喘。當歸辛熱助火。反欲黨邪而爲惡。生地補腎。腎爲肺子。經曰。實則泄其子。是腎宜瀉不宜補。防風無汗乾燥。須當表虛之堪憂。他如乾薑、附子、白朮、丁香、砂仁、肉桂、細辛、藿香、蔻仁、烏藥、草蔻、良薑、茱萸、萆撥、香附、麝香等藥。皆以辛香切宜禁用。又忌食物如椒薑糖醋魚鱉蝦蟹猪犬牛羊馬肉。并一切炙博之物。非特助邪爲惡。恐天行時氣必然重出。要忌四十九日外。有鷄子不可食。恐其壞目。食糖恐犯牙疳。獨有歸、芎。可於血虛色白者權宜酌用。又有忌用大黃而用瓜蒌何也。蓋疹發於肺。肺主氣。經曰。氣有餘便是火。肺與大腸相表裏。肺移熱於大腸。

故秘結。用瓜蒌仁以潤肺。佐枳殼以寬腸。則祕自通矣。若大黃號曰將軍。有斬將
搃旗之功。恐其太過。致使心血兩虛。則脾燥肺氣囂張。風火益猛矣。
一、疹當出之時。被風寒所折。以致色白如肌膚。毛竅聳起如粟子者。宜疎散用。

乾葛二錢

木通二錢

川芎八分

紅花四錢

陳皮一錢

羌活一錢

防風二錢

前胡二錢

桔梗二錢

荊芥一錢

薄荷一錢

大力四錢

蟬衣八分

倘色白如膚。但見粒頭高腫者。此表虛所致。用。

生地二錢

川芎五分

紅花三錢

歸身二錢

大力四錢

葛根一錢

山梔一錢

桔梗二錢

木通一錢

麥冬三錢

一、疹因風寒所折。皮膚乾燥。毛竅不通。身熱噴嚏。以致不能透發者。宜疎托。用。

羌活一錢

防風二錢

葛根二錢

蘇葉二錢

大力四錢

蟬衣一錢

前胡一錢

荊芥一錢

橘 紅一錢

桔 梗二錢

木 通一錢

升 麻二錢

加大黃、葱白。

一、疹因風寒所折。見煖則和活。不煖則枯燥者。宜涼解。

乾 葛二錢

薄 荷八分

荆 芥二錢

桔 梗二錢

前 胡二錢

通 草八分

防 風二錢

枳 殼二錢

橘 紅八分

一、疹因毒氣抑鬱於內。熱極不能透出。根窠渾成一片。以致色帶紅紫者。急以清

解為主。佐以升發。用

乾 葛二錢

荆 芥一錢

薄 荷一錢

蟬 退八分

大 力五分

石 膏一兩

桔 梗二錢

升 麻一錢

山 梔四錢

前 胡二錢

黃 連六分

橘 紅二分

加麻黃四分。

一、疹有渾身麻疹。隱於肌膚之間。欲出不透者。宜大升發。

羌 活五分

防 風一錢

葛 根二錢

通 草八分

薄荷八分 大力五分 蟬退一錢 麻黃八分
 升麻一錢 前胡二錢 桔梗二錢

熱甚加石膏、大黃。

一、疹有胸腹腰背煖處。見粒即紅。手足頭面暫無者。宜清解。

升麻一錢 乾葛二錢 荆芥一錢 薄荷一錢
 大力五錢 石膏三錢 蟬退八分 桔梗二錢
 花粉六錢 山梔四錢 黃芩三錢 前胡二錢
 橘紅八分 福花二錢

加麻黃。

一、疹有色紫赤暗。粒頭尖聳者。急用寒涼解毒。佐以消痰。

石膏一兩 黃連一錢 桔梗二錢 荆芥五分
 山梔三錢 乾葛一錢 陳皮一錢 枳殼一錢
 薄荷五錢 前胡二錢 大力五錢 花粉一兩
 通草八分 紫草八分

加大黃。

一、疹色鮮紅。點子低陷不高者。其毒重甚。急宜清肺瀉火。

乾葛二錢	前胡二錢	石膏一兩	蟬退一錢
大力五錢	薄荷二錢	桔梗二錢	木通一錢
山梔一錢	升麻一錢	陳皮一錢	枳殼四錢
荆芥二錢			

加大黃。

一、疹色淡紅。為風寒所折。點子低而色燥不潤。宜疎散。

荆芥二錢	防風二錢	前胡二錢	桔梗二錢
大力四錢	川芎八分	紅花四分	蟬衣八分
乾葛二錢	通草八分	橘紅八分	升麻一錢
大黃三錢	枳殼三錢	山梔四錢	桔梗二錢
大力五錢	蟬衣二錢	薄荷一錢	木通一錢

一、疹色淡紅。顆粒不高。脣舌俱燥而赤。此毒火內鬱。宜用寒涼。佐以疎托。

一、疹已出而粒頂尖焦。無論赤紅。皆為熱極。急宜清鮮。佐以涼血。

生甘草八分 陳皮二錢 紫草一錢

石膏一兩 木通一錢 紫草一錢 桔梗二錢

大力五錢 薄荷一錢 陳皮一錢 黃芩六錢

荆芥一錢 生甘草六分 大黃三錢

一、疹已出。紅腫太甚者。藥用

前胡二錢 桔梗二錢 乾葛二錢 薄荷二錢

大力五錢 荆芥三錢 防風二錢 山梔三錢

木通一錢 生甘草一錢

如口渴。加石膏、花粉。便閉。加大黃、枳殼。身煩熱。加黃芩、黃連、元參、陳皮。

一、疹未出透。而見風早沒。及誤食葷腥油膩。以致毛竅閉塞。不得透表者。俱宜疎

托。煖處無點影者。謂之早沒。二症用藥

石膏八錢 麻黃八分 升麻二錢 乾葛二錢

大力四錢 蟬退一錢 桔梗二錢 生甘草一錢

杏仁一錢

荊芥二錢

防風二錢

木通一錢

早沒者加蘆根。誤食者加山查、枳殼。

一、疹未出而呃逆者。是胃敗惡症也。悉屬火毒。以升陽透發為主。

荊芥二錢

葛根三錢

羌活二錢

桔梗二錢

大力四錢

陳皮二錢

石膏二兩

黃連一錢

生甘草一錢

前胡四錢

蟬衣二錢

升麻四錢

竹茹一錢

薄荷一錢

若疹已透而呃逆者。

花粉一兩

荊芥二錢

薄荷一錢

葛根三錢

羌活二錢

桔梗二錢

大力四錢

陳皮一錢

石膏二兩

黃連一錢

生甘草一錢

竹茹一錢

一、疹子出透。三四日而不沒者。此毒火亢盛。宜清涼解毒。

前胡二錢

乾葛二錢

石膏一兩

山梔四錢

連翹三錢

杏仁一錢

荊芥二錢

薄荷一錢

木通一錢 元參二錢

一、疹沒肌膚之上無點粒。又見紅片。平而不高者。此沒不盡也。藥用

前胡二錢 桔梗二錢 乾葛二錢 薄荷一錢

大力四錢 荆芥一錢 木通二錢 山梔二錢

蟬衣八分 生甘草八分 陳皮一錢 枳殼一錢

如內熱煩渴。加黃連、石膏。

一、疹色帶白乾燥。隱隱於皮膚之間。似沒非沒。必因風寒所致。而不能透表故也。急用疎托。勿加寒餌。

前胡二錢 桔梗二錢 荆芥二錢 薄荷一錢

生甘草一錢 乾葛一錢 防風二錢 木通一錢

蟬衣八分 大力四錢 陳皮二錢 福花三錢

一、疹發熱及正出之時。沉睡不醒。此是火抑於內。而不達於外。後必發熱煩躁。變症多端。藥用

前胡二錢 乾葛二錢 荆芥一錢 薄荷一錢

大力子六錢

桔梗二錢

木通一錢

防風一錢

橘紅八分

升麻五分

一、疹子因熱火拂抑而無汗。以致皮膚乾燥。脣口破裂。二便不通。沉昏腹脹。氣喘痰鳴。急用寒涼。佐以升發。

石膏一兩

紫草二錢

麻黃八分

蟬衣八分

大力五錢

乾葛二錢

薄荷一錢

前胡二錢

木通一錢

紫蘇一錢

桔梗二錢

荊芥二錢

滑石三錢

加葱白三條。

一、疹初發熱時。因毒火內迫。以致渾身大汗。不能盡透者。宜清解。

石膏一兩

紫蘇一錢

乾葛二錢

薄荷一錢

大力四錢

桔梗二錢

生甘草一錢

丹皮二錢

山梔二錢

前胡一錢

荊芥一錢

加大黃、淡竹葉。

一、疹有冒風寒。皮燥無汗不出。反有腹脹氣喘者。宜疎散。

前胡二錢 桔梗二錢 乾葛二錢 防風一錢

羌活一錢 橘紅八分 紫蘇二錢 大力四錢

蟬衣一錢 荊芥二錢 木通一錢 枳殼一錢

或加麻黃、葱白、陳皮。

一、疹症忽有汗。忽無汗。汗後肌膚仍燥。身子大熱。而疹仍未透。宜清解。用

前胡二錢 桔梗二錢 乾葛一錢 薄荷一錢

大力四錢 蟬衣一錢 生甘草一錢 丹皮二錢

山梔一錢 木通一錢 石膏一兩 紫草一錢

加大黃、淡竹葉。

一、疹未出先昏沉喜睡。倦夢譫語。此因熱毒煩盛。不能外達故也。宜清心解毒。

乾葛一錢 防風一錢 大力四錢 蟬衣八分

荊芥二錢 薄荷一錢 前胡二錢 桔梗二錢

滑石一錢 木通二錢 陳皮一錢 青皮二錢

鈎藤二錢

加大黃、石膏、黃連、淡竹葉。

一、疹已出透而有譫語者用

荊芥二錢

薄荷一錢

前胡二錢

枳殼一錢

黃芩一兩

滑石一錢

大力四錢

木通二錢

陳皮一錢

青皮二錢

鈎藤二錢

加大黃、石膏、黃連、淡竹葉。

一、疹有元氣素虛之人疹已透而譫語者用

當歸三錢

生地一錢

丹參二錢

麥冬三錢

川貝一錢

陳皮一錢

連翹三錢

生甘草八分

山梔三錢

鈎藤一錢

一、疹已出透而仍煩躁。面赤咽痛。目赤脣焦。宜清降。

黃連一錢

石膏一兩

黃芩一兩

山梔五錢

生甘草一錢

元參三錢

丹皮一錢

大力四錢

陳皮一錢 枳殼三錢 杏仁二錢 蘇子二錢
知母二錢 薤仁一兩

再加大黃、淡竹葉。
一、疹未出。脣紅似丹。二便閉塞。喜飲冷。此熱毒內蒸。宜用辛涼藥。

乾葛三錢 薄荷一錢 前胡三錢 桔梗二錢
大力五錢 荊芥一錢 滑石二錢 石膏一兩
生甘草一錢 花粉三錢 木通二錢

再加蘆根、竹葉。

一、疹已出而發渴者。鼻氣勃勃衝人。此肺中火邪熬煎。宜清金降火，

黃連一錢 黃芩一兩 石膏二兩 知母三錢
花粉二錢 滑石一錢 山梔一錢 葛根二錢
薄荷一錢 瓜薤仁一兩 桔梗二錢 生甘草一錢
大力五錢 枳殼二錢

一、疹有二便清利。脣口淡紅而渴者。此必過服寒涼。致中氣虛。乾渴。

當歸二錢 生地二錢 麥冬三錢 升麻一錢

桔梗一錢 元參一錢 陳皮一錢 生甘草一錢

一、疹出時手足多熱。忽爾冰冷。名曰厥逆。似水之象。宜用升散。

乾葛二錢 升麻八分 蘇葉一錢 防風一錢

大力二錢 桔梗二錢 木通一錢 麻黃八分

前胡二錢 荆芥二錢 橘紅八分

加葱白。如便閉。加大黃。

一、疹後厥逆者。用清解。

黃芩二兩 黃連八分 花粉一兩 山梔四錢

前胡二錢 生甘草一錢 木通一錢 陳皮一錢

桔梗二錢 貝母二錢 石膏一兩 枳殼五錢

加大黃、薑仁。

一、疹中寒熱似瘧。身寒手足冷極者。宜滋陰養血發表。用

柴胡二錢 黃芩一兩 當歸三錢 川芎八分

陳皮一錢 葛根二錢 生甘草八分 生地二錢
澤瀉一錢 茯苓二錢 貝母二錢

寒多加蘇葉。熱多加知母。渴甚加石膏、大黃。
一、疹將出而發驚。是毒蘊於心。肺火鼎沸。以致手足搐搦。宜解表發汗。

羌活一錢 防風一錢 荊芥二錢 薄荷一錢

大力四錢 蟬退一錢 青皮二錢 鈎藤一錢

橘紅一錢 前胡一錢 紫草一錢 乾葛一錢

外加硃砂二釐。如痰多加膽星二錢。若食積加山查、枳殼。甚者加黃連、花粉。倘有已出而發驚搐者。此由毒火元氣俱盛。宜清火解毒用。

黃連一錢 黃芩五錢 鈎藤二錢 陳皮一錢

前胡二錢 龍膽草一錢 山梔四錢 木通一錢

貝母一錢 枳殼一錢 花粉一兩 生甘草五分

杏仁一錢 蘆薈一錢

加蓮肉心、石膏三兩。又有一種驚重。元氣虛。恐變慢驚風者。用。

當歸二錢

生地二錢

茯苓三錢

陳皮一錢

生甘草八分

天麻一錢

川貝一錢

麥冬三錢

鈎藤二錢

連翹二錢

木通一錢

防風一錢

加蓮肉、膽草、橘紅。

一、疹初發時嘔吐不能食者。此毒火壅於胃故也。宜清解疎托。

前胡二錢

枳殼二錢

乾葛一錢

防風一錢

大力三錢

連翹二錢

桔梗二錢

蟬退一錢

陳皮一錢

荊芥二錢

生甘草八分

滑石一錢

石膏一兩

火輕者。加山梔、蘆薈。火重者。加石膏、滑石。又有一種疹已出透。而嘔吐不食者。宜清解中加疎托藥用。

石膏二兩

陳皮一錢

前胡二錢

枳殼三錢

乾葛二錢

大力三錢

山梔一錢

薄荷一錢

桔梗二錢

生甘草八分

加蘆薈。如疹已沒後。仍嘔吐不食者。宜清涼藥。

石膏二兩

黃芩一兩

黃連一錢

花粉三錢

陳皮一錢

枳殼三錢

山梔二錢

木通一錢

桔梗一錢

丹皮一錢

元參二錢

生甘草八分

前胡二錢

大力三錢

一、疹有毒迫大腸。裏急後重。變為滯下者。

黃連八分

黃芩一兩

枳殼三錢

木通一錢

生甘草八分

大黃六錢

陳皮一錢

杏仁一錢

丹皮一錢

薤仁一兩

若泄瀉不止。變休息痢。腹中痛。便見膿血。此血熱大腸也。宜用

黃連一錢

條芩二錢

青皮二錢

枳殼三錢

生甘草八分

滑石一錢

桔梗一錢

山梔一錢

大黃八錢

又一種變為赤痢者。用

黃連一錢

條芩一兩

陳皮一錢

枳殼三錢

生甘草八分

槐花二錢

荊芥二錢

滑石一錢

山梔一錢

大黃三錢

地榆一錢

或加升麻杏仁。

一、疹未出透。咳嗽不絕。面目浮腫。此係毒火不能外達。肺金受尅也。速用清熱透毒。

荊芥二錢

薄荷一錢

大力四錢

蟬退一錢

生甘草八分

乾葛二錢

陳皮一錢

桔梗二錢

防風一錢

木通二錢

前胡一錢

加石膏、山梔。如疹已出透。而氣喘鼻煤乾燥。宜用清金降火湯。

條芩八分

黃連八分

石膏二兩

薤仁一兩

陳皮一錢

枳殼三錢

蘇子一錢

杏仁二錢

貝母一錢

花粉四錢

知母一錢

葶藶二錢

桑皮三錢

加茅根汁。又有一種有痰有聲者。治宜

前胡三錢 桔梗二錢 生甘草三分 貝母一錢

陳皮一錢 石膏一兩 知母二錢 花粉二錢

枳殼二錢 桑皮三錢 山梔三錢 杏仁二錢

大力四錢 兜鈴三錢

加竹瀝。又有一種有聲無痰者。

黃芩二兩 黃柏三錢 知母三錢 花粉五錢

薤仁一兩 前胡三錢 貝母三錢 陳皮一錢

蘇梗一錢 杏仁二錢 石膏一兩 生甘草三分

桔梗一錢 枳殼二錢 元參三錢

加茅根。

一、疹出咽喉痛。皆由肺火上炎故咽痛。治用

生甘草一錢 桔梗二錢 大力五錢 荊芥二錢

薄荷一錢 乾葛三錢 木通一錢 石膏一兩

防風二錢 前胡三錢 橘紅一錢 射干一錢

一、疹已出透而咽痛失音發熱作渴面赤喜飲冷物俱是上焦實熱

生甘草二錢 桔梗三錢 大力四錢 元參三錢

射干二錢 黃芩五錢 黃連一分 石膏一兩

荆芥二錢 山豆根二錢 花粉八錢 陳皮一錢

枳殼二錢 薤仁一兩 夏枯草三錢

有痰加貝母。

一、疹未出而熱極火動者致血妄行從口鼻出者。

荆芥三錢 紫草三錢 薄荷一錢 乾葛一錢

大力五錢 鬱金二錢 山梔四錢 生甘草二錢

桔梗二錢

甚者加黃芩茅根汁。若疹已出透而衄血者。

黃連八分 黃芩一兩 黃柏二錢 山梔四錢

丹皮三錢 元參五錢 生甘草二錢 桔梗二錢

花粉一錢

或加茅根汁。或加生地、麥冬。又衄後火氣已清方。

生地二錢

麥冬三錢

元參二錢

當歸二錢

一、疹中頭痛身疼者。此內之火毒。與外之風寒相結不散。宜疎解。

羌活三錢

防風一錢

荆芥二錢

大力四錢

蟬衣一錢

前胡三錢

桔梗二錢

乾葛二錢

蘇葉一錢

木通八分

川芎八分

一、疹中腰疼。因氣滯血凝。脾腎二經。外感內傷所致。

青皮一錢

紅花一錢

大力三錢

羌活一錢

防風一錢

荆芥三錢

蘇葉一錢

前胡二錢

桔梗一錢

木通一錢

又方

枳殼一錢

黃芩二錢

山梔三錢

麥冬三錢

當歸一錢

川芎八分

鬱金一錢

青皮一錢

一、疹沒腹痛。與未出透。皆不謹起居。或食冷物。或冒風寒。以致寒熱相激而痛。
治未出透而痛方。

陳皮一錢 木通一錢 連翹二錢

羌活二錢 防風二錢 荆芥二錢 蘇葉一錢

大力三錢 陳皮二錢 青皮一錢 前胡二錢

桔梗一錢 枳殼二錢 木通一錢

治疹已出透腹痛。

陳皮一錢 枳殼二錢 蘇葉一錢 杏仁二錢

黃芩三錢 桔梗一錢 木通二錢 生甘草一錢

一、疹後齒腮腫痛。口角流涎之症。

黃芩一兩 黃連一錢 石膏二兩 元參一兩

大力三錢 生甘草一錢 荆芥三錢 桔梗一錢

防風二錢 白芷一錢 川芎八分

一、疹後牙疳。根有血出腫爛。

生地三錢 元參一錢 黃連一錢 麥冬三錢
 生甘草二錢 花粉三錢 丹皮二錢 葛根一錢
 荊芥二錢 石膏一兩 知母三錢 枳殼二錢
 一、疹後牙疳。是胃熱未清。以致火毒上炎。

黃芩一兩 黃連一錢 石 膏二兩 花 粉一兩
 知母二錢 生甘草一錢 元 參四錢 荊 芥三錢
 桔 梗二錢 大 力四錢 升 麻一錢 山豆根二錢
 射 干一錢
 一、疹後咳嗽口破。

麥冬三錢 桔 梗二錢 花 粉八錢 知 母三錢
 元 參三錢 荊 芥二錢 大 力五錢 山豆根三錢
 射 干二錢 連 翹五錢 薄 荷二錢
 或加
 黃 連八分 石 膏一兩 黃 芩八錢

一、疹後焦爛。

蕤 仁 二 錢

薄 荷 一 錢

甘 菊 一 錢

柴 胡 一 錢

決 明 一 錢

大 力 五 錢

黃 連 一 錢

黃 芩 二 兩

山 梔 五 錢

生 甘 草 二 錢

花 粉 八 錢

乾 葛 四 錢

或 加

石 膏 三 兩

桔 梗 二 錢

薤 仁 二 兩

大 黃 一 兩

荆 芥 三 錢

一、疹後目疾藥味。

羌 活

防 風

乾 葛

薄 荷

柴 胡

桔 梗

草 決 明

川 芎

黃 連

大 力

花 粉

山 梔

生 甘 草

當 歸

生 地

甘 菊

木 賊

蒙 花

穀 精 草

初二劑當去黃連、生地。後去羌活、防風。若有稍明。照依此方。加黃芩、石膏、升麻、

膽草、薑仁。

一、疹出十二三日。又發紅黑疔。小兒能自手指拔去。疔不痛癢者。急以解毒拔疔丹使毒火盡退而愈。

礞石錢五

黃芩二兩

木香五分錢

元明粉五錢

沉香五分錢

大黃二兩

共研末。硃砂爲衣。作丸服。獨棗湯。治疹後牙齦爛。用乾紅棗二枚。雄黃一塊。入棗內。燒灰存性研末。米泔水煎湯。入鹽少許。漱口即愈。

一、疹後中氣虛弱。乍寒乍熱。是陰血虛也。

當歸二錢

生地一錢

麥冬廿粒

元參三錢

生甘草八分

黃芩一兩

生山梔三錢

丹皮三錢

白芍藥一錢

黃連八分

花粉三錢

桔梗二錢

骨皮一錢

一、疹未出而乍寒乍熱。是毒未透發。用疎托。

升麻一錢

乾葛二錢

荆芥一錢

蟬退一錢

大力二錢

前胡二錢

桔梗二錢

蘇葉一錢

防風二錢

橘紅八分

通草一錢

或少加麻黃、葱白。

一、疹已出。復乍寒乍熱。二便短赤。是餘毒未盡。用涼解。

黃芩一兩

黃連八分

石膏一兩

山梔四錢

大黃一兩

生甘草八分

荆芥一錢

大力二錢

陳皮一錢

枳殼四分

貝母三分

杏仁一錢

花粉五分

木通二錢

瓜蒌仁二兩

一、疹後日熱不退。身熱燎人。二便不通。急用和解。

黃連五分

黃芩一兩

生薑仁一兩

石膏一兩

山梔五錢

陳皮一錢

枳殼四錢

蘇子一錢

杏仁一錢

花粉一兩

滑石一錢

生甘草八分

木通一錢

膽草二錢

一、疹回後熱退身涼。過三五日又作熱。是餘毒復還。宜疎解。

荊芥一錢	薄荷一錢	乾葛二錢	前胡二錢
桔梗一錢	大力一錢	陳皮一錢	枳殼三錢
黃芩一兩	山梔五錢	生甘草一錢	元參三錢
連翹一錢			

甚者加大黃、石膏、薤仁。

一、產後出麻。本宜補血。但麻屬火。不可驟補。補則毛竅固斂。不能出透。故須升發。宜葛根湯。加酒炒芍藥、桔梗、蘇葉。發汗。使麻易出。

一、懷胎出麻。只宜清涼。佐以疎托。勿用實脾行氣等藥。以致墮胎。

安胎止痛方

生地	川芎	桑樹羊思藤	當歸
人參	陳皮	白朮	黃芩
黃柏	黃連	甘草	糯米

痛甚加砂仁。虛甚加木香。

胎產

胎疹纔熱即出而即沒。此風寒所致。宜涼血疎風消痰之藥。若難沒者。亦由風寒壅盛。或經水浸行太早。速宜疎解。此雖胎疹。亦須避忌。

產後

產後雖大補氣血為主。一遇疹子。不可驟用。如發熱之後。熱甚者不嫌發散。宜升麻葛根湯。內用炒白芍。加蘇葉。桔梗。以發其汗。汗出疹亦出矣。凡升發之藥。不可用寒涼。使毒易出而無後患也。

虞氏麻疹治法

古謂麻即疹也。疹如麻成朵。痘如豆成粒。皆象其形而名之也。夫胎毒一也。痘出於五臟。臟屬陰。陰主血。故痘有形而有漿。其症寒熱備有也。疹出於六腑。腑屬陽。陽主氣。故疹有形而無漿。其症多熱而無寒也。爲症既異。而治法亦殊。痘宜內實。

可用補劑。疹忌內實。只宜解散。惟初熱發表。略相似耳。既出之後。痘則補氣以生血。疹宜補陰以制陽。何也。蓋疹熱甚。則陰分受其熬煎。而血多虛耗。故治以清火滋陰為主。而不可少動其氣。若燥悍之劑。首尾當深忌之。世知痘症之重。而不知疹之殺人尤甚。方書多忽而不備。可太息也。

一、疹發熱之初。多似傷寒。惟疹則咳嗽噴嚏。鼻流清涕。眼胞腫。淚汪汪。面浮腫。兩腮赤。惡心乾嘔為異耳。但見此候。即是麻疹。宜謹避風寒。戒葷腥厚味。用藥以表散之。使皮膚開暢。腠理通豁。而毒疹易出也。

一、疹之發。雖曰胎毒。未有不由天行癘氣而發。故用藥發散。必先明其歲氣。如時令溫暖。以辛涼之藥發之。防風解毒湯。暄熱以辛寒之藥發之。黃連解毒湯。大寒以辛溫熱之藥發之。桂枝解毒湯。時寒時暖。以辛平之藥發之。升麻解毒湯。此因時用藥。不可誤作傷寒。妄施汗下。反伐天和也。又須看人虛實。如大便秘結。煩熱盛而發不出者。以酒炒大黃微利之。不止。以參藥之類補之。經曰。毋虛虛。毋實實。損不足。補有餘。天人性命也。

防風解毒湯

防風

荊芥

薄荷

石膏

知母

桔梗

力子

甘草

連翹

木通

枳殼均分

淡竹葉、燈草。水煎服。

黃連解毒湯

黃連

黃芩

黃柏

梔子

力子

甘草

防風

知母

荊芥

石膏

桔梗

元參

木通

薑三片。水煎服。

桂枝解毒湯

桂枝

麻黃

赤芍

防風

荊芥

羌活

甘草

大力

人參

川芎

薑

水煎服。

升麻解毒湯

升麻

乾葛

羌活

人參

柴胡

甘草

桔梗

力子

防風

荊芥

赤芍

連翹

淡竹葉

水煎。

前藥發散。而疹隨見。則毒盡解矣。若發不出。再加味麻黃之藥發之。

加味麻黃散

升麻

麻黃

人中黃

大力

蟬退等分

水煎服。

外以芫荽酒糟。蒸熱擦之。自頭上至足爲齊。若頭面愈多者爲佳。倘遲延日久。而不能出。則腹脹氣喘。昏眩悶亂。煩躁而死。

一、看疹之法。多於耳後項上腰腿先見。其頂尖而不長。其形小而勻淨者吉。若色見紅者。兼火化也。輕症可治。化斑湯主之。如白者。此血不足也。養榮湯主之。如色紫赤。乾燥暗晦。乃火盛毒熾也。宜六一散、四物湯。加柴胡、黃芩、乾葛、紅花、力子、連翹之類。滋陰涼血而熱自除。所謂養陰退陽之義也。此亦五死一生之症。外有大青龍湯。入燒人尿亦妙。如便秘者。加酒大黃利之。或元參解毒湯。皆可選用。若黑色者。熱毒太甚。為十死一生之症。不可不明察而混施治也。

化斑湯

人參

知母

石膏

大力

連翹

升麻

甘草

地骨皮

淡竹葉

糯米

水煎服。

養榮湯

人參

當歸

紅花

赤芍

甘草

水煎服。

六一散

滑石六兩 甘草一兩

爲細末。量小兒大小。每服一錢半或二錢。本方加辰砂三錢。名辰砂益元散。

四物湯

當歸

熟地

白芍

川芎

大青龍湯

玄參

大青

桔梗

人中黃

知母

升麻

石膏

梔子

木通

水煎服。

元參解毒湯

元參

黃芩

山梔

桔梗

甘草

生地

乾葛

荊芥均分

水煎服。

一、疹表後紅影出於肌膚成片。切戒風寒生冷。如一犯之。則皮膚閉塞。毒氣壅滯。遂變為渾身青紫。而毒反內攻。煩躁肚痛。氣喘悶亂。諸症作矣。欲出不出。危亡立至。其可忽諸。

一、疹已出而反沒者。乃風寒所逼而然也。若不早治。毒成內攻。以致癰壘而死。急用消毒飲。合升麻湯服之。則疹復出而安矣。

升麻湯

升麻

乾葛

白芷

甘草

薑

葱

水煎熱服。

消毒飲

荊芥

力子

甘草

薑

水煎服。

一、發熱之時。遍身出汗。此毒從汗解。玄府開。疹易出也。有出紐者。此毒從紐解也。

俱不可遽止之。若汗多血多皆不止。此火甚逼迫太過。致汗妄流。血妄行也。急宜當歸六黃湯以止汗。茅化湯以止血。遲則汗出多而元氣虛。血出多而精神散。難以治矣。

當歸六黃湯

當歸

黃耆

黃連

黃柏

生地黃

熟地黃均分

水煎。外加浮小麥止汗。

茅化湯

茅化

歸頭

丹皮

生地

甘草

加玄參、百草霜。水煎服。

一、發熱時或嘔吐。或自利或滯下。此火邪內逼。毒氣上行則吐。下行則利。毒太甚則裏急後重。而為滯下也。吐者。竹茹石膏湯。自利者。升麻澤瀉湯。下者。黃芩芍藥湯。加黃連、生地、木通、當歸、人參、枳殼。或少加大黃微下之。

竹茹石膏湯

陳皮

半夏

石膏

白茯苓

甘草

竹茹

水煎服。

升麻澤瀉湯

猪苓

澤瀉

赤苓

石膏

黃連

甘草

升麻均分

水煎服。

黃芩芍藥湯

條芩

白芍

升麻

甘草

水煎服。

一、發熱之時。未有不渴者。但當以萊菔燈心湯。入炒米飲之。人參白虎湯佐之。以生津解渴而已。若恣飲冷水。恐生水畜之症。故水入於肺。為喘為嗽。宜用葶藶。以洩肺中之水。水入於脾。為腫為脹。為自利。宜用白茯苓、生地、木香。以洩脾水。

水入於胃。爲嘔爲噦爲自利。宜用猪苓、澤瀉、赤苓、木通。以洩心下之水。水入於肝。爲脇痛。用芫花以洩肝水。水入於腎與膀胱。爲小便不利。爲陰囊腫。用車前、木通。以洩腎及膀胱之水。俱當因其症而治之。

人參白虎湯

人參

石膏

知母

甘草

糯米

煎服。

一、疹出之時。咽喉腫痛。不能飲食者。此毒火拂鬱。上熏咽喉也。宜用甘桔湯。加元參大力、連翹主之。更以十全散。或玉鎖匙吹之。切不可妄用針刺出血也。

甘桔湯

甘草

桔梗

十全散

黃芩

黃連各一錢

苦參一錢

元胡三分

硼砂二分

乳香二分

兒茶

雄黃各五分

爲細末。每用少許。蘆筒吹入。

玉鎖匙

硼砂一錢

朴硝五分

殭蠶一條

片腦五厘

爲末吹之。

一、疹出之時咳嗽口乾心煩者。此毒在心肺。發未盡也。用瀉白散。或黃連杏仁湯。

癰疹作瀉。加厚朴甘草。

瀉白散

桑皮

地骨皮

甘草

竹葉

燈草

水煎服。

黃連杏仁湯

黃連

陳皮

杏仁

麻黃

枳殼

乾葛

薑

水煎服。

一、疹出之時。自利不止。或瀉稀水頻數者。最為惡候。但要看其疹。若遍身稠密太盛。或紫色。或紅色。甚者則無妨。蓋毒在大腸。非瀉則毒不解。惟用平胃散加乾葛、連翹以解之。疹一發透。依期收去。自然瀉止。若疹已收。而瀉猶不止。疹必未盡。再用前藥。加連翹、川連、大力、木通、澤瀉以分利之。若用訶子、肉蔻等。則變肚痛脹滿喘急危矣。

平胃散

蒼朮

厚朴

陳皮

甘草

一、疹子之出。常以六時收為度。如子為陽午後收。午後為陰子後收。乃陽生陰成。陰生陽成。造化自然之妙也。故漸出而漸收者。其勢輕。若一出之後熱不退延綿三四日而不收者。此毒火太甚。外發不盡。內為有餘之邪所致。須投化斑湯。

化斑湯

人參

知母

石膏

大力

連翹

升麻

地骨皮

甘草

淡竹葉

糯米

水煎服。

三味消毒飲

荊芥

大力

甘草

生薑

水煎服。再加元參、石膏、桔梗為治。

一、疹子出後。自然退熱。若遍身既出。而猶拂拂煩熱。煩作嘔吐者。此毒尚未盡。留

連於肺胃之間。宜化斑湯。前見大便秘少。加大黃利之。

一、疹已收去。反渾身發熱。晝夜不退。此毒未盡解。邪火抑於肌肉之間。久則毛髮

乾焦。皮膚枯槁。肌肉羸瘦。為骨蒸勞瘵之症。急宜蘆薈肥兒丸。加當歸、連翹等

治之。遲則變為睡則露睛。口鼻氣冷。手足厥逆。瘰癧慢脾風。不治之症矣。

蘆薈肥兒丸

蘆薈

龍膽草

木香

地骨皮

使君子

麥芽

檳榔

黃連

白蕪荑

胡黃連

為細末。猪膽汁為丸。如黍米大。每服五六十丸。飲湯下。

一、疹收之後。身雖不羸瘦。但時發壯熱。煩躁不寧。搐掣驚悸。神昏志亂者。此陰血衰耗。致餘毒入肝而傳於心也。宜養血安神。四物湯加麥冬、棗仁、石菖蒲、龍膽草、茯苓、黃連、辰砂、甘草、竹葉、燈心主之。或以前藥爲末。蒸餅。猪心血爲丸服之亦可。

四物湯

地黃

當歸

川芎

白芍

一、疹毒入胃。久而不散。致成牙根黑爛。血出爲走馬疳。傳與二頰浮腫。久而穿頰破腮。缺脣崩鼻。爲崩砂狐惑等危症。外用文蛤散。或雄黃散搽之。內服蘆薈丸。以清胃火。或有愈者。然不能多見也。

文蛤散

文蛤 一錢五分

雄黃 一錢五分

梔子 枯礬 五厘

蠶退 爲下燒灰

米泔漱口搽藥

雄黃散

雄黃 一錢

黃柏 一錢

麝香 五分

和勻。以艾煎湯洗淨後。搽藥末。

蘆薈丸

人中白

蘆薈

使君子肉

龍膽草

黃連

五靈脂均分

共爲細末。浸蒸餅爲丸。白滾湯下。

一、疹出之時。曾作瀉痢。未經清解。至疹退之後。變爲休息痢。不問赤白。裏急後重。晝夜無度。頻併者。此餘火毒在腸也。須分虛實治之。實者三黃丸利之。虛者香連丸和之。後用黃芩湯合益元散。以養血行氣爲治。河間云。養血則便膿自愈。調氣則後重自除。誠哉是言也。

三黃丸

黃芩蒸

黃連炒

大黃蒸熱

爲末糊丸。桐子大。每服三十丸。白湯下。量兒大小虛實加減。

香連丸

黃連一兩

吳黃五兩

同水拌勻。燉滾水內。半日取出。炒乾。揀去吳萸。只用黃連爲末。再加木香一兩。不見火。爲末和勻。黃連末醋糊丸。米湯下一二錢。

黃芩湯

黃芩

黃連

當歸

川芎

木香

青皮

枳殼

檳榔

甘草

水煎好。入益元散調服。

益元散

滑石六兩

甘草一兩

辰砂三錢

爲末。量兒大小。或一錢五分。或二錢。

一、疹退之後。微微咳嗽者。此餘毒未盡也。用清肺飲。加力子、甘草治之。若嗽甚。氣喘連聲不止。名爲頓嗽。甚至飲食湯水俱噎出。或咳出血者。此熱毒乘肺而然也。宜麥冬清肺飲。加連翹主之。如見胸高如圭。肩聳而喘。血從口鼻而出。或擺手搖頭。面色或白或青或紅。以及枯暗者。皆不可治之症也。然亦有肺氣虛。爲

毒所抑而發喘。並無咳嗽出血。噎食等證者。亦用麥冬清肺飲。倍加人參治之。切不可拘於肺熱之一端。而純用清肺解毒之藥也。

麥冬清肺飲

川貝

天冬

桔梗

力子

瓜蒌

知母

麥冬

杏仁

兜鈴

甘草

加糯米。水煎服。

一、疹退之後。聲啞不出。或咳或喘。或身熱不退。以致日久不愈者。此熱毒未盡。肺金受尅也。宜清金降火湯。加竹瀝、生薑汁主之。

清金降火湯

黃芩

貝母

瓜蒌

麥冬

力子

黑山梔

知母

杏仁

元參

麻黃

石膏

竹葉

水煎服。

一、疹退之後。飲食如常。動心如故。猝然心腹絞痛。遍身汗出如水者。此元氣虛弱。失於補養。外雖無病。內已虛損。又爲惡氣所中。謂之中惡。此朝發夕死之證。急用養榮雙和湯救之。如有積食。加神曲、麥芽。如有熱。去肉桂。

養榮雙和湯

人參

當歸

熟地黃

黃耆

肉桂

白芍

麥冬

甘草

水煎服。

一、疹退之後。熱毒未盡。或發癰毒。四肢骨節疼痛者。宜用羌活散。黃酒沖服一二錢。量大小強弱與之。使其微汗微利而愈。

羌活散

羌活

穿山甲

大黃

全蠍

皂角刺

乳香

一葉金

白芷梢

甘草

一、疹退之後。餘熱未盡。或熱甚而失血者。犀角、地黃。合黃連解毒湯治之。或四物

湯加茵陳、木通、犀角之類。以利小便。使熱氣下行而愈也。

犀角地黄湯

犀角

白芍

黑山梔

生地黄

丹皮

黃芩

紅花

當歸

甘草

藕節

水煎服。

黃連解毒湯

黃連

黃芩

黃柏

枳子

連翹

黑山梔

防風

木通

荊芥

元參

甘草

竹葉

四物湯 見上。

一、疹收之後。餘熱未退。日夜煩躁。譫語昏狂者。宜用益元散。煎燈芯湯下。或五苓散。散去白朮、肉桂。加辰砂、黃芩、黃連治之。若初發疹時。即有煩躁譫語之證者。升麻葛根湯。加葱白、黃芩。夏令再加石膏。如或風盛者。併加消風散。兼調益元散。

服。

益元散

滑石

辰砂

甘草

五苓散

茯苓

猪苓

白朮

肉桂

澤瀉

升麻葛根湯

升麻

葛根

赤芍

力子

木通

連翹

甘草

水煎服。

一、孕婦出疹者。宜用四物湯。加白朮、黃芩、艾葉等養胎清熱為主。使胎無虞。而疹易沒也。如胎氣上攻。急以芎麻根、艾葉少許煎湯。磨生檳榔服之。更宜多服上藥為妙。

一、熱毒蒸胎。胎多受傷。但胎雖傷。而母實無恙也。蓋疹與痘不同。痘宜內實。故胎

落而母易亡。疹宜內虛。故胎去而母易存。然與其胎去而母存。孰若母子兩全之爲愈也。

一出疹之症。比較出痘似輕。然調治失宜。其禍反不旋踵。蓋痘由胎毒而發。其形勢輕重多少。自可預斷。至於疹子。雖由感受邪氣而發。然輕者可重。重者可輕。全在調治有方。方保無虞。故其飲食禁忌。比痘爲甚。若食鷄魚。則終身皮膚粟起如鷄皮之狀。但遇天行出疹之時。又要重出。誤食油肉。則每歲出疹之月。必然下痢膿血。誤食鹽醋。卽患咳嗽。且遇出疹之時。必復發咳。誤食五辛之物。不時驚熱。必待過四十九日。或百日之後。始可無忌也。

〔清〕

吳硯丞

編輯

麻疹備要方論

中國醫學大成

癩疹備要方論提要

清吳硯丞編輯。硯丞字亦鼎。徽州歙縣人。咸豐三年刊成。考先哲傳書。詳於論痘。略於論癩。蓋以癩出六府。與痘出五藏者不同。治得其法。可以片言居要。後學不明此意。輒謂治痘難。治癩易。淺試輕嘗。多致草菅人命。良可悲也。先生彙有癩疹備要。皆採古人精言良法。可與明理者證活幼之心源。其首元始論。次疹脈。次辨症。次初熱。次疹治合時。次見形論治。次收沒論治。次分論始終雜證。次禁忌。次癩疹備用諸方。刪繁就簡。取精用宏。誠治癩瘡之要訣也。

吳序

夫天有非時之氣。人卽有非時之疾。稟賦強厚者。尙得以元氣勝之。惟癰痘兩症。盡人不免。每多發於嬰兒。則爲寰區通病。考先哲傳書。詳於論痘而略於論癰。蓋以癰出六腑。與痘出五臟者不同。治得其法。可以片言居要。後學不明此意。輒謂治痘難。治癰易。淺試輕嘗。多至草菅人命。良可悲也。壬子歲。自春延及夏秋。凡大村小落。小兒枉折者。不知凡幾。雖曰氣數使然。亦半由司命者未得其竅要也。硯丞彙有癰疹備要。皆採古人精言良法。可與明理者證活幼之心源。頃因家君代刻神灸經綸一書。請付梓其後。爰誌數言於簡端。時咸豐三年歲次癸丑仲夏月雙溪吳與九書於聊且粗略之居。

痲疹備要方論目錄

原始論	一
疹脈	二
辨症	二
初熱	四
疹治合時	四
見形論治	七
收沒論治	九
分論始終雜證	三
發熱	三
身冷	四
咳嗽	五
氣喘	五

氣促	一六
嘔吐	一六
吐下虵蟲	一七
煩渴	一七
譫妄	一七
發搐	一八
飲食	一八
目疾	一八
鼻症	一九
口舌牙喉病	二〇
論汗	二一
腹痛	二一

麻疹備要方論 目錄

泄瀉	二二
痢疾	二二
大小便閉	二三
沉睡	二三
癰疖	二四
妊婦出疹	二四
蓋痘疹	二四
癰疹	二五
禁忌	二五
麻疹備用諸方	二六

麻疹備要方論

清 古欽 吳亦鼎硯丞編輯

鄞縣 曹赤電炳章圈校

原始論

疹之爲病也。本乎胎毒。感時行疹戾之氣而發。亦與痘同。但痘出五臟屬陰。陰主血。故有形有漿。其症有寒有熱有虛實。疹出於六腑屬陽。陽主氣。故有形無漿。其症多實。有熱而無寒。症既不同。治法亦異。世咸知痘疹所係於人者甚重。而不知疹之係人生死者爲尤重。蓋人當有生之初。受天地之氣以成形。乾爲天陽也。故稱乎父。坤爲地陰也。故稱乎母。陰陽二氣交感。而相火即寓乎其中。所以陰中之火。伏於人之身。發而爲痘。陽中之火。伏於人之身。發而爲疹。當其未發。無形可擬。無跡可尋。如石中之火。必擊而後動。及其動也。因人之稟質爲輕重。輕者可不治而愈。重者非善治不愈。所謂先天而天不違者此也。又必因天行之時氣爲緩急。

緩者外邪之來不暴疾。可輕散。可清解。隨表達而不遺。重者外邪之氣多暴疾。正氣先被其侵伐。內毒蘊結而不出。急當專力以治其標。使蘊結者乘勢而外達。所謂後天而奉天時者此也。苟能悉先天之體。明後天之用。則周旋折旋。無所往而不得其中矣。

疹脈

凡候疹脈。自初熱見形。以及收沒。但看右手一指脈洪大有力。雖有雜症。亦無大害。蓋右手一指脈。太陰肺脈也。肺主皮毛。脈氣通。自能載毒外出。是以無害。若肺脈沉小無力。大非所宜。疹發於陽經。脈反沉小。是爲陽症陰脈。司命者於此處最要留心。不得謂疹症無虛寒。而固執清熱解毒。以敗乃事也。

辨症

症者證也。證之於外。以知其內。凡病皆然。不獨疹也。疹出於脾肺二經。初必因外感而發。與傷風傷寒無異。特其症咳嗽噴嚏。面腫腮赤。目胞浮腫。眼淚汪汪。鼻流

清涕。呵欠悶頓。乍涼乍熱。手足稍冷。或中指獨冷。睡時驚悸。或惡心嘔噦。或以手搯面目脣鼻。是皆出疹之候。又必發熱五六日。而後見偏身紅點。大者如蘇子。次者如芥子。小者如蠶子。而成粒成片者是也。麻則最細而碎。如蚊迹模糊。斑則無顆粒。惟成片紅紫如雲如錦。又有遍身但紅而絕無斑點者。謂之火丹。數種亦皆疹類。大都正疹則熱至五六日而後出。則成朵成粒。非若斑疹之皮紅成片也。且斑疹之出。則不拘三日四日五日六日。出而又沒。沒而又出。俗謂一日三出。三日九出。只要出透。以遍身紅潤者爲美。最嫌黑陷。及面目胸腹稠密。纏鎖咽喉者。爲逆。發不出而喘者。卽死。如傷寒發斑。不能透發者。亦危。金鑑謂麻爲正疹。亦胎元之毒。故凡出疹。必須識各經中現症。如邪氣遏鬱於脾。則泄瀉不止。擾亂於心。則煩熱不退而發驚。熏灼於肺。則嘔嗽出血。移熱於肝。則目多眵淚。歸結於腎。則牙齦爛而疳蝕。五藏受病既深。正氣日餒而不振。若非及早圖之。鮮有不敗者矣。更有不治之症。如黑黯焦枯。一出卽沒者。氣血兩敗也。鼻扇口張者。脾肺氣將絕也。鼻青糞黑者。脾腎垂危也。氣喘心前吸者。心氣已殆也。諺云。走馬看麻痘。極言其變遷甚速。非比尋常內傷外感。可緩治以圖功。

初熱

天地六淫之氣感人。多致發熱。但手足稍微冷。惡寒而無汗。面色青慘不舒。左頰有青紋者。傷寒之熱也。手足稍微冷。發熱有汗。面赤而光者。傷風之熱也。目胞腫。右頰有筋。發熱時頭額肚腹更甚。或兼嘔吐腹疼者。傷食之熱也。面色青紅。額正中有紋。手掌心有汗。時作驚惕。手絡微動而發熱者。驚熱也。身熱而倍能食。脣紅頰赤。大小便秘。脇下汗者。火熱也。面色紅黃。發熱多汗。腹痛吐瀉。暑邪濕熱也。凡此症各不同。而熱則一。癩疹之熱。又何以別。大法以面赤耳冷。手中指獨冷。目含淚。鼻清涕。咳嗽噴嚏爲別耳。且癩疹發熱見點。近者五六日。遠則七八朝。甚有十餘日。不限定日數也。初起一二日內。不可卽行汗解。妄用寒涼。若熱發微和。發一日退一日。可不必服藥。如熱來連日不退。嗽煩無汗。宣毒發表湯主之。或用升麻葛根湯發之。

疹治合時

疹由胎毒。亦必因時令之氣而發。先宜表托。使毒盡達於肌表。若過用寒涼。遏伏熱毒。則必不能出透。多致毒氣內攻。喘悶而亡。若已出透。又當清利。以解餘熱。免致疹後變生諸症。且疹屬陽。熱重則陰分受傷。血爲所耗。故沒後必須養血。以保陰虧發燥。勿執泥於清利也。若病者血氣和平。素無他疾。雖感時氣。而正能勝邪。發熱必然和緩。微微汗出。神清氣爽。二便調勻。見點則透徹。收沒亦不疾不徐。此爲輕而易治。故萬氏家法。戒用藥不可太早。恐致耗散元氣。反生害患。必待見點方用。徐徐升發。然飲藥亦有次第。凡一劑分作十餘次服。以疹在皮膚之間。若作一次服。則藥性催之太速。每致譫語煩躁。是可爲輕視妄藥之良箴也。若素有風寒食滯。表裏交雜。一觸邪陽。火旺之氣。內外合發。而正不能制邪。必大熱無汗。躁煩口渴。神氣不清。便閉尿澀。見點不能透徹。收散或太急速。則爲重而難治。急宜臨機審察。果犯何逆。損其有餘。扶其不足。毋稍存游移之見。此又萬氏之法。不可拘守也。善治者機圓而法活。用藥必合時宜。如時值溫煖。宜發之以辛涼。用防風解毒湯。時值暄熱。宜治之以辛寒。用黃連解毒湯。若大寒之時。宜以辛溫發之。用桂枝解毒湯。或麻黃湯。當乍寒乍煖之際。宜以辛平發之。用升麻解毒湯。或荆防

敗毒散。因時用藥。毋伐天和。又須看人之虛實。如大便閉結。躁煩熱重。疹發不出。屬實症者。將酒蒸大黃微利之。如大小便清利。熱不重。吐利不止。屬虛症者。可加人參、白朮之類補托之。毋實實。毋虛虛。貴得其平。中病則止。如用前藥發散。一劑而疹仍不出。再作一劑。水煎溫服。外擦以芫荽酒。又以芫荽蘸酒戛之。務使肌理疏通。疹盡透發於表。庶無腹脹喘閉之患。若再不出。則爲不治之症矣。然亦有不盡然者。當人人束手之時。細心詳察。

一、初起發熱。遍身自汗。此毒從汗解。麻疹易出。若自汗過多。又是火盛內迫。致汗妄流。恐有亡陽之變。宜當歸六黃湯加浮麥止之。

一、發熱鼻血。亦毒從鼻衄解也。不可妄治。倘血出太多。是火盛致血妄行。以茅花湯主之。

一、發熱嘔吐者。是邪火內逼。毒氣上行。用竹茹石膏湯。微吐者不必用此。

一、初起自利甚者。亦火邪內熾。毒氣奔下大腸。宜升麻澤瀉湯。

一、初熱裏急後重。毒甚而滯下也。宜黃芩芍藥湯。

一、初熱咳嗽氣急。而出不快者。宜麻黃湯。春夏秋加石膏。冬加桂枝。或用羌活散。

或用消毒飲。外以茺葵酒自頭至足遍擦之。

見形論治

癰出有陰陽部位多寡之分。自頭而背及四肢向外處爲陽部。宜多出起頂。向內處爲陰部。宜稀少。若見陽部稀疏而不起頂。縱陰部多出起發。是陰陽相反。必有後患。當預防之。又云。自耳後項上腰腿先見。其頂尖而不長。其形小而勻淨者吉也。勿藥有喜。大凡疹子只要出得盡。則毒邪散。正氣自得和平。如拂拂發熱煩悶不安。如蛇在灰。如蚓在塵。或嘔吐注瀉。皆毒邪壅遏。尙未盡出。急用托裏散表之劑。或用麻黃湯去杏仁加蟬退升麻。外用胡荽酒之類。

一、疹出色白。由於脾胃氣餒。血不充肌。不可專主於清熱。宜助益脾氣。或養營湯。或人參敗毒散主之。

一、風寒外閉。欲出不出。熱重無汗。內外有不可解之勢。速用羌活內托散。若見隱影紫色。熱甚氣喘。宜清熱黃芩湯。

一、癰出紫黑晦暗不透。宜黃連解毒湯。若紫紅乾燥色晦。是火毒熾盛。宜滋陰涼

血湯。或大青湯。或元參湯選用。

一、癰出不透。熱極目紅。發痰作喘。此毒未盡出。氣因熱逼。宜用柴連解毒湯。

一、癰出熱不退。渴不止。遍身如錦紋者。宜化斑湯。毒甚煩躁不眠。紫滯不紅活者。

宜疏風解毒飲。夾痰煩渴者。宜人參白虎湯。

一、癰出夾斑。無他雜症。宜小柴胡湯。若蘊毒發斑者。宜黃芩橘皮湯。疹出色黑。熱

毒亢極。乃不治之症。姑用加味化斑湯。或涼血解毒湯。

一、癰出紫赤。內熱極也。但得形色光潤。顆粒尖聳者可治。速宜清涼解毒。佐以清

痰定喘。便得安痊。若枯燥無起色者不治。又有見煖則紅活。不煖則枯燥。是為

風寒所折。雖宜涼解。不可太過。如見疹色鮮紅。光澤有艷。頭粒離肉者輕。頭頂

平塌不起者重。

一、癰出如雲一片紅腫。又有細碎紅點。見於紅腫大片之上。此毒火熾盛。宜清解

分利。

一、疹已透表而粒焦者。無分紅淡。皆屬熱重。急當清解肺胃之熱。分利小便。如大便閉者。佐以涼血潤下之品。甚則投以承氣湯。失治則變紫黑。難以救療。

一、暑月出疹。發自陽明。古人治暑。以白虎湯主之。蓋以暑必兼濕。非用甘寒。不足以徹其熱。若疹毒內發。暑濕外侵。煩渴神不安者。宜却暑丹。佐以化毒。
一、咳嗽氣喘。口乾心煩者。乃毒在心肺。發未盡也。宜瀉白散。
一、咽喉腫痛。不能食者。乃毒火抑鬱上熏。宜甘桔湯加味。或以千金散少許。用竹管吹入喉中。或玉鎖匙亦可。
一、疹出卽沒。煩渴燥甚者。宜白虎湯加桔梗。連進二三服。若疹出後。熱不退。連綿三四日不收者。此毒火太甚。外發未盡。內有餘邪。宜化斑湯。或消毒飲。加元參、石膏、桔梗。倘遍身既出。而猶煩熱。頻作嘔吐。此毒邪留於肺胃。亦宜化斑湯。如大便閉結者。少加大黃微利之。

收沒論治

麻疹收沒。期以三日爲常。不疾不徐。自無後患。若未至三日而沒。肌膚煖處。絕無形影。此爲太速。必因調攝不謹。或爲風寒所襲。或爲邪穢所觸。以致毒反內攻。急宜內服荊防解毒湯。外用胡荽酒熏其衣被。使疹透出。方保無虞。有至二三日。疹

雖沒而肌膚煖處還有形迹。此毒尙未盡。失治必致內攻。仍當疏托。佐以清涼。若當散不散者。內有虛熱留滯於肌表也。切不可純用寒涼之劑。以柴胡四物湯治之。使血分和暢。餘熱悉除。疹即沒矣。若癩點帶白色。隱於肌表。似沒而不沒者。必因風寒外折。而不能透發。亦表虛故也。宜溫散風寒。使白變紅活。免致生變。古云。白疹溫而自消是也。有延至五六日不沒者。此內熱未除。以致不能盡沒。宜清涼佐以利水。若加煩躁。右關脈洪數有力。此胃中伏有濕熱。宜化斑湯。若疹已沒而身猶熱。晝夜不退。此邪火伏鬱皮膚之間。久則毛髮焦枯。肌表乾燥。肉見消瘦。是爲骨蒸癆症。宜蘆薈肥兒丸治之。遲則不救。如疹沒後身雖不見瘦削。但時發壯熱。煩躁不安。搐掣驚悸。神昏志亂者。此陰血虛耗。餘毒入肝而傳於心。宜棗麥四物湯主之。

一、疹沒綿綿發熱。不知早治。則成疳症。必致腹脹。午後發熱頭痛。宜柴苓四物湯。若口渴少食煩悶。宜小柴胡湯。

一、沒後潮熱。宜升麻葛根湯。煩渴用黃連解毒湯。溺赤如米泔汁。宜五苓散加車前子。木通。若見便血。宜黃連解毒合犀角地黄湯。鼻血用涼膈散。加梔仁。生地。

童便

一、沒後日夕煩躁。讖語狂亂。是餘熱在肺胃。宜辰砂益元散。燈草煎服下。或辰砂五苓散。水煎服。

一、沒後飲食如常。動止如故。卒然心腹絞痛。遍身汗出如水。此元氣虛弱。失於調補。偶爲惡氣所中。謂之中惡。危在旦夕。用砂仁末二錢。浮麥煎湯沖服。或伏龍肝。泡水溫飲。亦百中救一。

一、沒後腹痛兼瀉利。宜連芍湯。若腹脹不食。脾胃受傷。宜柴蘇清肺飲。

一、面目浮腫。此飲食內傷。或過食生冷。致陰陽不能升降。膀胱之氣不行。如見小便短少。必致氣喘。宜五苓散。加木通、滑石、腹皮。若見喘促。又宜四苓。加竹瀝、桑皮、葶藶。喘促甚急者不治。

一、沒後泄瀉。用黃連解毒合導赤散。若泄瀉不止。口渴目閉。四肢厥冷者難治。加以嘔吐不食。肛門突出。或大孔直如竹筒者不治。如沒後痢疾。是熱積大腸。宜四苓加芩、連、木通、白芍。或香連丸亦可。

一、沒後咳嗽。宜涼膈散。加桔梗、地骨皮。嗽不止。宜清肺飲。或四物合二陳。加桔梗、

瓜蒌、五味、渴加麥冬。喘加桑皮、枳殼、蘇子。噎嗽或咳出血。此熱毒乘肺。宜麥冬清肺飲。

一、胸高如龜。肩聳而喘。血從口鼻出。搖頭擺手。面色時變枯黯者不治。亦有肺氣虛爲毒所遏。而發喘不已者。宜清肺飲。倍人參。不可拘肺熱一端。純用清涼。若聲啞喘咳。身熱不退。肺金受尅。宜清金降火湯。又有麻毒內攻。喘促胸突。肚急目閉者。九死一生之症。速用防風消毒飲治之。

一、沒後發癰毒。肢節疼痛者。乃熱毒留結。宜羌活散。微汗利之。或遍身生瘡。爲麻風瘡。宜大連翹飲。若生瘡發熱不退。宜解表。用疏風散。不治必每歲應時而發。

一、沒後眼紅目腫。翳膜遮睛。乃麻毒上攻。久必傷目。宜芎歸飲。

一、口舌生瘡腫痛。此心脾有熱。必二便結澀。宜清心脾之火。兼潤大腸。用豬苓澤瀉湯。泄去餘毒。其症自愈。若滿口脣舌黃赤白爛。其症最重。速宜清胃涼血。佐以潤腸。

一、沒後牙疳。乃心脾二經爲毒火所攻。若不早治。漸有穿腮落齒之患。甚至痰喘救無及矣。又麻後血液傷耗。早食甜物。及感風生蟲。侵蝕筋骨。口鼻壞爛。先以

米泔溫洗淨。急用勝金散敷之。或搽牙散亦好。仍以消毒飲煎服。合四物湯加甘草五味更妙。若爛喉者。以小竹筒裝藥吹之。如山根發紅點者。便不可治。若牙疳肉爛。鼻血橫行。並爲失血之症。用四物加山查、茵陳、木通、犀角治之。如疳及舌苔白色者。則胃已爛。亦不可治。又有痲毒入胃。結而不散。致成牙齦黑爛出血。是爲走馬牙疳。久則穿腮破爛。缺脣崩鼻。遂成危症。外用文蛤散吹之。或雄黃散。先以艾煎湯洗淨。搽之。再服蘆薈黃連丸。以清胃火。大抵牙疳一症。初見紅腫。俱宜清胃散主之。

分論痲疹始終雜症

發熱

痲疹非熱不出。然有微熱。有壯熱。有乍熱潮熱復熱之不同。微熱者熱輕而不壯。惟初起爲宜。正出之時。熱不可微。微則不能透表。將沒及沒後見此。爲疹毒已盡。不須服藥。壯熱者經日不退。正出時是爲正候。若初起壯熱。直至已出不少減。其症必重。沒時壯熱不退。尤爲不宜。急當用藥清解。熱退神安。方可無慮。然亦有沒

後壯熱。口乾唇燥。昏睡沉沉。服清涼解毒之藥。熱退身冷如冰。少時又復大熱。再投以芩連之類。全無應效。而且面色青慘。喉作鷄聲。頭搖目泛。氣喘神昏。此爲中氣虛寒。浮陽外越。有不得終日之勢。非大辛大熱之品。不足以冲開寒痰。反真陽於內府。速用熟附湯。或加肉桂、胡椒、炮薑之類。接用附子理中湯。合六味丸料。去澤瀉、丹皮。加枸杞子、破故紙。庶使寒消陽復。風熄痰平。再加棗仁、白芍、五味子。以斂其陰。所謂甘溫能除大熱。正此意也。有熱數日止。過數日又熱。或一日間早熱午涼。中熱暮止。均爲乍熱。未出時見之。毒邪難透。宜疏散。正出時見之。恐毒攻內。宜疏托。若沒後乍熱。毒邪未盡。當涼解分利。又有一日一度。如潮水之信。來不失期。曰潮熱。初時必無此症。出盡及沒後。氣血兩虛。營衛之行。失其常度。故熱應時而作。宜益陰退陽。乃爲正治。復熱者。熱已退而復發。亦沒後有之。是餘毒未盡。治宜涼解。總之疹子出透。其熱當減。倘仍大熱者。宜化毒清表湯。疹已收沒而身熱者。宜柴胡清熱飲。

身冷

麻疹屬火。身宜溫煖。今反身冷如冰。未出正出時見之。最爲逆候。正沒及沒後有此。屬氣血大虧。脾胃將壞。當行溫補。或可得生。

咳嗽

疹喜咳嗽。咳多則毛竅開而易出。故先時以嗽爲吉。若初熱三日不咳。至四五日仍不見咳。便非疹候。初時咳少。則腠理秘密。而疹不出。當於發散藥中加半夏。以助其咳。又有乾咳連咳不斷者。此爲火旺。肺金受尅。必須清肺降火。佐以升發。初起升麻葛根湯。加前胡、桔梗、蘇梗、杏仁。沒後用清金寧嗽湯。但疹後旬日內。尙宜有嗽。所遺餘毒。須假嗽而散。此頓出頓入之勢。切不可見嗽多而治嗽也。

氣喘

喘爲惡候。麻疹厚爲不宜。喘者開口而作。胸肋高疊。起止不定是也。當分虛實施治。虛者小便清利。大便溏瀉。脣白身不甚熱。絕無火證。又非外邪。必皆氣脫之候。此非六氣。煎貞元飲。必不可也。實者大便堅結。小便赤澀。熱重不退。初出未透無

汗。用麻杏石甘湯。已出用清氣化毒飲。或如神定喘湯亦佳。大抵未出而喘者可治。已出並沒後喘者多不可救。

氣促

氣來急迫。呼吸緊而不和。是屬肺病。蓋肺爲五臟華蓋。主氣出入。一經毒火熏灼。失其清肅之權。則氣不清。因致急促。見於未出正出之時。治宜疎托。甚至麤船聲。鳴速爲清痰降火。十中可救二三。若見於正沒沒後亦宜清火保金。倘見風沒早。毒火內攻。並見麤船。可不必治。

嘔吐

癰疹嘔吐。是胃中毒火。不能發洩。鬱而上攻。須以竹茹石膏湯。和中清熱。其吐自止。若吐清涎白沫。亦胃火內逼。津液上泛。又有吐出如藥者。有吐出成塊者。皆宜降火消痰。用花粉、貝母、甘桔、芩連、杏仁、桑皮、麥冬之類。南星、半夏等燥藥。又不可妄用。

吐下蚘蟲

蟲之吐下。見於將出正出之間。因胃中有熱。膈上有痰。蟲不能安。所以吐而下也。正沒沒後犯此。是熱重不納食。蟲無所養。思食而出。若過十餘條。則有蟲厥之變。初熱吐蟲者。是脾胃虧虛。疹必難出。大非所宜。沒後下蟲。乃胃熱未清。熱退自愈。

煩渴

凡麻疹煩渴者。乃毒火壅甚也。心爲熱擾。神志不得安然。故嘈雜而煩。胃因熱鬱。津液被火燥耗。故口乾而渴。初出用升麻葛根湯。加麥冬花粉。已出用白虎湯。沒後用竹葉石膏湯。若煩至乾燥。渴無已時。則亦難矣。

譫妄

譫妄一症。乃真氣昏昧。神識不清所致。夫心藏神而主火。病則熱氣歸焉。麻疹胃中熱甚。上乘於心。心爲熱冒。則神明昏亂。而言無倫次。遂成譫妄之語。未出宜三

黃石膏湯治之。已出用黃連解毒湯治之。

發搐

癩症發搐。不可以急驚風同論。初熱見形之時。熱勢勃勃。週身血氣擾動筋絡。遂抽搐。無甚大害。只宜疎散。加以清涼。若沒後壯熱不除。忽作搐者。宜導赤散。加人參、麥冬、送七味安神丸。小便清者可治。短少者難治。如見多痰。或用抱龍丸。或以四物湯加麥冬、棗仁、淡竹葉、龍膽草、甘草、黃連、茯苓、辰砂、石菖蒲之類。

飲食

凡出疹不思飲食。此胃爲邪氣所侵。或三四日。或五六日。亦無妨。切不可因其不食。着意治之。只宜清胃火。疹子出盡。自能漸進穀食。若癩後血虛脾弱。不思食者。宜四物湯加麥芽、神耬治之。如欲飲水者。可少少與之。則毒氣隨之漸解。蓋疹爲實熱。自初至末。必皆喜飲涼水。此不必禁。

目疾

凡疹初熱未出。眼光如水。此爲正候。若眼多眵淚。乃肝脾有火。無分前後。總宜清熱。未出時白珠赤肺有熱也。疹出自解。沒後白珠仍赤。亦肺火未盡。宜清肺瀉火。若沒後不避風寒。以致眼眶紅爛流淚。速宜疏風解毒。若延遲不治。則有終身之患。若沒後餘毒入目。翳膜遮睛。或成珠目蟹眼。用孫氏洗肝散。又斑瘡入目生翳障。用通神散。餘毒壞目。用明目方。

鼻症

鼻爲肺竅。肺氣清則疹易出。若鼻乾無涕。臟腑熱極。塞而不通。前後見之。皆爲重症。或暫涕暫無。或先無涕。熱退清涕卽來。或因熱鼻眵乾結。似無涕者。此皆熱毒閉塞。速爲清熱解毒。得嚏涕鼻通。毒卽解矣。若毒火上衝。肺氣載血上行。則爲鼻衄。然衄中有發散之義。以毒從衄解。不須止。但不可太過。過則血脫而陰亡也。如衄甚者。外用髮灰散吹入鼻中。內服犀角地黃湯。其血可止。又有鼻扇者。肺將絕也。一見喘滿痰鳴。便不能治。若咽清不喘。精神如故。治以潤肺清痰。庶危者猶可望其生也。

口舌牙喉病

凡癰症口臭。是火毒積於腸胃。若其人平日已然。又不以此論。只清胃降火。口臭自平。若見脣口破裂。知爲心脾二經熱毒上衝。初起色紅。血活用清涼加以疎托。尙可解散。如見紫黑枯燥。血已凝滯。遂不易治。沒後見此。則心脾已敗。必不免於危亡。若脣生瘡。亦屬胃熱。每日用米泔水溫洗十餘次。漸次消解。至於舌乃心之苗。舌苔薄熱亦輕。舌苔厚熱亦重。或生瘡。白屑腫痛。皆心火炎灼。俱宜清涼疎利治之。惟黑苔枯燥起刺。火亢而兼水化。則胃敗矣。凡出疹之先。或有胃火。及出疹之後。餘毒不散。熱毒積聚於牙齦。若不知早爲解毒。多變走馬疳症。又有熱重咬牙者。此陽陷於陰。必多渴而手足俱熱。喜飲冷水。宜滋陰降火。如食辛辣助熱之物。必致下血。咽痛痰響而死。蓋熱毒上攻咽喉。輕則腫痛。重則湯水難下。最爲可慮。表邪鬱遏疹毒。不能發舒於外。而咽喉腫痛者。元參升麻湯主之。裏熱壅盛。疹已發於外。而咽喉作痛者。涼膈消毒飲主之。若熱毒閉塞肺竅。以致失音。初出用元參升麻湯。已出用加減涼膈散。沒後宜兒茶散主之。

論汗

凡出疹最喜有汗。有汗則腠理開通。毒從汗解。但不可太過。如汗太多。用人參白虎湯。或合黃連解毒湯治之。若皮膚乾燥無汗。閉而難出。或致內攻。爲腹脹氣急等症。此外爲風寒所折。夏秋用輕劑宣發肌表。春冬用重劑升散寒邪。如果屬火熱。閉鬱無汗。必脣紅破裂。二便結澀。渾身脹痛。多致喘促。齁齕痰鳴。速用寒涼。清肺降火。俾肌表透達而有汗。疹卽隨汗而盡出於外。後可無餘毒。不然卽成敗症。故痲症始終以微汗爲吉。

腹痛

痲症腹痛。由於食滯凝結。熱毒不能宣發於外。故有時曲腰啼叫。兩眉頻蹙。須用加味平胃散治之。若不因食積。全是熱毒內結。治宜疏托。使疹子盡出。痛自止矣。沒後見此。又宜清涼解毒。使毒內消。痛亦隨減。

泄瀉

痲本火候。大便溏瀉。黃褐色爲正。初熱正出時。下利數次。毒氣得泄。但不宜多。久則脾氣下陷。毒難發越。後恐變痢。初起作瀉者。以升麻葛根湯。加赤苓、猪苓、澤瀉主之。已出作瀉者。以黃連解毒湯主之。若水瀉黃色有沫。小便赤。脣燥口乾。乃毒熱移入腸胃。傳化失常。亦宜清涼利水。俱不可用溫熱之劑。如自利不止。水瀉頻數。最爲惡候。若疹子稠密。或紫紅色。則又無妨。蓋以毒在大腸。非瀉不解。宜平胃散。加黃連、葛根、連翹以解之。疹子發透。自然瀉止。有沒後仍不止者。此未出盡。再用前藥。倍連翹、黃連。加木通、澤瀉、牛蒡子分利之。切勿治以固瀉。致腹脹痞滿。喘急不治。景岳以爲瀉利一症。果由疹毒固。不可以溫補。若其人脾氣本弱。或過用寒涼之藥。或誤食生冷。致傷脾胃。而爲泄瀉者。雖曰由疹而發。而實非疹毒之病矣。但察其無熱症熱脈。而兼色白氣餒者。便宜溫胃飲。五君子煎。胃關煎之類主之。若執謂疹毒不可溫。則無不危矣。

痢疾

痲疹作痢。謂之夾疹痢。因毒熱未解。移於大腸所致。有腹痛欲解。或赤或白。或赤

白相兼者。悉用清熱導滯湯主之。若見痢色紫黯。或如癰膿。屋漏水。鷄肝色。黑豆汁。氣喘燥渴。發呃不食。皆不可治。若痲出之時。曾作瀉痢。未經清解。至沒後變成休息痢。裏急後重。晝夜無度。此餘毒留於大腸。須分虛實用藥。實者三黃丸利之。虛者香連丸和之。再以黃芩湯養血行氣。血和則便膿自愈。氣行則後重自除。正此謂也。

大小便閉

痲疹大便閉者。乃火邪留結大腸。結而不解。致毒內攻。故無論前後。卽與潤利無妨。小水赤澀者。初起正出時爲正候。若見於正沒及沒後。爲遺毒不散。宜用導赤散治之。如仍不通。或因大便閉結所致。通其大便。小便自利。

沉睡

凡痲疹熱輕。神安氣定。醒睡如常吉也。設當發熱正出之時。昏昏沉睡。必是火邪內鬱。未透於表。速宜用藥宣發。佐以清熱。免致後患。若正沒及沒後見此。又是熱

退神清。多睡以養復元氣。不爲害也。倘昏睡不省人事。不知痛癢。或似睡非睡等症。皆在不治。又有一等面腫目閉者。乃脾經火旺。治以瀉黃利水。火退目閉自開。

麻疖

麻後發熱成疖。初時夜間身熱自汗即退。或日晡時面紅神倦嗜臥。微熱得汗稍解。日復如是。宜早爲施治。用黃連解毒湯主之。倘延遲失治。或四五十日。或百日。或一二年。形體日瘦。腹膨泄瀉。不可救藥。

妊婦出疹

凡婦人懷胎出疹。不可與尋常同論。須以安胎清熱爲主。使胎無犯。而麻易沒也。宜四物湯加條芩白朮艾葉砂仁。如胎氣上衝。急用芩根艾葉煎湯。磨檳榔少許。服之即安。

蓋痘疹

凡小兒出痘方愈。隨即出疹。名蓋痘疹。因痘後餘毒未盡。更兼不戒口腹。外感風寒。以致徧身出疹。色赤作癢。始如粟米。漸成雲片。宜加味消毒飲。疏風清熱。疹即愈矣。

癰疹

癰疹者。發必多癢。色則紅赤。隱隱於皮膚之間。乃心火灼於肺金。又兼外感風濕。先用加減羌活散。疏風散濕。繼以加味消毒飲。清熱解毒。表裏清而疹自愈。

禁忌

凡癰疹初出。切戒風寒生冷。如一犯之。則皮膚閉密。毒氣壅滯。遂變渾身青紫。而毒反內攻。煩躁腹痛。氣喘悶亂。諸症作矣。欲出不出。危亡立至。首宜慎之。至於飲食。尤宜戒忌。鷄魚炙博。鹽醋五辛之類。須過七七之後。方宜食之。惟宜食淡。不可縱口。致生他疾。若誤食鷄魚。則終身粟起如鷄皮之狀。誤食猪肉。則每歲出疹之月。多致下利。誤食鹽醋。必致咳嗽。亦遇出疹時必發。誤食五辛。則不時多生驚熱。

此皆出疹之家。不可略意。而遺小兒終身之患也。戒之慎之。

癩疹備用諸方

宣毒發表湯

升麻

葛根

荊芥

防風

薄荷葉

枳殼

桔梗

前胡

連翹

牛蒡子

木通

生甘草

淡竹葉

引加芫荽水煎。

外感寒邪。加麻黃。夏月勿用。

食滯加南山查。內熱加黃

升麻葛根湯

升麻

葛根

赤芍

生甘草

引加芫荽水煎。

防風解毒湯

荆芥

防風

連翹

枳殼

牛蒡子

桔梗

石膏

知母

木通

生甘草

淡竹葉

引加燈芯。水煎溫服。

加味黃連解毒湯

黃芩

黃連

黃柏

元參

山梔仁

桔梗

石膏

荆芥

防風

牛蒡子

知母

木通

生甘草

水煎服。

桂枝解毒湯

麻黃

桂枝

赤芍

甘草

荆芥

防風

川芎

羌活

桔梗

人參

牛蒡子

癰疹備要方論

癰疹備用諸方

生薑引水煎。

升麻解毒湯

升麻

葛根

荆芥

防風

柴胡

前胡

甘草

桔梗

羌活

牛蒡子

連翹

赤芍

引用竹葉水煎。

荆防敗毒散

羌活

荆芥

獨活

防風

茯苓

生甘草

枳殼

柴胡

前胡

川芎

桔梗

引用生薑水煎服。

當歸六黃湯

當歸

黃連

黃芩

黃柏

黃耆

山梔仁

生地

熟地

引加浮小麥。水煎服。

茅花湯

生地

丹皮

歸身

甘草

茅花

元參

百草霜

水煎服。

犀角地黃湯

犀角

丹皮

生地

白芍

水煎服。

竹茹石膏湯

半夏薑製

赤苓

石膏煨

陳皮

生甘草

竹茹

引用生薑。水煎服。

升麻澤瀉湯

赤苓

猪苓

澤瀉

甘草

滑石 升麻

用引燈芯水煎服。

黃芩芍藥湯

黃芩 黃連

當歸

白芍

升麻 甘草

生地

木通

枳殼

或加大黃水煎服。

羌活散

羌活 防風

川芎

前胡

枳殼 桔梗

薄荷

甘草

引用生薑水煎服。

加連翹、蟬退、茯苓。各加味羌活散。

消毒飲

荊芥 防風 桔梗

枳殼

牛蒡子 升麻 蘇葉

甘草

石膏

引用生薑水煎服。

本方去枳殼、桔梗、蘇葉、石膏。加連翹、赤芍、山查。名加減消毒飲

養營湯

人參

當歸

赤芍

紅花

甘草

水煎服。

羌防內托散

羌活

防風

葛根

桔梗

查肉

地骨皮

蟬退

僵蠶

連翹

甘草

引用薑棗水煎服。

清熱黃芩湯

黃芩

赤芍

木通

防風

葛根

桔梗

查肉

元參

連翹

蟬退

僵蠶

花粉

石膏

地骨皮

引用燈芯水煎服。

黃連解毒湯

黃連

黃芩

黃柏

黑山梔

水煎服。

滋陰涼血湯

當歸

白芍

川芎

柴胡

葛根

牛蒡子

黃芩

連翹

紅花

水煎服。

大青湯

大青草

元參

桔梗

石膏

知母

人中黃

梔子仁

木通

升麻

水煎服。

元參解毒湯

元參

甘草

桔梗

山梔

黃芩

葛根

荊芥

生地

水煎服。

柴連解毒湯

柴胡

黃芩

黃連

元參

知母

貝母

防風

赤芍

連翹

牛蒡子

陳皮

甘草

水煎服。

化斑湯

人參

知母

石膏

牛蒡子

連翹

升麻

地骨皮

竹葉

甘草

粳米

水煎服。

人參白虎湯

人參

石膏

知母

甘草

粳米

水煎服。去人參即白虎湯。

疏風解毒飲

荆芥

牛蒡子

丹皮

元參

貝母

蘇葉

黃連

甘草

麥冬

水煎服。

小柴胡湯

人參

半夏

甘草

黃芩

柴胡

引用生薑水煎。

黃芩橘皮湯

黃芩

枳實

水煎服。

涼血解毒湯

當歸

丹皮

甘草

引用燈芯水煎服。

小承氣湯

大黃

水煎服。

陳皮
麻黃

乾葛
厚朴

杏仁
甘草

生地
連翹
桔梗

紫草
白芷

紅花
川連

厚朴

枳實

却暑丹

黃芩

甘

草

錢各五

珠

砂

二錢

研末蜜丸。麥冬湯下。

瀉白散

桑白皮

地骨皮

甘

草

粳

米

水煎服。

甘桔湯

甘草

桔梗

連

翹

元

參

防風

牛蒡子

水煎服。

千金散

黃柏

錢半

黃

芩

二錢

元

參

五分

硼

砂

三分

乳香

二分

兒

茶

四分

雄

黃

五分

共研細末。每用少許吹之。

玉鎖匙

硼砂一錢

朴硝五分

殭蠶二條

冰片五厘

共爲細末用竹管吹之。

荆防解毒湯

荆芥

薄荷

黃連

防風

大青草

黃芩

犀角

人中黃

連翹

牛蒡子

引用燈芯、蘆根水煎。

四物湯

生地

白芍

當歸

川芎

水煎服。

柴胡四物湯

即四物加人參

柴胡

淡竹葉

地骨皮

知母

黃芩

麥冬

麻疹備要方論 麻疹備用諸方

引用薑棗水煎。

棗麥四物湯

卽四物加麥冬

棗仁

黃連

石菖蒲

淡竹葉

龍膽草

茯神

甘草

引用燈芯水煎。

柴苓四物湯

卽四物加茯苓

黃芩

陳皮

甘草

柴胡

黑山梔

木通

水煎服。

蘆薈肥兒丸

蘆薈

龍膽草

木香

蟬蛻

人參

胡黃連

川黃連

檳榔

蕪荑

使君子肉

麥芽

當歸

連翹

各製爲末。猪膽汁丸黍米大。每服五六十九。米飲下。

五苓散

白朮

澤瀉

茯苓

猪苓

官桂

水煎服。本方除桂。卽四苓散。本方加辰砂。卽辰砂五苓散。

涼膈散

大黃

朴硝

黑山梔

連翹

黃芩

薄荷

甘草

水煎服。

辰砂益元散

滑石六錢

甘草一錢

辰砂三分

共爲細末。每服三錢。燈芯煎湯調服。

連芍湯

當歸

白芍

黃芩

黃連

甘草

枳殼

葛根

陳皮

蒼朮

烏梅

水煎服。

清肺飲

知母

貝母

甘草

桔梗

杏仁

牛蒡子

石膏

馬兜鈴

粳米

水煎服。

麥冬清肺飲

即前清肺飲加麥冬

連翹

水煎服。

紫蘇清脾飲

防風

柴胡

蘇葉

厚朴

腹皮

當歸

山查

香附

神麴

麥芽

陳皮

甘草

砂仁

水煎服。

導赤散

生地

木通

甘草梢

淡竹葉

水煎服。

香連丸

黃連一兩吳茱萸一兩水拌蓋定
坐篋水內半日許炒揀去萸

廣木香三錢不見火

同研末。醋糊丸。每服一錢。米飲湯化服。

清金降火湯

生地

當歸

白芍

陳皮

瓜蒌子

貝母

天冬

杏仁

甘草

石膏

黃連

黑山梔

桑皮

茯苓

元參

蘇梗

黃芩

水煎。加薑汁、竹瀝服。

防風消毒飲

荆芥

防風

牛蒡子

甘草

枳殼

桔梗

石膏

蘇葉

百部

馬兜鈴

葶藶

桑皮

水煎服。

大連翹飲

當歸

赤芍

荆芥

防風

黑山梔

黃芩

柴胡

甘草

蟬蛻

淡竹葉

水煎服。

疏風散

羌活

當歸

白芍

連翹

升麻
柴胡

蒼朮
甘草

乾葛

生地

水煎服。

芎歸飲

升麻

乾葛

蔓荊子

連翹

荊芥

防風

木賊

白蒺藜

石膏

白菊花

黃芩

黃柏

黑山梔

甘草

燈心

水煎服。

猪苓澤瀉散

荊芥

防風

薄荷

連翹

當歸

白芍

川芎

白朮

白芷

陳皮

桔梗

猪苓

澤瀉

水煎服。

清胃散

升麻

黃連

當歸

生地

牡丹皮

水煎服。

勝金散

青黛

明礬

雄黃

文蛤

皂莢

梔子

血餘

冰片

製爲細末。磁瓶收貯。

文蛤散

雄黃五錢

五倍子二錢

枯礬八分

麝香五釐

共爲末。用吹牙疳甚效。

雄黃散

雄黃一錢

黃柏二分

麝香五釐

合爲末。用治牙疳。先以艾煎湯。洗淨搽之。

蘆薈黃連丸

蘆薈

龍膽草

黃連

五靈脂

使君子肉

人中白

蒸餅爲丸。開水下。

熟附湯

熟地

製附子

水煎服。

附子理中湯

人參

製附子

白朮

炙甘草

炮黑乾薑

水煎冷服。

六味丸

熟地

丹皮

澤瀉

山萸肉

山藥

茯苓

製末蜜丸。或照料煎服亦可。

化毒清表湯

葛根

薄荷

地骨皮

牛蒡子

荊芥

防風

黃芩

黃連

元參

知母

甘草

桔梗

引生薑、燈草。水煎。

柴胡清熱飲

生地

白芍

柴胡

黃芩

麥冬

地骨皮

知母

甘草

引生薑、燈草。水煎。

清金寧嗽湯

前胡

桔梗

瓜蒌仁

杏仁

川連

貝母

橘紅

炙桑皮

甘草

引生薑、紅棗。水煎。

麻杏石甘湯

麻黃

水煎服。

清氣化毒飲

前胡

川連

元參

引蘆根。水煎。

如神定喘湯

黃芩

花粉

瓜蒌仁

杏仁

石膏

甘草

桔梗

瓜蒌仁

杏仁

黃芩

連翹

桑皮

麥冬

甘草

川連

梔子仁

桔梗

赤苓

貝母

牛蒡子

杏仁

麥冬

生石膏

水煎。冲竹瀝一盃服。

三黃石膏湯

麻黃

石膏

淡豆豉

黃柏

黃連

梔子仁

黃芩

水煎

七味安神丸

川連

麥冬

當歸

茯苓

甘草錢各五

硃砂一兩

冰片二分

右爲末。蒸餅用獾猪心血搗丸黍米大。每服十丸。燈芯湯下。

抱龍丸

天竺黃

水飛辰砂

生甘草

炒枳殼

白茯苓

薑炒膽星

白礬砂各一兩

懷山藥二兩

琥珀七錢

沉香

雄黃錢各五

麝香二分

蒸餅爲丸。芡實大。金箔爲衣。陰乾收貯。薄荷湯下。

孫氏洗肝散

全蛇脫一條

馬勃一兩

皂角子十四枚

共入磁罐內。鹽泥封固。燒存性。退火研末。白湯調下。

通神散

甘菊

萊豆皮

穀精草

右等分爲粗末。同柿餅用粟米泔慢火熬乾。去藥渣。食柿餅。不過十餘箇立效。

髮灰散

取少壯無病人髮。煮皂角水洗淨。焙乾。填滿新瓦罐內。用新瓦片蓋定。鹽泥封固。用炭火圍罐之半。煨一炷香。取出候冷。研極細末。吹入鼻中。或髮灰二分。童便七分。酒三分調服。止血如神。

加減涼膈散

苦桔梗

山梔仁

黃芩

生甘草

元參

牛蒡子

薄荷

連翹

麥冬

水煎服。

兒茶散

礪砂二錢

孩兒茶五錢

共爲細末。涼水一盞調服。

加味平胃散

升麻

防風

枳殼

葛根

南山楂

麥芽

蒼朮

厚朴

陳皮

生甘草

引生薑、燈芯。水煎。

五君子煎

人參

茯苓

白朮

炙草

炮薑

水煎服。

溫胃飲

人參 炙草

當歸 陳皮

扁豆 乾薑

白朮

水煎服。

胃關煎

熟地

山藥

扁豆

炙甘草

淡吳萸

白朮

炮薑

水煎服。

清熱導滯湯

當歸

白芍

連翹

牛蒡子

小青皮

炒枳殼

黃芩

川連

山查

厚朴

檳榔

甘草

引生薑水煎。

三黃丸

黃芩酒炒

川連吳萸炒

蒸大黃

癰疹備要方論

癰疹備用諸方

右各等分爲末。糊丸梧子大。每服二十丸。白湯下。

黃芩湯

黃芩

黃連

當歸

川芎

人參

木香

青皮

枳殼

檳榔

甘草

水煎服。

貞元飲

熟地

當歸

甘草

水煎服。

六氣煎

人參

黃耆

當歸

肉桂

白朮

炙草

水煎服。

癩疹備要方論終

後記

《慈幼新書》，又名《慈幼筏》，兒科專著。爲明代醫家程鳳雛所撰，刊刻于康熙甲申年（公元一七〇四年）。鳳雛反對守一師之說，束書不觀，強調博采衆長，「一番推出一番新」。

是書除卷首載保養胎產外，餘十二卷均論幼科病症之證治。自痘疹驚癇、瘡痢疳疸，至口齒耳鼻、瘡疽雜症，收羅齊全，內容豐富，乃集大成式之著作。全書有論有方，頗切實用；有詳有略，據證而异。如以洋洋四卷，專述痘瘡之辨治。難能可貴者，鳳雛于傳統方劑之後，每附法簡效顯之驗方。意在「窮鄉僻壤，系餌難得，故備經驗治法，爲襁褓中乞命」。而書首所載之未產保養的優生思想，至今亦不失其價值。

《慈幼新書》自付梓後，流傳不廣，後世版本甚少。今據上海中醫學院所藏之乾隆十一年（一七四六年）玉詔堂藏板刊本，對本書重作校勘。

《原瘡要論》，辨治麻疹專書。瘡，即指麻疹。本書刊于清道光戊子年（一八二八年）。作者系清人袁氏，佚名，嘉慶時人。其身世不詳。

考古代幼科，以痘麻最關緊要。痘症論者甚多，而麻疹則尚略。是書乃補此缺也。全書一卷，前論麻疹諸般症候及并發症之證治；次述藥味所忌，分列對症治療之方劑；後附虞氏麻疹治法一文。是書論證辨狀雖簡，然處方用藥述之甚詳。且因屬家傳之抄本，故見解多有獨到之處。

本書自道光年間束農主人刊刻問世後，再無其他版本。故從醫理文義，予以重校之。

《麻疹備要方論》，亦為麻疹專書，故曹炳章編輯之《大成》本，將其和《原瘡要論》合為一冊。本書系清代醫家吳亦鼎所撰。亦鼎，今安徽歙縣人，其生卒年月不詳。尚匯集前賢灸治之法，參合本人經驗，輯有《神灸經綸》一書。

全書一卷，首作總論，探病因而論診治，高屋建瓴，統括全局；繼

乃分述各類并發症之具體救療，簡而不繁，詳而不贅；麻疹備用諸方附于最後，每藥均未注明分量，意在令讀者臨症自行斟酌，隨證加減。是書首尾相貫，結構謹嚴，體宗細致，多屬經驗之談，頗可供臨床借鑒。

《方論》與《神灸經綸》均刻成于咸豐三年（一八五三年）。嗣後，除《大成》本外，亦未見另外版本，此次重校，只作本校、理校。

張仁

書目

(一) 黃帝內經素問集註	(清) 張隱庵	(二) 黃帝內經靈樞集註	(清) 張隱庵	(三) 傷寒明理論	(明) 吳有性	(四) 傷寒九十論	(明) 許叔微	(五) 陰證略例	(清) 王好古	(六) 傷寒兼證析義	(清) 張仲	(七) 傷寒六經辨證治法	(清) 沈日南	(八) 傷寒補例	(清) 周學海	(九) 傷寒來蘇集	(清) 柯琴	(十) 重刊金匱玉函經	(清) 趙養德	(十一) 沈註金匱要略	(清) 沈日南	(十二) 金匱要略心典	(清) 尤在涇	(十三) 金匱翼	(清) 尤在涇	(十四) 脈經	(唐) 王叔和	(十五) 玉函經	(唐) 杜光庭	(十六) 重訂太素脈秘訣	(明) 劉伯祥	(十七) 脈語	(明) 吳崑	(十八) 醫燈續焰	(明) 王紹隆	(十九) 脈說	(清) 葉子南	(二十) 望診遵經	(清) 汪廣惠	(二十一) 重訂診家直訣	(清) 周學海	(二十二) 臨證驗舌法	(清) 楊雲峰	(二十三) 察舌辨證新法	(清) 劉恒瑞	(二十四) 脈學輯要評	(清) 尤在涇	(二十五) 瘟疫論	(明) 吳有性	(二十六) 醫門普度瘟疫論	(明) 吳有性	(二十七) 張氏溫暑醫旨	(清) 吳有性	(二十八) 瘟疫明辨	(清) 戴天章	(二十九) 溫熱暑疫全書	(清) 周西華	(三十) 溫證指歸	(清) 吳正功	(三十一) 溫熱病指南集	(清) 周約元	(三十二) 溫熱病指南集	(清) 陳平伯						
(三十三) 南病別鑑	(清) 郭香岩	(三十四) 痧脹玉衡	(清) 郭石陶	(三十五) 瘧疾論	(清) 郭石陶	(三十六) 溫時疫治療法	(清) 紹興醫學會	(三十七) 伏氣解	(清) 張鳳達	(三十八) 伏邪新書	(清) 葉子南	(三十九) 伏陰論	(清) 劉吉人	(四十) 羊毛瘟論	(清) 田雲樵	(四十一) 溫熱達源	(清) 柳寶詒	(四十二) 隨息居霍亂論	(清) 王士雄	(四十三) 霍亂審證舉要	(清) 連文沖	(四十四) 鼠疫抉微	(清) 余伯陶	(四十五) 增補評註溫病條辨	(清) 吳鞠通	(四十六) 增補評註溫病條辨	(清) 王士雄	(四十七) 十藥神書	(清) 葉子南	(四十八) 增訂十藥神書	(清) 葉子南	(四十九) 痰火點雪	(明) 胡慎柔	(五十) 慎柔五書	(明) 胡慎柔	(五十一) 理虛元鑑	(清) 鍾石	(五十二) 虛損啓微	(清) 洪錦泰	(五十三) 何氏虛勞心傳	(清) 何嗣宗	(五十四) 症因脈治	(明) 秦景明	(五十五) 周慎齋遺書	(明) 周慎齋	(五十六) 醫原	(清) 石壽康	(五十七) 脈因證治	(清) 朱丹溪	(五十八) 韓氏醫通	(明) 韓志	(五十九) 醫林改錯	(清) 王清任	(六十) 醫學舉要	(清) 徐靈胎	(六十一) 一草亭目科全書	(清) 鄭元	(六十二) 異授眼科	(清) 胡夢樵	(六十三) 銀海指南	(清) 顧鑑								
(六十四) 口齒類要	(明) 薛己	(六十五) 尤氏喉科秘書	(清) 尤承	(六十六) 咽喉脈證通論	(清) 許慎	(六十七) 喉舌備要秘旨	(清) 佚名	(六十八) 包氏喉證家寶	(清) 包三	(六十九) 重訂喉證家寶	(清) 包三	(七十) 正體類要	(明) 薛己	(七十一) 外科證治全生集	(清) 王洪緒	(七十二) 外科選要	(清) 唐宗海	(七十三) 外科醫鏡	(清) 張貞庵	(七十四) 外科全書	(清) 梁紹軒	(七十五) 外科法門	(清) 李子殿	(七十六) 徐評外科正宗	(明) 陳實功	(七十七) 盤珠集胎產證治	(清) 洪武	(七十八) 胎產指南	(清) 張南軒	(七十九) 重訂產孕集	(清) 包興言	(八十) 女科切要	(清) 吳道源	(八十一) 女科經驗	(清) 許殿	(八十二) 校註婦人良方	(明) 薛立齋	(八十三) 慈幼新書	(明) 程鳳雛	(八十四) 原瘡要論	(清) 吳承	(八十五) 麻疹備要方論	(清) 吳承	(八十六) 活幼心書	(清) 孟介石	(八十七) 幼科直言	(清) 佚名	(八十八) 小兒衛生總微論方	(清) 陳復正	(八十九) 幼幼集成	(清) 魯南	(九十) 針灸甲乙經	(清) 皇甫謐	(九十一) 針灸素難要旨	(清) 高士	(九十二) 針灸素難要旨	(清) 高士	(九十三) 眉壽堂方案選存	(清) 葉天士	(九十四) 徐批葉天士晚年方	(清) 葉天士	(九十五) 案真本	(清) 徐靈胎	(九十六) 孫文垣醫案	(清) 孫文垣	(九十七) 三家醫案合刻	(清) 孫文垣	(九十八) 張晚香醫案	(清) 張晚香
(九十九) 程杏軒醫案	(清) 程杏軒	(一百) 何澹安醫案	(清) 何澹安	(一百一) 邵蘭蓀醫案	(清) 邵蘭蓀	(一百二) 吳鞠通醫案	(清) 吳鞠通	(一百三) 冷庵醫話	(清) 陸定圃	(一百四) 柳洲醫話	(清) 魏玉璣	(一百五) 鵝塘醫話	(清) 張景岳	(一百六) 先哲醫話	(清) 凌田	(一百七) 潛齋醫話	(清) 王士雄	(一百八) 友漁齋醫話	(清) 黃思庵	(一百九) 對山醫話	(清) 毛對山	(一百二十) 客塵醫話	(清) 計壽高	(一百二十一) 巢氏諸病源候總論	(隋) 巢元方	(一百二十二) 儒門事親	(金) 張從正	(一百二十三) 重訂靈蘭秘要	(明) 王肯堂	(一百二十四) 肯堂醫論	(明) 王肯堂	(一百二十五) 知醫必辨	(清) 李冠仙	(一百二十六) 研經言	(清) 莫枚士	(一百二十七) 醫學讀書記	(清) 尤在涇	(一百二十八) 讀醫隨筆	(清) 周學海	(一百二十九) 市隱廬醫學雜著	(清) 王士雄	(一百三十) 葉選醫衡	(清) 葉天士	(一百三十一) 醫學源流論	(清) 徐大椿	(一百三十二) 慎疾芻言	(清) 程林	(一百三十三) 醫暇卮言	(清) 程林	(一百三十四) 醫學心悟	(清) 程林	(一百三十五) 神農本草經	(清) 吳普	(一百三十六) 珍珠囊補遺藥性賦	(清) 李東垣	(一百三十七) 雷公炮制藥性解	(清) 王好古	(一百三十八) 重刊本草衍義	(清) 寇宗奭	(一百三十九) 藥微	(清) 吉益東洞	(一百四十) 藥微續編	(清) 村井純	(一百四十一) 劉涓子鬼遺方	(宋) 劉涓子	(一百四十二) 醫方考	(明) 吳鶴皋	(一百四十三) 聖濟總錄纂要	(清) 程家來